

NIUSPEPA BILONG YUMI OL PAPUA NIUGINI STREET 30 YIA NAU

32 pes

Namba 1,353

Wik i stat long Fonde Jun 1, 2000

70t

pes 2

Ol ripoot bilong sik AIDS long PNG

pes 3

Ol ripoot bilong

pes 19

Ripot long ol hevi long Fiji

pes 25 - 26

TOKI JADE wantaim Jeanage

Lo i no tok stret long Sir Mekere i ken kisim 51 pesen (%) sia bilong Orogen

WENCESLAUS MAGUN i raitim

LO i no tok stret long Praim Ministra Sir Mekere Morauta i ken kisim 51 pesen (%) sia bilong Orogen Minerals Limited we Mineral Risoses Developmen Koporesen (MRDC) i bin lukautim, memba bilong Madang Jacob Wama i tok ast.

Mista Wama husat i bin kisim tting bilong Palimenteri Kaunsel, Kalu Yomilewau, i tok: "Taim i nogat wanpela lo insait long MRDC, we i tok orait long Tresera i ken kisim sia bilong Gavman insait long of maining na pretroleum projek aninit long Opsen Agrimen na Pablik Fainens (Menesmen) Ekt 1995, wanem pasin Tresera i mekim long dispela samting aninit long lo em i no stret." Mista Wama i tok dispela pas i tok: "Em i no klia tu sapos Praim Ministra insait long wok bilong em olsem Tresera, i gat pawa long kisim ol sia bilong Gavman long kain pasin olsem em i bin mekim pinis." Pas i go het na tok: "Pablik Fainens (Menesmen) Ekt 1995, i nogat lo i tok klia long ol pawa bilong Tresera long kisim ol sia bilong Gavman insait long of maining na petroleum projek we MRDC o Kampani i holim.

Dispela pas i tok: "Aninit long sekson 15 bilong MRDC Ekt, we i toktok long senism Maining

1992, em i tok olsem, Gavman, MRDC na Kampani wan wan bilong ol i gat rait long kisim na tu transferim sia bilong ol insait long wanpela maining projek biahinim lo insait long Opsen Agrimen. Moa yet, dispela Ekt i tok, Gavman aninit long Opsen Agrimen, i makim MRDC o Kampani long kisim sia bilong em."

Dispela pas i tok, long dispela as, MRDC i lukautim olgeta sia bilong Gavman, na dispela i karamapim tu ol sia bilong Gavman long Orogen Minerals Limited. Mista Wama i tok pas bilong Yomilewau i tok, toktok bilong transferim sia bilong Gavman i go long wanpela man, i mas biahinim ol lo i stap insait long Opsen Agrimen.

Mista Wama i tok dispela pas i tok, Opsen Agrimen i tok klia olsem Gavman i papa bilong MRDC husat Gavman i makim long holim na menesim ol sia bilong Gavman insait long of maining na petroleum projek. Na Orogen Minerals Limited, wanpela susa kampani bilong MRDC i gat wok bilong kisim sampela sia bilong Gavman na MRDC insait long dispela ol projek na putim long pablik long mekim invesmen.


Pas bilong Mista Yomilewau long Mista Skate i tok we Mista Wama i toktok long en i tok, long dispela as, rot bilong transferim ol sia insait long Opsen Agrimen i toktok tasol long ol sia bilong

Gavman long MRDC, i go long Kampani, tasol i nogat lo long transferim sia insait long MRDC i go long Gavman o long Kampani i go long Gavman. Mista Wama i sanap long kisim Liv bilong Palamen aste long askim sampela askim long Sir Mekere long dispela toktok, tasol Spika Bernard Narokobi i bin edvaism em long senism ol askim bilong em long we sia i ken larim Mista Wama long go het na askim ol askim bilong em. Mista Wama i tok tu olsem Spika Narokobi i bin askim em long yusim tu ol arapela rot bilong autim dispela hevi.

Las wik Trinde, Sir Mekere i tok i gat kontrol long 51 pesen sia bilong Gavman insait long Orogen Minerals Limited olsem Tresera.

"Dispela ol sia, mi holim insait long tras bilong ol pipel bilong Papua Niugini. Dispela em i rait na duti bilong mi olsem Tresera," Sir Mekere i tok. Em i tok long biahin taim olgeta win mani i kamap long dispela sia bai i go insait long wanpela basket tasol bilong Gavman na MRDC bai i nogat sans long yusim ol win mani long laik bilong em pastaim, bipo long em (MRDC) i givim long Gavman.

Sir Mekere i tok tu olsem em i no inap larim MRDC i yusim 51 pesen sia bilong Gavman long kisim ol dinau mani long ol beng na helpim sampela ol papagraun kampani husat i bin askim MRDC long helpim ol.



• Praim Ministra bilong Papua Niugini Sir Mekere Morauta na PNG top ragbi pilaia long Australia wantaim Melbourne Storm, Marcus Bai i bung long ron bilong Olimpik Tos raun long Mosbi las wik Sarere. Poto: Francis Benny.

Teknoloji bai stretim llektorel Sistem

PRAIM Ministra Sir Mekere Morauta i tokim Palamen long dispela wok olsem, Gavman i bilip olsem te'knoloji bai stretim llektorel Sistem bilong Papua Niugini. Sir Mekere i tokaut long dispela taim em i bekim sampela askim memba bilong Mosbi Saut, Carol Kidu.

"Papua Niugini i mas gat wanpela 'onlan, disentrelais, na nesenel enrolmen sistem i stap oltaim," em i tok.

Em i tok nau yet i nogat ol gutpela rekot long pasin bilong ilekseen na tu i nogat gutpela rekot long bilong ol pipel long wan wan llektorel era

insait long kantri. Em i tok ol Ritening Opisa na Asisten Ritening Opisa bai kisim skul long ol lo na pasin bilong ilekseen bipo long ilekseen i kamap olsem bai ol i save long wok bilong ol tu i no bagarapim wok bilong ilekseen.

Sir Mekere i tok tu olsem Konstitusinel Developmen Komiti i glasim preferensel sistem bilong vot na bai mekim ful ripot i go long Nesenel Eksekutiv Kaunsel taim ol i redi.

"Bai i gat wanpela bikpela awenes program kamap taim olgeta bikpela senis i kamap long mama ion long taim bilong redi long 2002

jenerel ilekseen," Sir Mekere i tok.

Sir Mekere i tok pasin bilong skulim ol pipel long ilekseen i wok long go het na ol memba bilong llektorel Komisen projek tim bai karim aut dispela awenes long of wok manmeri, ol lain bilong vot na ol pablik Em i tok tu olsem llektorel Boda Komisen bai statim wok bilong ol long stretim ol llektorel boda, biahin long Gavman i stretim sampela Ogenik Lo long Nesenel na Lokol Level Gavman ilekseen biahin long nesenel senses long stat bilong 2001.

Sir Mekere i tok pasin bilong pait na bagapim ol manmeri na pikinini o ol lain bilong vot long taim bilong vot em i wanpela bikpela hevi long PNG.

Em i tok pasin bilong pretim ol arapela lain, baim ol, korapsen i save kamap long taim bilong ilekseen long PNG.

Em i tok tu olsem pasin bilong reipim ol meri o geng reip na kontrolim indipendens bilong ol meri long taim bilong vot em i wanpela bikpela hevi long PNG.

SLAM DUNK NA WIN!

**5 MILO SPOTS
PACKS BILONG WINIM!**

WANTAIM: BASKETBALL BACKBOD, MILO SPOTS BAG, MILO BASKETBALL, MILO T'SHIRT, WARABOTOL NA KEP, NA K100 KES MONI!

PLIS RIPOT

Mosbi, Nesenel Kapitel Distrik:

Ol raskol i bin wokim holap long Saut Pasifik beng long Mosbi taun long dispela wik Tunde na stilim moa long K200,000 na ronawe.

Na tupela awa bihain, tupela man i bin wokabaut i go insait long Sen John Ambalens opis long Tri Mail na holim ap wanpela wokman na stilim K4,7000 long en na ronawe.

Plis ripot i tok long Tunde moning taim ol beng woklain i redi long opim beng, faivpela raskol i bin wokabaut i go insait long dua we plis i bilip olsem wanpela wokman yet long beng i bin lusim op i stap. Dispela man em ol i bilip olsem em i toktok wantaim ol raskol long wokim dispela stil pasin ya.

Ripot i tok ol wokman i lukim dispela favpela man na ol i luksave long ol olsem ol man nogut tasol bipo ol i wokim wanpela samting, ol dispela raskol ya i autim ol gan bilong ol na odaim ol woklain long slip long plua.

Ol raskol i bin yusim tupela pistol na wanpela hangan. Ol bin opim ol drowa na kisim ol mani bilong PNG, Australia na Amerika na ronawe long wanpela Lenkrusa we i bin wetim ol ausait. Bihain ol plis i painim marun Lenkrusa we ol raskol i lusim klostu long Aviat Klab long Konedobu.

Plis i tok beng wokman husat i stap insait long stil pasin wantaim ol raskol i wok long mente-nens seksem na ol plis bai painim em yet.

Long narapela stil pasin long Sen Johns Ambalens, tupela man i bin bihainim kuskus bilong Sen John's Ambalens sevis i go long opis, holapim em na stilim K4,700 we i potnait pe bilong ol wokman long en. Ol bin kisim tu ambalens na ronawe. Bihain ol plis i bin painim ambalens long Korobosea.

Isten Hailans:

Ol raskol i sutim wanpela meri i dai na ronawe wantaim K13,000 long Kainantu las wik, plis ripot i tok.

Birua na stil pasin ya i bin kamap long Fonde nait taim sevenpela raskol stilman i haitim pes bilong ol na karim ol strongpela gan na hen-sapim draiva na stilim K13,000 long en. Na ol i sutim meri husat i bin dai kwiktaim.

Bosman bilong ol plis long Hailans rijen Tony Wagambie i tok daimeri ya i bilong ples Kompri. Ol raskol i bin sutim em long het na em i bin dai kwiktaim tasol.

Draiva em save baim kopi na tupela i wok long go bek long ples bilong ol taim ol i bungim birua long han bilong ol raskol.

Mista wagambie i tok ol raskol i bin holim tupela gan ol i wokim long ples na tripela strongpela gan ol i wokim long faktori.

Plis i wari long planti strongpela gan i stap long han bilong ol raskol husat i wok long bagarapim na kilim nating ol pipel.

WANTOK

All departments, Phone: 325 2500 - Fax: 325 2579
P. O. Box 1982, Boroko, NCD, Papua New Guinea

Publishing Weekly, Thursday, for
Word Publishing Company Pty. Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co. Pty. Ltd.

Acting General Manager and
Group Editor in Chief:
Anna Solomon.
Acting Advertising Manager:
Jock Oberleuter
Editor of Wantok:
Yakam Kelo

Papers distributed by air
throughout PNG.
Available by air mail
subscription within
Papua New Guinea
and overseas
Email address:
word@global.net.pg

Advertising deadlines, Display bookings: Tuesday mid-day. Camera ready copy: Wednesday midday.
Classified Advertising: Wednesday 5pm.

Word Publishing Company Pty. Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at absolute discretion. The publisher's general terms of acceptance are available at Word Publishing Company Pty. Ltd. and are set out in full on the reverse side of the front cover of this issue.

Ripot bilong AIDS woksop wantaim VERONICA HATUTASI

Sik AIDS wok long go bikpela insait long kantri

SAMTING olsem 2,342 pipel long kantri i gat sik HIV/AIDS i bin abrusim 600 na long 1999, dispela i bin go antap long 30 pesen mak.

Ripot i tok long 1987 i kam inap long Desembra 1999, mak long ol lain we helt Dipatmen i gat ripot long en olsem ol i dai long sik AIDS em 158.

Wantaim 183 nupeia keis long sik ya inap long Desembra 31,1999 insait long Nesenel Kapitel Distrik, em i stap long top lisat insait long kantri wantairn moa pipel i kisim sik AIDS.

Westen Hailans i kamap namba tu wantaim 75 nupeia keis, Isten Hailans namba tri wantaim 35, Enga namba foa wantaim 37 na Morobe wantaim 34. Ripot i tok mak long sik ya i go antap long ol dispela provins insait long las 18-pela mun.

Mak long NCD na Westen Hailans i antap bikos ol i gat ol rot, masin na dokta long kisim tes na glasim ol lain husat i gat sik HIV/AIDS long en.

Ripot i tok bihainim ol Helt Dipatmen na haus sik ripot, rot we ol pipel i kisim sik HIV/AIDS em long wokim pasin pamuk na

Long 1998, mak long ol lain i gat sik HIV/AIDS i bin abrusim 600 na long 1999, dispela i bin go antap long 30 pesen mak.

Ripot i tok long 1987 i kam inap long Desembra 1999, mak long ol lain we helt Dipatmen i gat ripot long en olsem ol i dai long sik AIDS em 158.

Wantaim 183 nupeia keis long sik ya inap long Desembra 31,1999 insait long Nesenel Kapitel Distrik, em i stap long top lisat insait long kantri wantairn moa pipel i kisim sik AIDS.

Westen Hailans i kamap namba tu wantaim 75 nupeia keis, Isten Hailans namba tri wantaim 35, Enga namba foa wantaim 37 na Morobe wantaim 34. Ripot i tok mak long sik ya i go antap long ol dispela provins insait long las 18-pela mun.

Mak long NCD na Westen Hailans i antap bikos ol i gat ol rot, masin na dokta long kisim tes na glasim ol lain husat i gat sik HIV/AIDS long en.

Ripot i tok bihainim ol Helt Dipatmen na haus sik ripot, rot we ol pipel i kisim sik HIV/AIDS em long wokim pasin pamuk na

tu ol bebi i kisim dispela sik long mama.

Pot Mosbi Jenerel haus sik i bin kisim ripot long ol lain i gat sik AIDS insait long NCD.

Wol ripot bilong sik ya i soim olsem 50 milien pipel i gat HIV/AIDS we 23,3 milien em i bilong ol kantri long sab Sahara Afrika.

Samting olsem 16.3 milien pipel i dai pinis long sik ya.

Sik HIV/AIDS i save kamap taim sistem we i save paitim ol binatang nogut lwe i save kamapim sik long long bodi bilong yumi i bagarap.

Sik AIDS i nogat marasin bilong kisim na kamap orait long en.

Ripot i tok namba wan rot bilong abrusim sik nogut ya em long gat wanpela patna tasol husat yu save olsem i nogat dispela sik na tu yusim kondom o gumi taim yu laik slip wantaim patna.

Tasol ripot i tok lukaout gut long taim yu yusim gumi bikos sampela lain husat i yusim gumi i kisim pinis sik HIV/AIDS.

Ol niuslain i kisim salens long ripotim HIV?AIDS

SALENS i go long ol nius manmeri long kantri bilong sapotim ol wok long traum daunim sik nogut HIV/AIDS long Papua Niugini, Helt Seketeri Puka Temu i bin tok long dispela wik.

Dokta Temu i bin edresim wanpela woksop we ol nius manmeri, ol Helt Dipatmen lain, AusAID na Uniceff i bin stap long en long Mosbi.

Woksop ya i bilong kamapim gutpela wokbung namel long ol grup ya na tu long helpim ol nius manmeri i skruim save long raitim ol gutpela ripot long dispela sik we i kam nupeia long kantri tasol i bagarapim na kilim dai planti pipel pinis.

Stat yet long 1987 taim PNG i bin ripotim sik HIV/AIDS long kantri long namba wan taim i kam inap long Desembra 1999, 2,342 pipel i dai pinis long dispela sik ya.

Dispela mak em ol lain we helt dipatmen i gat ripot long ol tasol mak tru tru i moa yet bikos i nogat ripot long planti pipel husat i gat sik ya.

Dokta Temu long salens bilong em i go long ol niusman meri i bin tok ol ken kamapim senis long daunim dispela sik long ol ripot na rot we ol i raitim ol.

Taim em i luksave long wok we ol niusman meri i wokim long kisim ol toktok long sik ya i go long pablik na tu long sapot we midia i givim long Nesenel AIDS Kaunsil, Dokta Temu i tok bikpela wari bilong en em long lukim mak bilong sik HIV/AIDS sik manmeri i go daun.

Taim PNG i bin luksave long sik ya long 1987 wantaim sikspela man i kisim em (HIV/AIDS) pinis, mak i no go antap tumas tasol bihainim ripot bilong Helt Dipatmen, 14 krismas bihain mak i wok long go antap kwiktaim.

"Mak long ol pipel i pondaun long dispela sik i wok long dabel na mi pret tru long lukim dispela i kamap.


"Mi wari na mi laik lukim mak i kam daun.

"Nesenel Aids Kaunsil bai kamapim na skruim ol program insait long tupela krismas bilong traum painim ol rot long daunim hevi ya," Dokta Temu husat i siaman bilong Nesenel Aids Komiti i tok.

Em bin tok pasin we PNG i bihainim long dainim sik ya i gutpela na em i amamas long lukim olsem gavman i givim gutpela sapotim long wok bilong skulim pablik long dispela sik na daunim.

"PNG em i laki bikos em i wanpela long ol liklik lain kantri lor g Pasifik na wol we i kisim gavman saput, gat lo na em i kirapim Nesenel AIDS Kaunsil bilong lukau-tim ol program long traum daunim sik AIDS," Dokta Temu i tok.

Edukesen aewanes long HIV/AIDS i go long pablik long kia.m na skruim save bilong pablik, moa yet ol yangpela long sik ya na bihainim ol rot long abrusim em i bikpela samting we ol nius manmeri i mas karimaut, Dokta Temu i bin tok.



Turangu dai aste.

- Wanpela bikman husat i kisim dispela sik AIDS i kam aut long klia na skulim ol arapela long lukautim ol yet egensis dispela birua sik.

Midia i gat wok long senisim pasin

MIDIA i gat bikpela wok bilong mekim long helpim senisim pasin nogut bilong ol man i kamap gutpela, Helt Minista Ludger Mond i bin tokim HIV/AIDS woksop long Mosbi long dispela wik.

Minista Mond i bin tok sik HIV/AIDS i no samting bilong Helt Dipatmen tasol long wari long en nogat, em i samting long olgeta grup long kantri long wok wantaim na daunim bikos em i bagarapim sosel na ikonomik developmen bilong kantri.

Em i tok bikpela samting we midia i mekim na i mas skruim em long skulim pablik long ol hevi na ol bagarap na antap long en, ol rot we ol ken bihainim long abrusim sik ya.

Bihainim ol Helt Dipatmen ripot long PNG, sik HIV/AIDS

kamap bikpela long ol yangpela pipel namel long 15 na 35 krismas

Na Mista Mond i tok wanem samting bai kamap sapos sik HIV/AIDS i bagarapim ol yangpela woklain? Bai wok ikonomi, ol wok bisnis, ol skul, agrikalska sekta, ol wok politiks na ol arapela eria moa bai bagarap na kantri bai bagarap.

Em bin tok olsem bihainim ol dispela, midia i gat bikpela wok long mekim bilong skulim pablik long bagarap we sik ya i ken kamapim.

Em bin tok tude long PNG na long wol, ol man i kisim sik HIV/AIDS long pasin bilong slip wantaim narapela husat i gat dispela sik, serim ol nil na kisim blut long haus sik taim ol i sik.

Palamen nius wantaim WENCESLAUS MAGUN

Traibel pait em i no gutpela long PNG, Peipul i tok

DEPUTI Oposisen Lida na memba bilong Imbongu, Peter Peipul i tok traibel pait em i no gutpela long PNG.

Em i tok traibel pait i no save kamap nating na tu i no save kamapim sampela gutpela samting long kamapim gutpela sindaun bilong ol pipel.

Em i tok planti taim ol plisman i no inap kontrolim ol traibel pait bikos ol pipel i Yusim ol strongpela gan bilong pait na ol paitman tu i hait long ol bus na baret bilong maunten.

Mista Peipul i tok traibel pait em i wanpela pasin nogut tru we sampela liklik lain tasol i save statim bilong amamasim ol yet. Ol dispela lain, em i tok i no inap kontrolim belhat bilong ol na tingting long sindaun bilong arapela pipel.

Sauten Hailens lusim tripela kaunsel presiden

SAUTEN HAILENS i lusim tripela kaunsel presiden bihain long Memba bilong Nipa Kutubu na Mista bilong Provinsel na Lokol Level Gavman, Philemon Embel i rausim ol.

Mista Embel i tokaut aste olsem em i rausim Philip Kane, Mayo bilong Tari Urban Lokol Level Gavman, Tubiri Wagep, het bilong Karints Rurel Lokol Level Gavman na Tayago Hamono, het bilong Hayapuga Rurel Lokol Level Gavman bikos ol i no mekem gut wok bilong ol na tu sakim toktok bilong em olsem minista.

Mista Embel i tok tu olsem ol i no

Kiunga bai kamap het kwata bilong Westen Provins


...Sapos Kebinef
i tok orait

PRAIM Minista Sir Mekere Morauta i tokim Palamen olsem em bai kisim tingting bilong Provinsel Eksekyutiv Kaunsel na Provinsel Asembli bilong Westen Provins long senism Provinsel Kapitol bilong ol long Daru i go long Kiunga i go long Minista bilong Provinsel Afeas na Lokol Level Gavman na tokim Palamen long dispela samting.

Sir Mekere i tokaut long dispela bihain long memba bilong North Fly, Kala Swokin i askim sampela ol askim long Palamen aste.

Mista Swokim i tok wanpela bikpela astingting PEC na Westen Provinsel Asembli i laik senism kapitol bilong ol long Daru i go long Kiunga em bikos nau yet ol i no lukim bikpela senis na developmen i kamap long Daru.

Mista Swokim i kros tu long Nesenel Gavman long i no luksave long Westen Provins na sapotim



• Sir Mekere Morauta.

provins long ol ekonomik, sōsel na politikel developmen taim OK Tedi Main i save givim 10 pesen bilong mani i go insait long baset bilong kantri.

Ami bai wok bung wantaim plis long dai bilong Miriung

MINISTA bilong Ami na memba bilong Obura Wonenara, Mukti Taranupi i tokim Palamen aste olsem ol ami bilong Papua Niugini bai wok bung wantaim ol plis husat i karim aut wok painim i go insait long dai bilong Primia bilong Bogenvil, Theodore Miriung long 1996.

Mista Taranupi i tokaut long dispela bihain long memba bilong Sentrel Bogenvil, Sam Akoitai, i askim Mista Taranupi long tokim ol pipel bilong PNG sapos ol ami bai wok bung wantaim ol plis insait long dispela wok

painim o nogat

Long 1996 sampela lain i bin kilim Theodore Miriung taim pait long Bogenvil i bin stat. Plant i lain long Bogenvil na moa yet ol famili bilong leit Mista Miriung i gat bikpela waru tru long nau yet long wanem, ol i no save husat tru i kilim Mista Miriung na long wanem as.

Singaut i stap strong yet olsem ol plis i mas karim aut wok painim kwik na kotim ol lain i bin kilim Mista Miriung.

Sentrel Provins lusim tupela kaunsel presiden

SENTREL PROVINS i lusim tu tupela kaunsel presiden bilong ol.

Mista Embel i rausim presiden bilong Woitape Rurel LLG, Kaunsel Augustine Mak na presiden bilong Tapini Rurel LLG, Kaunsel Emil Kaimana.

Mista Embel i rausim dispela tupela presiden bihain long em i kisim planti komplem i kam long ol kaunsel bilong dispela tupela LLG na tu ol opisa bilong Dipatmen bilong Sentrel Provinsel Edinistresen.

Mista Embel i rausim ol dispela presiden bikos ol i no mekem wok bilong ol long:

- I no holim foapela miting long 1998 na foapela miting long 1999 olsem lo i tok;

- I no stap insait long ol miting long ol het-kwata bilong ol LLG bilong ol; na

- Mekim wok bilong LLG bilong ol long Mosbi na i no long Tapini o Woitape.

Long wankain taim Mista Embel i askim olgeta ol wod kaunsel long Tapini na Woitape LLG na ol arapela LLG long go bek na mekem wok bilong ol.

Skate yusim K200,000 RAP bilong em long stretim Rainbow rot

OPOSISEN lida Bill Skate i tok long 25 April, 1997 em i bin yusim K200,000 bilong Rurel Eksen Program mani bilong em long givim i go long Abau Konstraksen long stretim ol rot insait long Rainbow long Nesenel Kapitol Distrik.

Em i tok Abau Konstraksen i stat wok long mun April, Mei, na Jun 1997 na taim ol i pinisim wok bilong ol, ol i bin givim ripot long NCDC na long em.

Mista Skate i tokaut long dispela bihain long Praim Minista Sir Mekere Morauta i sutim tok olsem Gavman bilong Mista Skate long dispela taim i bin pinisim kontrak bilong Abau Konstraksen na givim i go long Gactu Developmen Konstraksen husat i kisim mani tasol i no pinisim wok.



TOK SAVE

LAS wok bilong stretim 2000 Nesenel Senses bai stat long neks gavman toteait nos pilong senses Mista Kaiman na Kalamoroh i tokaut aste i na Pot Mosbi.

Long dispela taim ba tupela meri bilong NSC o Nesenel Stetistikai Opis Mis Esther Lavu na Mis Francesca Drapuluvik i skulim olgeta Mista long wei bilong mekem senses.

Mis Lavu na Mis Drapuluvik i tupela save hen long wok bilong senses Mis Lavu em i long ples Lalaura long Sentrel Provins na Mis Drapuluvik em i pilong ples Levi long Marius Provins.

Mis Lavu na Mis Drapuluvik bai skulim ol dispele 60 senses itsa long Pot Mosbi.

Dispela skul bai i stat long namba 12 dei bilong mun Jun na pinis long namba 16 dei bilong Jun.

Taim Mis Lavu na Mis Drapuluvik i skulim ol itsa pinis bai olgeta dispela 60 itsa i go long ol wanwan provins na skulim ol lokol gavman sens es kodineita long wei bilong mekem senses.

Dispela treining kos bilong ol lokol gavman sens es kodineita bai i stat long namba 19 dei bilong mun Jun na i go inap long namba 23 dei bilong Jun.

Taim ol i pinisim kos bilong ol bai ol lokol gavman sens es kodineita i go bek lend si wanwan ples bilong ol na skulim ol wokmanmeri bilong ol long wei bilong mekem senses.

Treining kos bilong ol sens es wokmanmeri bai i stat long namba 3 dei bilong mun Julai na i go inap long namba 7 dei bilong Julai.

Bihain long tupela dei tasol o namba 9 dei bilong mun Julai bai 2000 Nesenel Senses i stat na ol dispela sens es wokmanmeri bai kauntim olgeta manmeri pikinini insait long Papua Niugini na kisim sens es toktok i go inap long namba 15 dei bilong mun Julai.

Mista Kalamoroh i tok aste olsem bai i gat 35.000 wokmanmeri olgeta long askim na kisim toktok bilong sens es.

Long ol dispela lain 24.000 bilong ol bai i wok olsem ol intavua o interviewer long Tok Inglis Wok bilong ol em i long askim na kisim toktok Lukautim ol intavua bai i gat 11.000 ol wok manmeri husat bai i wok olsem ol bosbor o supavaisa.

Mista Kalamoroh i tok 500 arapela wokmanmeri bai i wok olsem kwaliti kontrola long glasim gut wok bilong ol intavua na ol supavaisa.

"Sapos ol intavua na ol supavaisa i mekem asua long sens es ol kwaliti kontrola bai tokim ol long go bek na mekem gut wok bilong ol" Mista Kalamoroh i tok.

● Gavman bilong Papua Niugini na Gavman bilong Australia i sapotim 2000 Nesenel Senses.

TOK

MERI BILONG EMINO
STAP NA BAGA KIRAP
NA KUK LONG EM YET...

Hic! G*!!
YU TINGOL
MERI TA-
SOL SAVE
KUK?!!
HAH!!

EM PUTIM SOSPEN ANTAP
LONG STON NA TROMOI LEU-
FLAPS I GO INSAIT...

Hic!.. EM NAU!
MI SILIP NA
NETIM LEM-
FLAPS I TAN
GUT TRU!!!


NAU EM GO SILIP NA LUS
TINGTING OLGETA LONG
KAIKAI BILONG EM...

ZZZZ
LEMFLAPS I PAIA NA
TRAPELA SIMUK KIRAP.

OL NEKS DUA NEBA TING
PAIA KAMAP LONG HAUS
BILONG TORO NA OLI
RINGIM PAIA BRIGED I
KAM...

PAIA TRAK





NIUGINI AILAN NIUS



Wok painimaut long leit Primia Miriung i no pinis gut ye

VERONICA
HATUTASI
i raitim

OL WOK painimaut long dai bilong leit Bogenvil Primia Theodore Miriung bai go het yet, bos bilong plis Kriminel Investigesen Divisen Thomas Eluh i tok long dispela wik.

Mista Eluh i tok bikos hevi i bin strong yet long Bogenvil long 1996 taim birua long dai bilong leit primia i kamap, ol plis i no bin pinisim gut ol wok painimaut bilong ol.

Olsem na em i singau-tim bek ol opisa husat i bin wok long dispela samting bilong skruim gen wok ya.

Mista Eluh i tok bikpela nap long ol wok painimaut i pinis tasol ol liklik naphap wok i stap yet na ol opisa bilong en bai i mas pinisim.

Em i tok ol mas kisim moa toktok long ol witnes na pipel long Siwai we leit primia i bin dai long en. Na tu ol mas kisim toktok long ol defens fos soldia husat ol i tok i bin stap insait long wok bilong kilim leit Mista Miriung.


Em i tok em i raitim pinis wapel pas i go long ami komanda bilong

askim em sapos em i ken larim ol plis i kisim ripot bilong ol ami opisa we tok i sut long ol long kilim dai Mista Miriung.

Memba bilong Sentrel Bogenvil Sam Akoita long taim bilong palamen i bin askim Praim Minista Sir Mekere Morauta na Plis Minista Mathias Karani wanem taim tru bai gavman i autim ol wok painim long ripot bilong dai long leit Bogenvil primia bikos ol pipel long ailan na famili bilong en i wet long foapela krismas pinis long lukim dispela ripot. Na tu wanem samting ol plis i mekim long sasim ol lain i bin kilim dai Mista Miriung.

Stori i go olsem sampela lain i bin sutim Mista Miriung long Kapana ples bilong meri bilong em insait long Siwai, Saut Bogenvil long Oktoba 17, 1996 taim famili i laik kaikai long nat.

Kwiktalm, ol plis i bin go insait long mekim wok painimaut long birua ya. Long wankain taim tu, Nesenel Gavman i bin saim wanpela Komonwei Seketeriet as. Jastis Thrunayukkarasu Suntheralingham, wanpela Jas bilong Sri Lanka bilong karimaut koroniel



• Leit Theodore Miriung

inkwes long painimaut husat i bin kilim leit primia, watpo na kisim ripot bilong ol witnes.

Jas Suntheralingham i bin karimaut wok insait long tripela wik, stat long Novemba 10 na pinis long Novemba 30 tasol ripot bilong em i no bin kamaaut long publik i lukim na skelim.

Taim bikman ya i lisim kantri long Novemba 30, 1996 em bin tokim ol niusman long Jacksons ples balus olsem seven-pela o eitpela ami man husat i bin wok long Tonu. Siwai long dispela taim na tupela resistens paitman i bin kilim dai Mista Miriung.

Em bin tok ol save long nem bilong ol tasol ol i

pret nogut birua i kamap long ol witnes na olsem em no bin tokaut long nem bilong ol.

Ol plis ripot long dispela samting i tok ol gat nem long sikspela ami na tupela resistens paitman husat i bin kilim dai Mista Miriung. Tasol ol mas kisim moa ripot long ol witnes long Bogenvil na ol soldia bipo ol i pinisim gut dispela wok painim aut.

Kenel David Takendu em Sief ov Staf bilong ol ami long Murray Bareks. Mosbi taim Wantok i laik kisim sampela toktok long en i bin tok ol plis atorti em rait pipel long toktok long dispela samting.

Em i tok em i raitim

Sevei bai helpim redio Is Nu Briten

IS NU Briten bai wokim wapel sevei o wok painimaut long helpim provinsel redio stesen i kamapim ol program na musik ol pipel long ples na taun i save laikim.

Sevei ya bai karamapim ol grup olsem ol liklik manki, ol yang-pela, ol bikpela manmeri na ol lapun long ol ples na taun.

Rot we bai ol i karimaut sevei wok ya em long toktok long ol pipel long rot, ol striit na tu ringim ol long telipon na toktok wantaim ol.

Program Manesa bilong Redio Is Nu Briten John Wartovo i tok infomesen ol i kisim long sevei bai helpim stesen long kamapim ol program na pilam musik we ol lain i harim redio long ol ples na taun i save laikim.

Em bin tok sevei bai helpim tu stesen long kamap wantaim ol gut-pela program we ol bai biahinim long ol taim i kam.

Em i tok dispela program bai inapim laik bilong publik long taun na ples husat i save harim redio na tu eduketim ol long ol samting i kamap long provins, kantri na wol.

Mista Wartovo i luksave olsem stat long taim ol i muv i go long nupela studio bilding bilong ol long Ralum, ol i no wok long putim kamap planti singsing ples program na ol string ben musik bikos saun sistem i no gutpela long ol olpela rekoting.

Stesen manesa i bekim toktok bilang olpela sinia redio brotka opisa Jack Bata husat i bin tok Redio Is Nu Briten i wok long putim ol program bilong inapim tasol laik bilong ol taun lain na i no bilong ol ples lain.

Ol meri Bogenvil holim ol helt woksop

FAY DUEGA i raitim

OL meri i wok long givim bikpela sapot long lukim ol wok long stre-tim ples na sindau bilong ol pipel long Bogenvil bihain long ol hevi i kamap tru na i go gut.

Bogenvil Kaunsil bilong ol Meri i wok long go pas long dispela wok we long dispela taim, i holim ol helt woksop long provins.

Ol i holim tupela woksop pinis long Arawa insait long Sentrel Bogenvil na narapela long Tonu long Saut Bogenvil. Narapela em ol bai holim long Buka long dispela mun.

Theresa Jaintong husat i Presiden bilong Bogenvil Kaunsil bilong ol Meri i tok ol dispela woksop em i bilong givim trening long ol meri na ol gen bai go bek long ol wan wan ples na komuniti bilong ol long trenim ol arapela na serim ol save wantaim ol.

Misis Jaintong i tok tru, em i wok bilong ol meri long lukautim gut na klinik haus, dispela ol woksop ya i bilong skruim i go gen long ol olsem em i bikpela samting long lukautim gut haus na ples.

Misis Jaintong i tok Kaunsil i wok long wanpela ektiliti plen bilong skruim na strongim ol samting we ol woksop i laik kampim.



SEPIK NIUS

Wes tokim Sandaun pipel long mekim wok gut

FELIX RAMRAM i raitim

MENESMEN na ron bilong Papua Niugini i stap long han bilong olgeba manmeri na pikini bilong dispela kantri memba bilong Vanimo Grin Micah Wes i tokaut.

Micah Wes husat nau em Ministra bilong Korektiv Institut (CIS) i tokim ol manmeri taim em i raun long Vanimo banis kalabus na holim bung wantaim ol gavman opisel bilong Sandaun edministresen na Sandaun Deputi Gavana olsem.

Em kisim taim tu long bungim ol opisa bilong em long Vanimo Grin distrik, ol pipel na sumatin bilong Ossol, Baro top ap na vokesenel senta bilong ol meri long Baro na ol sapota bilong em.

Micah Wes i askim olgeta long maski wanem kain wok na namba ol i gat, olgeta i gat bikpela wok long mekim. Na dispela em long lukim olsem menesmen bilong yangpela kantri Papua Niugni i kamap namba wan. Bikman ya i tok bikpela hevi kantri bilong yumi i bungim nau em long hevi bilong mani.

As kantri i bungim bikpelahesi em inogat i no long nogat mani, tasol em i bikos i nogat gutpela menesmen. Na klostu olgeta gavman dipatmen na ol divisen o sekseen i gat hevi bilong menesmen tu insait long ol provinsal na ol komuniti gavman insait long Papua Niugini.

Bikos i nogat gutpela menesmen insait long ol han bilong gavman, turang i liklik manmeri insait long ol ples i kisim bikpela hevi long i nogat gutpela rot na bris. Ol i nogat gutpela skul na ed pos, wara saplai na ol narapela sevis em pipel i gat rait long kisim i no kisim, Mista Wes i tok.

Antap long dispela, planti gavman opisa i no mekim gut wok bilong ol long helpim pipel. Bikpela tru long taim ol lida i kamap long lukim ol long opis, ol i no save stap. Ol i mekim ol saat wok long helpim ol yet o i pilai long go raun nating insait long taun, Mista Wes i tok.

Em i mekim komitmen long i tok ol i menesa bilong PNG long bihain taim. Na ol i noken ting olsem dispela wok i stap tasol long ol lida na gavman opisa. Em i tok menesmen bilong PNG i stap long olgeta, maski yu i gat gutpela pes, pes nogut, yu

bikpela o liklik man nating, yangpela o lapun. Mipela olgeta i gat wok long lukim kantri i bihainim gutpela rot long kamap gutpela na strongpela.

Em i askim ol pipel bilong em long noken sindaun nating long ples. Ol i mas sanap long lek na kirapim ol bisnis long pulim mani na bringim gutpela sindaun insait long wanwan ples bilong ol. Em i go het na tok ol lo i wok long senis na olsem memba em i no inap long givim mani long helpim wanpela o tupela man tasol.

Mi gat bikpela amamas long ol pipel insait long Elimeri senses divisen. Ol wok hat tru long planim na groim kakao wantaim helpim bilong didiman opisa bilong Bewani distrik. Wok didiman tasol bai i as long kamapim gutpela sindaun long ples. Dispela tu bai stapim ol yangpela long go raun nating insait long taun, Mista Wes i tok.

Em i mekim komitmen long i tok ol i menesa bilong PNG long bihain taim. Na ol i noken ting olsem dispela wok i stap tasol long ol lida na gavman opisa. Em i tok menesmen bilong PNG i stap long olgeta, maski yu i gat gutpela pes, pes nogut, yu

Wes i laik stretim gut hevi bilong CIS

MINISTA bilong Korektiv Institut Sevis (CIS) na memba bilong Vanimo Grin Micah Wes i luksave olsem pantu banis kalabus insit long kantri i gat traipela hevi tru i stap. Na tupela bikpela hevi i sanap ples kia em mani na i nogat inap wokman.

Mista Wes i tokaut long dispela long bekim ol bel hevi opisa iukautim Vanimo banis kalabus. Inspeka Cletus Yaki i mekim long harlap na helpim Vanimo haus kalabus bikos o, heit atoriti insait long provins i bin painim narapela yia i go pinis. Long as bilong planti bagarap i painim haus kalabus na haus slip bilong ol woda.

Mista Wes i tokaut olsem long taim bilong em olsem CIS Ministra em bai traum long mekim wanem samting em inap long stretim long dipatmen na hevi bilong ol haus kalabus insait long Papua Niugini.

Minista i askim Vanimo Komanda wantaim ol opisa bilong em long putim wantaim wanpela pepa na askim opis bilong em long sampela helpim mani long stretim ol hevi na bagarap Vanimo CIS i gat long en na i stap yet.

Mi ken lukim olsem Korektiv Institut Sevis i gat traipela hevi tru i stap bikpela tru em long haus slip bilong ol opisa. Baset bilong las yia dipatmen bilng Korektiv Institut Sevis i kisim em K13 milien. Na mi bai traum hat tru long lukim olsem CIS i kisim moa mani insait long baset bilong neks yia mak olsem K20 milien o K27 milien.

Mista Wes i tok tu olsem aninit long mani bilong Rurel Eksen Program (RAP) em bai givim K80,000 i go long Vanimo haus kalabus long ol i ken

mekim wok mentenens wantaim Dispela mani bai kam long neks yia baset bilong dispela program

Em i tokim moa long 200 manmeri olsem em i laik stap longpela taim liklik long dispela wok bilong em i long traum pinism sampela bilong ol hevi we i stap long dipatmen na ol haus kalabus insait long kantri

Em i tokaut tu long tingting bilong kirapim bek rurel iokap o liklik haus kalabus long ol distrik Dispela inap mekim ol kalabus lain i ken mekim wok long kiuim ol stesin bilong ol i stap gut na kin. Em tok long kamapim dispela tingting long wanpela pepa bai i go olsem ministeriel stetmen long palamen i toktok long en

Long Sandaun provins ol i laik kirapim rurel iokap gen long Aitape na wanpela long Grin Riva long kisim tu ol kalabus i kam olsem long Telefomin na Amanab Imonda.

CIS Ministra i bin mekim raun na lukluk long banis kalabus na luksave olsem i tru banis kalabus i bagarap tru wantaim ol haus slip bilong ol woda. Olsem na em i askim CIS Komanda Mista Yaki log raitim sab-misen i go long opis bilong Minista.

Em i mekim toktoh tu i go long ol kalabus lain olsem, yu wanwan yet i save long wanem as na yu kam stap long haus kalabus. Olsem na taim yu stap long hia, yu mas senism pasin bilong yu na kamap gutpela memba bilong komuniti.

Wok bilong lukautim kantri i no stap long han bilong ol lida tasol, nogat. Em i stap long han bilong olgeta man bilong PNG, Mista Wes i tok.

Sir Pita askim PM long mekim strongpela disisen

taim bikos long pasin na lo bilong ol long givim dinau we i no save isi.

Planti manmeri i wok long komplen long ol beng taim Gavman i wok long go het na kamapim ol kain kain fainensel institusen long helpim ol pipel. Tasol bai mipela i helpim ol pipel olsem wanem, Sir Pita i tok.

Em i tok bikpela tingting bilong em, ating Gavman i mas givim K10 milien long olgeta memba bilong palamen bai ol i ken helpim gut ol pipel bilong ol wantaim hevi na wok projek bilong ol bikos ol pipel i no kisim wanpela gutpela helpim o sevis yet long ol polisi na ol opis bilong gavman i stap.

Sir Pita i askim Praim Minista long mekim gutpela na strngpela disisen na em i mas givim oda long wok i mas kamap. Long dispela rot bai wok i kamap.



• Ol mama Aitape salim buai...

Ol dispela mama long piksa i bilong Aitape distrik long Wes Sepik provins. Ol i karim ol buai bilong ol i go salim long as bilong diwai long bikpela pilai graun we ol manmeri i kam pilai i ken baim buai. Bikpela hip buai ya em 10 toea tasol. Poto BEN TAUMAI


Morobeen
BEEF CRACKERS

IGAT kick!

HEPI BIRTHDAY

25% MORE

5 BISKETS INSIDE-1 FREE



Woks Minista laik luksave long Oro rot

MEMBA bilong Ijivitari Simon Kaumi i askim sapos Gavman i tingim yet long wokim rot long Oro Bay i go long Kokoda na rot long Oro Bay i go long Afore we olpela Gavman bilong Bill Skate i pasim tok pinis long kamapim.

Mista Kaumi i tok dispela tupela rot em nesenel rot na olpela Gavman i makim hap milien (K500,000) long streitim gut o mekim mentenens long rot stat long Afore igo long Oro Bay insait

long Oro provins.

Mista Kaumi i tok taim Praim Minista i save mekim tok olsem long pasim insait long baset, maski nupela Gavman i kamap, ol i save karimaut dispela wok.

Mista Kaumi i tok narapela K500,000 em bilong streitim gut rot long Irirhambo i go long Kokoda long Sohe ilektoret.

Em i tok sapos Woks Minista i no save long ol dispela samting, em i

laik soim Minista wantaim ol pepa na ol toktok we i ken soim tru dispela wok we Praim Minista pas-taim i bin mekim.

Mista Kaumi i tok ém i klia long bikpela wok Woks Minista i wok long mekim tasol em i laikim sapos Minista i ken tokaut long ol pipel bilong Oro provins long wanem taim em inap go raun long Oro provins na lukim ol rot long hap.

Em bai amamas long lukautim Minista long hap.

Woks Minista Alfred Pogo i tok em i no klia long dispela wok na toktok bilong tupela rot ya long Oro provins tasol em bai lukluk insait na traum painimaut.

Tasol Minista Pogo i tok em bai putim sampela mani long nem bilong Oro provins long streitim ol rot aninit long nesenel rot mente-nens programe bilong karimaut ol mentenens long ol rot long Oro provins long go het long dispela wok na mekim.

Nogat plen yet long Lae na Mendi rot bai bungim Kiunga

MEMBA bilong Not Flai Kala Swokin i askim bai sapos bikpela rot Gavman i laik wokim bai joinim Lae, Sauten Hailans na Kiunga long Westen provins tu wantaim. Na sapos rot ya bai go olgeta long Kiunga, inap Gavman i putim dispela tu insait long rekot bai helpim mani bilong Esian Developmen Beng (ADB) i ken karamapim tu bai ron i ken go olgeta long Kiunga.

Minista bilong Woks Alfred Pogo i tokaut olsem long nau yet rot ya em long Lae i go long Mendi na Erave tasol. Tasol Woks dipatmen bai sekim gut dispela na tokaut long memba sapos i gat plen long surukim rot i go olgeta long Kiunga long Westen provins.

Mista Pogo i tok ol memoia i ken askim Gavana bilong ol na mekim plen long wanem rot ol i laikim long i mas staph insait long Esia Developmen Beng helpim. Bikos dispela em 5-pela yia programe, i gat rum long wokim moa yet i staph.

Tasol Mista Swokin i tok dispela toktok bilong Minista em orait tasol long provins bilong em, i nogat gut-pela wok bung wantaim namel long nesenel gavman na provinsal gav-man memba.

Mista Pogo i tok em i klia long dis-pela hevi bilong Mista Swokin. Tasol



• Praim Minista Sir Mekere Morauta i holim paia bilong go laitim bikpela Olimpik Tos long makim PNG i lukautim Olimpik Tos raun long las wok Sarere.

insait long plen i gat wok bilong kamapim Ailan Ring Rot. Papua Haiwe bai kamap insait long 10 na 20 krismas bihainim Transpot Infrastraksa Plen we ol bai hukim Sauten rijon wantaim Hailans na Noten Rijon.

Olsem na Minista i tok bikpela samting em long ol memba i sindaun klostu wantaim Gavana bilong ol na mekim plen long ol rot ol i laikim i kamap we i ken bungim wantaim nesenel developmen plen bilong wokim ol rot insait long kantri.

NCDC surukim save bilong yangpela wokman

KENNEDY EDENE i raitim

LONG amamasim ol wok manmeri long wok bilong ol na long streitim wok na sapo-tim ol kamap gut long wanem wok ol wokim em i wanpela bikpela samting Nesenel Kapital Distrik Komisen (NCDC) save mekim long amamasim ol wok manmeri bilong em.

NCDC insait long wok bilong em bin helpim planti ol wok manmeri bilong em, we em save salim ol i go long kos long surukim na helpim ol long kamap na kisim sampela gutpela save long wok bilong ol.

Na wanpela wokman NCDC em i benefit long dispela polisi em NCDC Lens Division Investigesen opisa Mista Alfred Nirigut.

Mista Nirigut em graduet olsem Land Management long University of Techology las yia tasol na nau em wok wantaim Professionals.

Professionals em wanpela Real Estate company insait long Mosbi.

Mista Nirigut bin joinim

NCDC, dispela yia bihain em graduet long Yuntek.

Taim em bin staph wantaim NCDC, Deputi Siti Menesa bilong Koreit Afeas Mista Wilson Thompson bin askim em long wokim sampela tren-ing wantaim Profesinel long Continual Professional Development (CPD) trening.

Mista Nirigut taim em skul yet long Yuntek em bin wok sampela taim las yia olsem 6-pela mun olsem Industrial Attachment wantaim NCDC's Rates Division.

Mista Nirigut tok, dispela CPD trenim em stat long Februari long dispela yia na bai i go inap long 6-pela mun.

Long dispela taim, em bai anda stadim veluesin bilong ol residens na komesel lens na propetis.

Em bai wok 3-pela de long wan wan wok wantaim Professionals na olgeta de na taim em bai mekim wok bilong NCDC.

Em tok, dispela Continual Professional Development trenim em i gutpela tru, we i wok long helpim em long wok tru long wanem samting em bin lainim long skul yuniversiti.

BOROKO FOODWORLD AT GORDONS

Power Rice 1 Kg	K 1.59	Blue Bird Sardines 425 gr	K 1.95
Tablebirds Kwickai 900 gr	K 5.59	Ramu Sugar 1 kg	K 2.27
Tablebirds Twin Pack	K12.62	Maggi Noodles 85 gr	K .55
Mortein Mosquito Coils	K .95	Hi-way Hardman Biscuits 125 gr	K .40
Omo 200 gr	K 1.33	Globe Corned Beef 300 gr	K 2.65
Saveloys per kg	K 3.95	Anchor Milk 1 Litre	K 1.39
Beef Brisket Imported per kg	K 7.77	Heinz Baked Beans 220 gr	K .85



Planti moa kaikai prais i go daun long en!

Ph: 325 7566, 325 0863 Fax: 325 7096



Lafana askim yet long Lahame Megabo rot

NOGAT inap mani bilong karimaut ol wok i stap insait long baset, Gavman i bin rausim K100,000 bilong kirapim Lahame Megabo rot, memba bilong Ungai Bena Damson Lafana i tok.

Mista Lafana i tok ol pipel i stap arere long Lahame Megabo rot i kisim toksave olsem dispela seksex bilog rot em hap bilong Segu Megabo rot we Esia Developmen Beng bai givm mani long kirapim insait long mun Desemba na Januari dispela yia. Januari i no longpela taim i go pinis long baset rivi, Mista Lafana i tok.

Mista Lafana i askim Woks Minista Alfred Pogo long tokaut sapos i gat fisibiliti stadi i kamap pinis long dispela projek na sapos olsem, wanem taim bai wok bilong stretim rot i kamap.

Mista Lafana i askim tu olsem ol pipel bilong em i kisim tok olsem dispela rot bai stat long mun Januari dispela yia

Em i tok i no longtaim i go pinis bikpela ren i pundaun na graun i bin bruk long Daulo pas na blokim bikpela Okuk haiwe. Olsem na em i askim sapos Gavman i gat plen long brukim dispela hap rot na

mekim i go long narapela sait.

Woks Minista Alfred Pogo dispela rot long Lahame Megabo i stap pinis aninit long rekot bilong Esia Developmen Beng long putim mani na mekim rot i kamap.

Long nau yet ol wokman bilong Woks i stretim olgeta wok long pepa na putim kamap tenda bai ol kampani i ken aplai long winim kontrak bilong wokim dispela rot, Mista Pogo i tok.

Mista Pogo i tok dispela projek bai stat long mun Julai o Oguis dispela.


Long hevi bilong graun i bruk na blokim rot long Daulo Pas, Mista Pogo i tok dipatmen bilong em i no glasim o skelim narapela hap we rot bai i go long en long abrusim dispela hap nau i wok long bungim hevi. Em i tok wanpela rot tasol em long rot we ol misinari i save wok-abaut long en bipo i klostu tasol bihain long Nambayufa.

Na long hevi bilong rot namel long Kassam i go long Daulo, Mista Pogo i tok dispela em nesenel rot na em bai sindau wantaim Minista bilong Plening long painim ol rot na wei bilong stretim bikpela rot long Okuk Haiwe.



• Difens Minista Muki Taranupi (han sut) wantaim bos bilong PNG Difens Fos Komanda Carl Malpo raun long lukim nupela beis bilong ol ami long long Kerowil, Banz long Westen Hailans provins.

Ino Mosbi tasol i gat PMV hevi long moning na apiniun....



• Lukim dispela ol lain. Dispela i no Mosbi, em Maunt Hagen taun ya. Resis long kalap long bas i no wanpela nupela pasin. Dispela ol lain i resis long bas. Sampela i traum long kalap long dua bilong bas stret tasol sampela huset i painim hat tru long dua i kalap long windua. Dispela kain pasin i ken bringim birua long man huset i laik kalap long windua na narapela kona bilong bas.

K11 milien bilong Gumini na Karimui rot i no yet, Wai i tok

WOKS Minista Alfred Pogo i tok sapos ol rekot bilong K13 milien long wokim Gumini Karimui i stap klia, em i laik bai memba Simeon Wai i soim. Bai Gayman i ken traum long bekim dispela mani.

Mista Pogo i mekim dispela toktok bihain long Mista Wai i tok long 1992 nesenel gavman i bin kisim K13 milien dinau long Wol Beng long wokim Gumini Karimui rot. Tasol ol i yusim tasol K2 milien long Gumini Karimui rot na narapela K11 milien i nogat.

Mista Wai i ting dispela K11 milien i go long arapela projek insait long

kantri olsem bikpela Poreporena friwe long Mosbi siti.

Mista Wai i tok insait long dispela K2 milien ol i wokim tasol rot inap long mak bilong 10 kilomita tasol.

Woks Minista Mista Pogo i tok em i amamas long memba Simeon Wai long kirapim bek dispela toktok bikos em i ting 1992 em longpela taim i go pinis. Olsem na em i askim Mista Wai sapos i gat ol pepa na rekot bilong dispela mani, em i laik lukim bai ol i ken traum long bekim bek K11 milien bilong wokim gut Gumini Karimui rot long Simbu provins.

Plis Minista laikim wanpela moa helikopta bilong patrol long ol Hailans provins

Minista bilong Plis Mathias Karani i bin tokaut long Palamen olsem em i laikim bai Gavman i mas baim namba tu helikopta bijlong plis fos long wok insait long hailans rion.

Mista Karani i tokaut moa long dispela tingting bilong em olsem dispela namba tu helikopta bai was long ol haiwe rot long Madang na Lae na long ol 5-pela hailans provins.


Em i tok tu olsem dispela helikopta bai mekim patrol o wok raun long ol hap we i gat bikpela wok developmen olsem ol maining long Sauten Hailans na Enga provins na tu karimaut patrol long ol hap we i save gat bikpela pait namel long ol asples na klen insait long hailans eria. Sampela bikpela pait i save kamap long ol hap we i nogat rot bilong ol plis i ron long ka i go long holim na arestim ol trabel lain. Olsem na helikopta i isi long ron

i go long ol kain hap olsem.

Em i tok bikpela samting tu em dispela helikopta bai mekim bikpela wok long putim bikpela patrol na was long nesenel ilekseen long yia 2002 insait long hailans eria bikos long taim bilong ilekseen i save gat planti trabel na birua i kamap.

Mista Karani i tok em i putim olgeta dispela toktok bilong em long wanpela pepa we em i tokaut long bung bilong ol Gavana long Goroka, Isten Hailans provins long dispela yia.

Plis Minista i mekim dispela toktok long haus palamen long bekim askim bilong memba bilong Kagua Erave David Basua husat i askim sapos i tru Plis dipatmen i laik bai wanpela nupela helikopta. Na wanem as ol i laik baim nupela helikopta taim kantri i sot long mani long dispela taim.



Minista bilong Woks na Praim Minista kisim tok

MINISTA bilong Woks, Alfred Pogo na Praim Minista, Sir Mekere Morauta i kisim tok bilong i no opim ol Tras Akaun bilong Woks Dipatmen long Madang Provins.

Memba bilong Raikos, Stahl Musa i kros long dispela long wanem em i tok, dispela i stapim Woks Dipatmen long Madang long yusim ol mani em i bin putim i go insait long Woks

Dipatmen long Madang bilong kirapim ol transpot projek bilong em.

"Dispela hevi i pasim ol Woks long Madang long go het wantaim ol projek," Mista Musa i tok.

Karkar Tiata Grup bai go long OK Tedi

WANPELA lokol tiata grup bilong Karkar Ailan i kisim pinis askim i kam long Festival 2000 Hamamas Wik komiti long Tabubil long go putim kamap sampeia drama na kalsa pilai o sungsing tumbuna bilong ol.

Dispela tiata grup i bin stat long 1999 na nau planti pipel long Karkar ailan na

insait long provins i luksave long en. Long 1999 ol i bin go putim ol sungsing tumbuna, drama na ol arapela pilai bilong amamasim ol pipel stat long Bunabun Bunabuni go olgeta long Megiar na Biranis.

Planti ol yangpela manmeri i stap insait long dispela tiata grup i kam long

Bagai eria. Em ol ples insait long tripela sekot: Bagai, Kalul na Kulbob. Dispela tiata grup i bin go putim kamap ol sungsing na drama pilai bilong ol long ol ples na skul long Karkar ailan na tu long Goroka na insait long Milenium Festival 2000 long Madang.

Woks Dipatmen bai wokim Nankina bris long mun Jun

WENCESLAUS MAGUN i raitim

WOKS Dipatmen long Madang bai wokim Nankina lek bris long mun Jun sapos olgeta pepa wok i redi, memba bilong Raikos Stahl Musa i tok.

Mista Musa i bin putim K143,000 insait long Rurel Eksen Program bilong em long 1999 i go long wokim Nankina bris bai ol pipel bilong Raikos i ken yusim long wokabaut long en long sampela taim inap Yuropien Union i givim K2 milien bilong wokim bris bilong ka.

Mista Musa i tok Gavman i bin wokim Nankina bris sampela taim long 1970

tasol bikos i no bin gat mentenens long dispela bris, dispela bris i bin bruk long 1998.

Taim Nankina bris i bin bruk, nogat wanpela ka inap long brukim Nankina wara long taim bilong ren na bikpela tait.

"Stat long dispela taim i kam inap nau tupela man i bin dai long Nankina wara, taim ol i bin traum long karim kopi na kakau bilong ol na brukim wara i go long Sidor stesen long salim," Mista Musa i tok.

Em i tok tu olsem taim Nankina bris i bin bruk, dispela i bin stapim planti ol arapela sevis we gavman, sios, ol non gavman ogenariesen, na ol pipel bilong

Raikos inap long givim na kisim o karim aut yusim rot.

Samting olsem 10,000 pipel bilong ol ples klostu long Sidor stesen stret i kisim bikpela hevi tru, Mista Musa i tok, bikos ol pikinini bilong ol i no inap go long Sidor Top-Up Skul o ol pipel i no inap go long haus sik taim ol i gat sik na tu i no inap go long kisim ol arapela gavman, sios na ol non gavman ogenariesen sevis.

Mista Musa i tok em i bin paitim toktok pinis wantaim Yuropien Union long helpim ol pipel bilong em na ol i promis long putim K2 milien i go insait long wokim wanpela strongpela ain bris long Nankina long bihain taim.



• Long wara Nankina. Beksait long tupela man ya em Nankina bris.

Raikos inap saplaim kopi na kumu long kantri

RAIKOS Distrik insait long Madang Provins i gat gutpela klaimet na gutpela graun bilong planim kopi, kopra, kakau, na ol kumu olsem kapis, kerot, letus, pinat na ol kain kain frut na nat long lokol PNG maket na tu long ovasis.

Memba bilong Raikos husat i gat digri long Agrikalsia long Yunivesiti bilong Teknologi long Lae, i tok ol pipel bilong em i ken saplaim lokol maket wantaim ol agrikalsia produs sapos ol i gat gutpela rot.

Em i tok nau yet ol bisnis haus long Madang taun i save baim planti ol kumu ol pipel bilong Raikos bus i save kisim long balus i go long Madang taun.

Tasol Mista Musa i tok bikos prais bilong balus em i dia tumas, dispela i stapim planti moa fama long ples long planim moa kumu na kopi bilong kisim long balus i go long taun

na salim.

Em i tok long 1998, wanpela wok painim opis bilong em i karim aut i soim olsem balus i bin karim moa long 200 ton bilong kopi long Teptep, Bambu, Nankina na Guburami ples balus i go long Madang long salim.

Em i tok dispela i bin go daun taim Misin Aviasen Flosip (MAF) i stapim ron bilong balus bilong ol i go long Teptep, Bambu, Nankina na Guburami taim kos bilong ronim balus i go antap.

Tasol dispela i no stapim Mista Musa long saplaim ol kopi masin i go long ol ples we ol i ken planim kopi.

Mista Musa i tok em i bin givim pinis 60 kopi masin long ol pipel bilong iekloret bilong em pinis na em bai givim moa kopi masin long dispela yia i go long ol ples em i no givim kopi masin yet.



• Jerry na Simon wantaim famili bilong ol i sanap arere long Katimor kopi blok bilong Jerry. Memba bilong Raikos, Stahl Musa i sanap na algris long gutpela kopi bilong Jerry long 1996, taim em i bin stap olsem memba bilong Madang Provinsel Gavman. Poto: Stahl Musa

Musa laikim developmen i go long ples

LONG lukim ol pipel bilong Raikos, moa yet, ol pipel insait long bus i kisim gutpela sevis na kirapim ol liklik bisnis long ples bilong stretim sindaun bilong ol, memba bilong Raikos, Stahl Musa i givim bikpela prairiati long wokim ol han rot na lek bris i go insait long ol ples we i nogat rot na ples balus.

Mista Musa i tokim Wantok olsem em i bin putim klostu K2 milien olgeta insait long Rurel Developmen Fan bilong em long 1999 i go insait long karim aut dispela sevis.

Dispela em i namba wan taim ol pipel bilong Raikos i lukim kain sevis olsem bai kirap long iekloret bilong ol bihain long klostu 25 yia long taim Papua Niugini i kisim indipendens.

Mista Musa i tok ol pipel

bilong Raikos i gat gutpela graun, wara, bus, we ol i ken yusim long mekim mani tasol bikos i nogat gutpela rot, planti ol gutpela man na meri bilong wok long ples i no inap lukim dispela driman i kamap tru.

Em i tok long dispela as, stat long taim em i kamap memba em i traum long yusim gut wanem mani gavman i givim em bilong helpim ol pipel bilong em.

Mista Musa i skelim K150,000 i go long mekim Pangpang i go long Ayawang rot, K250,000 i go long mekim Billau i go long Matoko rot, K300,000 i go long mekim Malalamai i go long Teptep rot, K100,000 i go long mekim Ranara i go long Gomumu rot, K100,000 i go long mekim Gomumu i go long Botemu rot,

K100,000 i go long mekim Dumpu i go long Mungo rot na K200,000 i go long mekim Bawak i go long Yaula rot.


Em i tok olgeta dispela mani i stap wantaim Woks Dipatmen long Madang.

"Sampela wok i stat pinis, tasol sampela i no stat yet bikos i nogat ol kontrakti bilong mekim wok," Mista Musa i tok.

Em i tok sampela masin bilong Woks Dipatmen na tu bilong sampela kontraksen kampani tu i no gutpela na olsem dispela i mekim wok i go isi turmas.

Mista Musa i tok em i wok long tokim Woks Dipatmen long Madang long mekim wok kwik long wanem em i putim mani pinis long kirapim ol dispela projek na em i no laik lukim mani i stap na wok i no kamap i go inap long yia 2001.

Lae Nius



• Memba bilong Kabwum Ginson Saonu i sindaun wantaim ol pipel bilong ples long bikpela de bilong kamapim wanbel namel long ol yet na lusim tingting long bruk bruk pasin 1997 ileksen i bin kamapim. Dispela wanbel i kamap long ples Danatom long las mun.

Napo i laikim baset i mas makim tru ol pipel

YAKAM KELO i raitim

MEMBA bilong Bulolo Samson Napo i no amamas long pasin bilong gavman i kamapim baset tasol ol memba i no save lukim na givim tingting bilong ol.

Mista Napo i tok ol pa'lik sevans na Minista bilong Tresera i save mekem bikpela wok long redim baset bilong kantri. Tasol em i ting ol Plens na Estimet Komiti i no save gat sans long lukluk insait long baset pastaim long baset i go long Palamen. Na ol memba i save kisim baset buk wanpela minit tasol na Tresera i save kamap na ritim baset ripot ya

Mista Napo i tok em i ting dispela sistem i mas senis na i mas

kisim tingting bilong Palamen pastaim. Bikos planti taim i kam, ol memba bilong palamen i save askim long mani bilong haus sik, skul, rot na planti arapela projek moa. Tasol yumi westim taim bilong yumi long mekem kain kain plen olsem bikos yumi i no save tromoi tingting bilong yumi i go insait long redim baset bilong kantri, Mista Napo i tok.

Mista Napo i tok em i bin askim Minista bilong Transport long luksave pastaim long ol hevi na baihan em i ken brukim mani i go long ol wanem kain kain projek insait long kantri. Olsem na dispela rot i gutpela long yumi bihainim long taim yumi laik mekem baset bilong kantri, em i tok.


Em i tok Papua Niugini i gat 20 provins olgeta olsem na i mas

gat wan wan bikpela projek insait long ol wanwan provins ya insait long baset.

Taim baset i save kamap long olgeta yia, planti provins na distrik i no save gat mani long ol bikpela projek bilong ol bikos Palamen yet i no kontrolim dispela baset, em i tok.

Em i tok strong olsem olgeta toktok ol Minista i save mekem long pepa na toktok long en em ol tingting na aidia bilong ol dipatmen seketeri na ol wokman, na palamen i save oraitim tasol.

Mista Napo i tok strong olsem dispela sistem bilong stretim baset bilong kantri i mas gat tingting na luksave bilong ol Palamen memba long skelmin sapos baset i karim ol wok na projek bilong provins na ol distrik o nogat.



Saonu givim K120,000 bilong sanapim Seko kaunsil opis

Ol pipel bilong Seko lokol gavman kaunsil era long Kabwum distrik long Morobe provins bai i gat nupela lokol gavman kaunsil opis samba. Taim neselen palamen i bin kamapim Ogenik Lo long ProvinSal na Lokol Level Gavman Kaunsil long 1997, i bin gat tripela lokol gavman kaunsil tasol long Kabwuk distrik. Ol dispela kaunsil em Seko. Deyamos na Yus lokol gavman kaunsil. Na olgeta i nogat opis stret bilong ol long wok.

Seko lokol gavman kaunsil i olsem bikpela kaunsil long narapela tupela kaunsil i kisim helpim pastaim wantaim K120,000 i kam long memba bilong Kabwum Ginson Saonu long stretim na kamapim gutpela opis bilong ol stret long mekem wok insait.

Long Fraide Me 12, 2000 i bin bikpela de long ol pipel bilong Seko. Bikos em i de we Distrik Edministretta, kaunsil presiden bilong Seko na Gasty Ayane husat i makim memba Mista Soanu long opim dispela wok bilong wokim kaunsil opis.

Long makim maus bilong memba Mista Soanu, em i tokim ol pipel na ol lida bilong Seko kaunsil era long wok bung wantaim Distrik Edministretta na opis bilong em long sanapim dispela

nupela opis hariap bai ol i ken gat samba na edministretiv senta Dispela bai mekem ol wod kaunsil wantaim ol pablik sevens wok lain i ken sindaun wantaim long mekem ol toktok na kamapim ol disisen na karimaut ol wok na projek. Na dispela i ken opim tru wok bilong rifom lo we i sut stret long bringim helpim na sevis i go long ol pipel long ples.

Mista Soanu i tokaut olsem em bai givim moa helpim long sait bilong mani long pinisim wok bilong dispela opis sapos mani i sot bikos ples ya i longwe na transpot kos i sotim mani bilong dispela wok.

Ol pipel na lida i mekem bikpela tok amamas tru i go long memba na ol edministresen woklain bilong Seko lokol gavman kaunsil long kamapim dispela bikpela wok we ol i laikim tru long i mas kamap.

Moa long 2000 manmeri i kam long Satwag, Malandum, Langa, Indagen, Konge na Selepet era long lukim dispela opening bilong wok long kamapim opis bilong Seko kaunsil.

Ol bikman i mekem bikpela tok amamas long memba Ginson Saonu na wanbel long wok bung wantaim em.

Ol pipel bilong Morobe i redi long senses dispela yia

**ARI GUH DANDEE
i raitim**

MOROBE provins i soim tru olsem provins i redi na sambai long tasol long karimaut wok bilong yia 2000 neselen senses (kaunim namba bilong ol manmeri) long Julai 9 i go long Julai 15.

Moa long 50 senses opisa em long ol wanwan lokol level gavman era wantaim ol kaunsil menesa bilong ol i bin kamap long stap insait long wanpela bikpela kibung long Lae long redim ol samting bilong wok senses.

Dispela wok redi bilong ol samting i soim olsem Morobe provins i redi pinis na wet taso! long taim bilong karimaut senses bihainim ol toktok bilong rijnol senses kodineta.

Rijinol kodineta Mista Raphael i bin kamap na luksave long wok redi bilong Morobe provins na paim dispela kibung bilong ol.

Mista Raphael i tokaut olsem Morobe provins em wanpela bilong ol bikpela provins insait long kantri tasol em i kamap namba wan tru long ol arapela long redim em yet gut long wok bilong senses long dispela yia.

Em i amamas na tok em i laik lukim gutpela wok bilong ol i mas karim kaikai long taim bilong dispela de bilong senses i kamap.

Man i go pas long wok senses insait long Morobe provins Brian Mogu i tokim ol lokol level gavman senses kodineta olsem senses o kaunim namba bilong ol manmeri na

ol pikinini insait long provins na Papua Niugini i bikpela samting tru.

Olsem na em i laikim olsem i mas gat

gutpela wok kamap long dispela taim.

Mista Mogu i askim olgeta pipel insait long Morobe provins long i mas luksave long dispela senses wok taim i kamap long hap bilong ol, ol i mas givim nem long ol wokmanmeri taim ol i kam.

Bikos Gavman i laik kisim namba bilong olgeta manmeri insait long kantri we dispela namba o rekot inap helpim neselen na provinsal gavman long ol bikpela wok plening bilong projek, ol sevis na polisi we i ken inapim olgeta manmeri gut long bihainim taim.

Mista Mogu i tok i gat ol tok giaman na pret i kamap long dispela wok na em i askim ol manmeri long husat i wok long mekem kain tok giaman na pretim ol manmeri, ol i mas ripotim em hariap long ol senses opisa klostou long ol bai ol i ken ripotim em long plis na plis i ken holim na kalabusim em. Em i tok senses em wok bilong Gavman na olgeta manmeri i mas harim tok na bihainim. Na husat i bikhet o hambak bai kisim mekime save bilong lo.

Mista Mogu i tok strong tu long ol kaunsil lida, sios lida, wimens grup lida, yut lida na ol arapela grup lida

long tok klia tru long ol papamama long plis long dispela wok bilong senses bai ol i ken klia gut na bihainim taim senses wok i kam i kamap long plis bilong ol.

PHONE: (675) 472 - 3912

FAX: (675) 472 - 3919

IMPACT
SIGNAGE
PNG

- COREFLUTE SIGNS
- METAL SIGNS
- BUMPER STICKERS
- T-SHIRTS
- STURBY COOLERS
- BILLBOARDS
- BANNERS
- POINT OF SALE

Any Shape, Any Size, Any Amount

FOR ALL YOUR PRINTING NEEDS

P.O. Box 3705, Lae, N.P., 411, Papua New Guinea - Email: Impact@global.net.pg

Rispektim laip bilong manmeri

PASTOREL PAS BILONG KATOLIK BISOP KONFERENS BILONG PAPUA NIUGINI NA SOLOMON AILAN

Dia olgeta brata na susa,

LONG dispela taim long olgeta hap bilong graun, i gat planti moa manmeri i karim planti kain kain hevi bikos ol i hangre, planti pait namel long ol kantri na pipel yet, na tu kain kain sik i kilim planti pipel.

Planti kain kain birua bilong laip i stap bilong ol manmeri. Planti pipel i painim olsem i no gat asples. Ol i nogat ples bilong stap na sampela i go i kam long painim ples, kantri na haus long i stap. Sampela pikinini ol i karim pen bikos papamama i no laikim ol na rausim ol i go. Ol i no gat famili long stap wantaim na ol i no kisim lukaut bilong papamama long ol.

Planti kros na pait insait long ol haus na ples i mekem ol pikinini i pilim bikpela pen. Sampela pikinini ol i birua long ol papamama. O ol narapela memba insait long famili. Ol narapela i bagarapim ol pikinini. Bikpela hevi na birua tu i bungim ol meri na ol mama. Pasin bilong bagarapim skin bilong ol meri (reipim meri). Ol i pilai nogut long skin bilong ol pikinini man na meri, paitim marit meri. Dispela em olgeta bikpela krai bai stretpela pasin i mas kamap nau.

I gat planti moa ol kain kain hevi na bagarap i kamap long ol manmeri. I gat bikpela namba tru long olgeta hap bilong graun i makim dispela bagarap. Olsem na hia long Papua Niugini na Solomon Ailan i gat planti bel kros na pait na dispela i rausim olgeta kain gutpela rispekt yumi gat long laip bilong manmeri. Yumi mas kirap gen na luksave long bikpela namba i stap long laip bilong yumi wan wan man na meri. Yumi mas laikim tru dispela naispela presen God i givim, em laip bilong yumi wan wan. Yumi mas selebretim laip, yumi mas lukaum laip na yumi mas oltaim skruim laip bai i go het moa.

Mipela ol Bisop bilong Papua Niugini i singautim olgeta manmeri long i stap isi na lukluk gut, biahainim dispela naispela presen em laip bilong wan wan man, meri pikinini, ol lapun na ol yangpela. Laip em i kam long han bilong God olsem naispela presen.

God wanpela tasol, husat i as tru bilong dispela laip, em tasol i gat olgeta pawa na strong long makim taim bilong dispela laip. Laip i stat long God, i stap insait long God na bai pinis gen insait long God. Yumi ken stap amamas wantaim trupela luksave long yumi i piksa tru bilong God long dispela laip long graun.

Ol bratasusa, nau mipela i laik pulim tingting na skelim ol kain kain wari na hevi i save kamap na bagarapim d'spela gutpela na naispela presen. Em laip yet bilong ol manmeri insait long PNG. Yumi olgeta i mas opim yau gen na dispela krai bilong planti lain bilong yumi husat i bin birua long ol kain kain hevi i save bagarapim presen bilong God, em laip bilong ol manmeri.

KILIM MANMERI I DAI

I no longtaim i go pinis, yumi bin seksek na kirap nogut tru long nius yumi harim long EMTV. Sampela lain i bin kilim i dai wanpela yangpela man long Nain Mail rot long Pot Mosbi. Ol i bin katim rausim het bilong em na lusim i stap long rot maus bilong wanpela kompaun.

Nogat manmeri bai lusim kwik-taim dispela piksa i soim plisman i bin karim het bilong dispela yangpela man insait long wanpela plas-

tik bek na i bringim i go long ambulens. Mama bilong dispela yangpela man i bagarap tru long krai na i karim planti bel hevi tru. Husat em i man tru tru inap long mekem dispela kain pasin long laip bilong narapela man?

Kain kain pasin bilong kilim i dai nating ol narapela manmeri i wok long kamap olgeta de insait long ples na kantri bilong yumi. Yumi olgeta i mas bungim maus wantaim na tokaut wantaim olgeta strong bilong yumi na pasin wanpela tok tasol olsem, laip bilong ol manmeri em i spesol tru long ai bilong God na God yet i save pas tru wantaim ol pipel bilong em.

Laip bilong ol manmeri em i holitru bikos em i presen i kam long God. Olsem wanem na sampela manmeri i laik daunim nating prais bilonglaip na ting olsem bai ol i ken bagarapim nating na rausim olsem samting nating i go? Ol i nogat tingting na i no gat sem tru.

OL TRAIBEL PAIT

I luk olsem ol traibel pait o pait namel long ol kain kain lain, em i wok long kamap wanpela isi we bilong wanpela lain long kilim i dai na rausim laip bilong narapela man bilong narapela lain. Ol man bilong pait ol i save tok olsem, "Dispela em i pasin bilong mipela bilong pinisim ol hevi."

Tasol skelim gut ken na lukim olsem planti laip tru i bin lus nating. Ol i dai pinis. Planti famili ol i bagarap nabaut. Ol haus i paia na i bagarap olgeta. Planti marit meri ol i lusim ol man bilong ol. Planti pikinini bai i no gat papa na mama.

Ol dispela lain i stap laip, bel bilong ol i pas tru na i gat strong-

pela tingting long bagarapim gen ol birua bilong ol. Pasin bilong bekim bai i stap strong na i wetim ol nupela pikinini inap ol i bikpela bai ol i ken kirapim narapela pait gen. Ol man i save pait ol i aipas tru. Ol i no luksave olsem ol birua bilong ol em i wankain manmeri i olsem ol tasol. Ol i no tingting long lukautim gut laip ol i gat.

Olgeta kantri i save luksave long ol pipel na ol kain kain-wok ol i ken mekem wantaim han bilong ol olsem em i namba wan strong bilong dispela kantri. Tasol olgeta dispela i lus nating i go sapos ol i kirapim traibel pait.

Sapos laip i lus nating i go na ol lain i tok olsem bikos "Em pasin bilong mipeila" wantu yumi mas opim yau na harim gen tok bilong Jisas. Em i sutim tok stret i kam long olgeta husat i lukaum laip na skruim laip i go i go.

Jisas i tok, "Yupela i harim pinis bipo ol i bin tok olsem. 'Sapos wanpela man i bagarapim ai bilong narapela man, orait yupela i mas brukim tit bilong en.' Tasol mi tokim yupela olsem, yupela i no ken bekim rong long man i mekem nogut long yupela. Nogat!" (Matyu 5:38,39).

Sampela taim, pasin bilong ples o ol tumbuna i no sapotim laip bilong ol manmeri. Pasin bilong autim Gutnus i mas kamap na daunim pasin bilong bekim bek.

Long dispela rot, ol pipel bai stap fri na ol i no moa stap kalabus bilong ol dispela kain pasin tumbuna i save bagarapim laip. Jisas i kamap pinis bilong senisim na inapim olgeta hap bilong pasin tumbuna bai i gutpela. Husat ol pipel i stap yet long kalabus ol i mas kamap skul bilong Jisas na laip bilong ol i ken pulap gut tru na painim bikpela amamas. Ol lo na pasin bilong Krais i makim stret dispela kain laip.

POSIN NA SANGUMA

Long planti hap long PNG, planti pipel, i save sutim ol tok giaman, moa yet long meri olsem ol i save wokim sanguma long bagarapim ol narapela. Wantu bikpela kros na pait i save bruk namel long komuniti na olgeta pipel i bel nogut long husat man o meri i sutim tok long em. Sampela taim ol bai paitim nogut tu disela man o meri na sampela taim ol i ken i dai. Dispela pasin em bilong strong nating birua long tokaut olsem tru tru i bin mekem dispela rong. Olsem tasol laip bilong narapela man o meri i bagarap na lus nat-

taim ol i stap yet insait long bel bilong mama bilong ol na ol dokta i laik kilim ol i dai.

Dokta Bernard M. Nathanson, man husat i bin save go pas long wanpela long ol klinik bilong kilim i dai ol pikinini insait long bel bilong mama, na long Amerika, em i tokaut long we em i bin tanim bel na lusim dispela kain wok.

Taim em yet i bin luksave olsem taim yu laik kilim i dai pikinini i stap insait long bel bilong mama bilong em, dispela em i draipela pasin nogut olgeta. Bikso dispela pikinini i gat laip pinis wankain long laip bilong olgeta narapela manmeri.

Nau Dokta Nathanson i save pait strong long sapotim laip bilong ol liklik pikinini i stap yet insait long bel bilong mama. Em i save tok long ol narapela dokta olsem: "Lukautim ol mama i gat bel na oltaim tingim olsem yu gat wok long lukautim tupela laip wantaim. Wanpela bilong mama na narapela bilong pikinini."

MAN I PAITIM MERI BILONG EM

Pasin bilong paitim marit meri na mama bilong famili i wanpela bikpela pasin nogut stret long PNG. I no gutpela stret na i daunim namba bilong marit meri na tu namba bilong man bilong em. Marit meri i karim planti pen long bodi bilong em na tu i bagarapim tingting na spirit bilong em.

Dispela man i paitim meri, em i rausim luksave bilong em yet olsem em i no man na pasin pait em i mekem i soim olsem em kamap wanpela animol na i no gat tingting.

Dispela kain pait i nogut moa yet sapos i kamap long ai bilong olgeta manmeri long pablik. Em sori tru na bikpela sem long lukim olgeta kain kain manmeri i ron i go bung long olgeta hap na lukluk long man i paitim meri bilong em. Olsem wanem na yumi laik lukim dispela kain pait na pen na yumi kam sanap na amamas long lukluk i stap.

I nogat wanpela man o meri i sanap i go na stopim pait. Yumi save pret o bikos yumi tok olsem, "Em i no wari bilong mi?" Sapos yumi pasin maus na ting olsem i no bisnis bilong yumi, orait, olsem wanem na yumi sanap na lukim pen i bagarapim narapela bilong yumi?

Man i paitim meri bilong en, em i rong na i gat lo bilong en tu. Em samting bilong singautim plis na kamis i go long kot. Tasol, amas meri, man bilong ol i paitim ol, i gat we bilong kotim man na painim gutpela sindaun gen. Na amas meri bai kamis sapot long ol manmeri long komuniti taim man i paitim meri?

Jisas i kam bilong tokaut long olgeta manmeri. Man wantaim meri i pikinini bilong God na tupela wantaim i gat nem na i stap fri. God i sapotim olgeta manmeri, moa yet ol lain tarangu na ol husat i karim bikpela hevi. Long Papua Niugini, ol meri i karim hevi na yumi i gat wok bilong stretim dispela.

EKSIDEN LONG ROT WANTAIM HOLIM GAN NA HEN-SAPIM OL LONG ROT

Ol spakman draivim ka na planti bagarap i save kamar long rot. Tasol sampela taim, bagarap i kamap na i no asua bilong wanpela. Em i ekseden tasol. Manmeri i kamis taim na sampela i dai pinis tu. Olsem wanem, ol manmeri i sanap lukluk long en, ol

i kam stilim ol kago bilong ol lain i kisim bagarap. Ol i no tingting long helpim ol. Wanem kain man na meri i longlong na mekim dispela kain pasin?

Moa yet tu, ol wantok i save belhat i kam na paitim o kilim i dai ol lain ol i makim ol as bilong ekseden. Ol i no tingting na ol i no rispektim laip bilong ol. Belhat na bekim bek hariap tasol, ol i no kot na painim aut as tru bilong ekseden i kamap.

Pasin bilong kisim gan na blokrim rot bilong hansapim ol manmeri i kamap bikpela nau long dispela taim. Brukim haus na i go insait bilong stil em tu i stap bikpela. Yumi no gat rispekt long laip bilong arapela na ol samting bilong ol. Olsem na olgeta manmeri i save wokim banis na i stap insait long en olsem kalabus. Yumi save pret long ran long rot. Yumi gat planti kain kain samting, yumi yet i kirapim we i laik pinisim laip bilong yumi. Wanem taim bai yumi kirap long slip, opim ai na stretim ol dispela samting?

YUMI MEKIM WOK

Mipela ol Bisop i singaut na salim tok long ol Katolik manmeri wantaim ol pipel bilong arapela sios tu. Mipela i singaut strong long gavman, ol komuniti bilong PNG wantaim ol famili na ol wan wan manmeri. Olgeta man na meri, ol yanpela na lapun, yupela i mas save, planti kain kain pasin nogut i wok long bagarapim laip bilong ol manmeri na dispela hevi i laik karamapim gutpela pasin bilong lukautim na rispektim laip bilong ol arapela.

Tingim, yumi wan wan i no stap wanpis, olsem na taim wanpela i karim hevi, yumi olgeta i karim hevi, taim wanpela brata o susa bilong yumi i bungim birua bilong em, yumi olgeta i bungim wantaim.

Nogat yumi pasin tok wantaim gen taim em i bekim tok bilong God na em i laik haitim pasin nogut em i bin mekem long brata bilong em. Abel. Em i tok: "Mi no save. Olsem wanem? Yu ting mi stap tasol bilong lukautim brata bilong mi?" (Stat 4:9).

Sampela tingting bilong yumi i no stret na yumi no gat rispekt long laip bilong manmeri. Sampela kastom bilong tumbuna na moa yet long nau long dispela nupela taim, i no stret na yumi no warumas long laip bilong ol arapela. Mipasin i karamapim yumi.

Yumi mas senis na ol krankting i noken staiam yumi. Yumi mas tanim bel tra na kamis pasin na we Jisas i save laik olgeta man na meri. Laip i gutpela samting tru, bikpela presen bilong God, em i givim yumi. No gat narapela samting i winim prais bilong laip. Yumi mas krai, pilim sem na bikpela hevi taim laip bilong wanpela manmeri i bagarap o lus olgeta bikos brata i mekem nogut long narapela brata. Yumi olgeta i mas sanap strong na lukautim laip bilong manmeri.

Laip bilong manmeri i gutpela tru na i holi, olsem na i no gat we long makim prais bilong em. Em i gutpela tumas. Jisas i salensim yumi long laik olgeta manmeri na em i tok strong tu, "Mi tok tru long yupela, olgeta samting yupela i bin mekem long wanpela bilong olgeta brata bilong mi, i no gat nem liklik, ol dispela samting yupela i bin mekem long mi." (Matyu 5:40).

Ol Bisop bilong Katolik Slos bilong Papua Niugini.

OI Collinwood Basis papa-graun pasim graun

NAUS KAMAL i raitim

MOA long 1000 papagraun bilong Collinwood Basis insait long Oro Provins, i pasim tok long rausim bek tok orait long kampani i ken go insait na katim diwai long graun bilong ol.

Oi papagraun i bung long Wanigela ples long Fraide 28 Epril na i tokim komiti bilong graun olsem, i no bin gat gutpela awenes program na nogat man i bin kisim gut tingting bilong ol papagraun bipo long gavman i salim graun bilong ol i go long kampani.

Oi i tok pasin bilong salim blok 113 na 143 bilong Milinch Murua na Kupari long wapelala agrikalsa projek, i bin kamap taim nogat wapelala bilong ol i bin save long en. Oi i tok olsem klostu olgeta lain i sainim nem long dispela projek i no ol trupela papagraun na tu sampela bilong ol, sampela lain i bin giamanik ol long salim graun bilong ol long wapelala kampani bilong arapela kantri.

Wapelala kaunsel bilong Moit haus lain insait long Collinwood Basis, Stevenson Baraga i tok nem bilong em i bin stap insait tu long lista wantaim ol arapela nem husat i bin sainim dispela kontrak tasol em i no gat liklik save long

dispela lista na tu i no bin sainim nem.

Oi kaunsel husat i makim 9-pela haus lain insait long Collinwood Basis i kros long pasin gavman i givim taitel bilong graxun bilong ol i go long Deegold (PNG) Limited long developim wanpela projek lis na lisim bek agrimen. Oi dispela 9-pela haus lain em long Kaire, Meniafa, Onjob, Ubir, Oyan, Maisin, Awamberi Manu na Moitu.

Dispela hevi bilong graun i bin kamap taim wanpela lokol kampani, 'Keroro Developmen Koporesen (KDC) Limited, i salim dispela graun i go long Gavman na bihain Gavman i salim bek i go long KDC husat i salim i go long Deegold (PNG) Limited, wanpela kampani bilong Malaysia.

Deegold (PNG) Limited long April 12 1999, i bin mekim wanpela sabmisen i go long PNG Fores Atoriti (PNGFA) na PNGFA i givim ol wanpela timba atoriti long developim dispela graun long wok agrikalsa.

Tasol wok i no bin stat bihain long Nesenel Lands Dipatmen i tokim kampani long noken mekim wok yet long dispela graun bikos ol papagraun i kisim wanpela kot oda long Nesenel Kot we i stapim developa long go na mekim wok long graun bilong ol.

Plis bai yusim moa long K6 milien long mentenens

PLIS Minista Mathias Karani i tok Dipatmen bilong em bai yusim K6,191,555 insait long mentenens program bilong em bilong dispela ya long strem ol bareks, plis stesin, plis haus, banis bilong ol plis kompaun na stesen na plis transpot.

Em i tok tu olsem Gavman i bin givim K95 milion tasol long Plis Dipatmen insait long 2000 baset.

Moa yet, Mista Karani i tok Gavman bilong Australia aninit long Teknikel Asisten Program Phase II bilong Plis Kapasiti Biling Program i bin givim K5.1 milien long mekim ol mentenens wok insait long wok bilong plis.

Em i tok dispela ol mentenens wok i no bin kamap inap long moa long faiv i go long 10-pela ya nau.

Mista Karani i tok tu olsem em i no inap karim aut olgeta wok mentenens bilong ol Plis stesin na ol haus bilong ol plis long kantri inap Gavman i skelim inap mani i go insait long plis long 2001 baset.

Goroka na Saina pasim tok long kirapim masrum na rais projek

BIHAIN long klostu foapela ya i go pinis, Gavana bilong Isten Hailens Peti Lafanama na memba bilong Lufa na Minista bilong Plis, Mathias Karani i bin go long Saina na sainim wanpela tok orait wantaim Gavana bilong Fujian Provins, Xi Jinping long 16 Me 2000, long kirapim masrum na rais projek long Goroka.

Gavana Lafanama i tok dispela em i namba wan taim tru bilong Isten Hailens Provins i sainim wanpela tok orait (memorandum ov agrimen) wantaim narapela susa provins bilong kantri Saina long wokim agrikalsa projek.

Em i tok dispela kontrak nau i opim rot bilong mekim bisnis, kisim skul, na teknikel sapot namel long dispela tupela provins.

"Dispela tok orait bilong kamapim pasin pren bai helpim tu ol pipel bilong hailens provins na Papua Niugini long bihain taim tu na i no ol pipel bilong Isten Hailens tasol," Mista Karani na Mista Lafanama i tok.

Tupela i tok dispela MOU i kamap

Senism foren polisi, Peipul i tok

DEPUTI Oposisen Lida, Peter Peipul i tokim Palamen olsem Gavman i mas senism Foren Polisi na putim moa sapot i go long wol tred na promotim ol bisnis bilong kamapim ol samting long PNG na salim i go long ol arapela kantri.

Mista Peipul i tok insait long las 25 yia, Polisi bilong PNG i stap aninit long tingting olsem, 'Pren bilong Olgeta, I No Birua Bilong Wanpela'.

Em i tok aninit long dispela polisi, PNG long longpela traim i bin

bihain long tupela profesa bilong Saina i bin statim wok bilong masrum long Lufa Distrik stat long 1997. Dispela ol profesa i bin kirapim juncao (gras) teknoloji projek long planim masrum na nau i gat moa long 300 fama insait long Lufa Distrik husat i planim masrum na salim long ol lokol stua na restoren long Goroka na insait long kantri.

Tupela i tok tu olsem dispela MOU i tok olsem Gavman bilong Saina ba putim hap mani na teknikel sapot long planim moa masrum na tu rais bilong drai graun na ol arapela helpim long skul, tred r.a bisnis developem namel long tupela provins na ol arapela hap bilong PNG.

Mista Karani na Mist'a Lafanama i askim tu Gavana bilong Fujian Provins, Mista Jinping long kam long PNG na go long Goroka long ya 2001 long senism wokabaut tupela i mekim i go long Saina.

Gavman long Fujian Provins na Isten Hailens i bin bungim mani inap long mak bilong K750,000 long Mista Karani na Lafanama i go long Saina.

saplain grin kopi, ti, raba, oil pam, timba, kopa, gol na planti ol arapela risos i go long ol kantri olsem Australia, Amerika, Inglen, Japan na Saina.

"Yumi mas senis na lukluk i go insait long daunstrim prosesing long ol risos bilong yumi na kamapim strong foren risev," Mista Peipul i tok.

Em i tok PNG i no mas larim arapela kantri i kontrolim interes bilong em long tred na industri o pasin politik wantaim ol arapela kantri.



**YU GAT WANPELA LAND CRUISER
80 SERIES VX?**

**YU LAIKIM NIUPELA LAND CRUISER
100 SERIES VX?**

ELA MOTORS I GAT WANPELA SPESOL OFA NAMEL LONG
22nd MEI, INAP LONG 10th JUNE 2000.


Ela Motors
 **TOYOTA**

"NAMBAWAN KUALITI WANTAIM"

**LONG SAVE MOA LONG DISPELA, GO LONG ELA MOTORS OPIS
KLOSTU LONG YU WANTAIM 80 SERIES VX BILONG YU.**

PONT MORESBY 3229400 • LAE 4722322 • RABAUL 9821988 • KOKOPO 9829100 • MADANG 8522188 • GOROKA 7321844
MT HAGEN 5421888 • WEWAK 8562255 • KAVIENG 9842788 • KIMBE 9835155 • TABUBIL 5489060 • VANIMO 8571254
PORGERA 5479367 • KUTUBU 5496685 • BUKA 9739017 • LIHIR 9864099 • ALOTAU 6410100

VISIT OUR WEBSITE - <http://www.elamotors.com.pg>



Oi Australia lainim Tok Pisin bilong PNG

PLANTI ol ovasis lain i save kam long Papua Niugini long wokim wok bilong ol tasol planti i no save gut long tok pisin.

Long Taronga Zoo long Sydney, Australia (wanpela hap we ol i save banisim planti kain kain enimol we ol manmeri i ken go insait nalukluk long en), ol woklain i bin wokim pinis wanpela liklik skul long Tok Pisin.

Astingting bilong kamapim dispela skul em long mekim wok bilong ol i isi moa, taim ol i kam raun long Papua Niugini long stadim ol enimol (ol abus) bilong yumi olsem blakbokis, mumut, kapul, sikau, palai, moran na ol pisin.

Ol i bin skul long Tok Pisin long tempela wik i go pinis, wantaim wanpela man Sydney husat i bin stap longpela taim long Kimbe, Wes Nu Briten provins.

Planti woklain i bin kisim save long Tok Pisin hariap stret, na ol

lain i wok long salim tingting long taim ol bai lukim PNG gen.

Wanpela wokman, nem bilong em Ed Lonnon i bin tok, "las taim mi bin go long PNG, mi no save gut long Tok Pisin. Nau bai mi hamamas long go bek na stori wantaim ol poro bilong mi long PNG." Na wanpela wanwok bilong en, Carole Shaw i bin tok, "ating bai mi no inap go long PNG, tasol mi hamamas long lainim planti samting long sait bilong pasin na kalsa bilong ol."

Bikmeri blong ol Julia Herjandono i bin tok, "mipela i gat laik long poromanim Papua Niugini i go longpela taim." Wanpela wokmeri i bin yusim Tok Pisin bilong em pinis wantaim sampela ol turis bilong PNG taim ol i go lukluk raun insait long Taronga Zoo.

Ol lain i bin skul long Tok Pisin i gat bikpela laik long stori moa wantaim ol PNG long kamapim Tok Pisin bilong ol i kamap strong moa yet.



• Ol wokmeri bilong Taronga Zoo long Sydney, Australia husat i wok long lainim Tok Pisin bilong Papua Niugini i stap.

Sasim moa takis gen long balus fea i no stret, Bias i tok

YAKAM KELO i raitim

IS Sepik Turism Bot i no amamas long Gavman i laik sasim dipatsa takis long ol pasindia i laik ron long balus insait long Papua Niugini. Bikos dispela bai mekim ol manmeri i tromoi moa mani long balus taim ol i laik ron long balus.

Siaman bilong IS Sepik Turism Bot Anthony Bias i tokaut olsem Gavman i mas luksave olsem balus em wanpela bikpela rot bilong ol manmeri i ron i go kam long provins na ples bilong ol.

Mista Bias i mekim dispela toktok long bekim ol toktok Minista bilong Sivel Evisen Bart

Philemon we em i tok long kamapim dipatsa takis long olgeta ron bilong ol pasindia long balus insait long kantri.

Mista Bias i tok dispela dipatsa takis bai givim bikpela hevi tu long ol ovasis turis husat i laik kam long kantri na dispela bai daunim tru wok bisnis bilong turism industri insait long kantri.

Mista Bias i tok long nau yet fea bilong balus i antap tru long ron insait long Papua Niugini yet bikos long 10 pesen (%) Velu Eded Takis (VAT) antap long ol balus tiket. Dispela i kos bikpela mani tru long ol manmeri bilong Papua Niugini yet na tu long ol ovasis lain i laik kam long kantri.

Dipatsa takis em pemen yu mas

baim we i narapela long fea bilong balus tiket.

Em Gavman i no ken pretim ol manmeri long ron moa long balus, tasol em i mas kamap wantaim arapela rot bilong pulim ol manmeri long ron moa long balus. Ol i mas kamap wantaim sampela gutpela amamas o helpim we ol manmeri i ken ron moa long balus insait long Papua Niugini.

Disisen bilong Gavman i no ken go isi tasol. Olgeta lain olsem turism bod, bureu, asosiesen na ol kain grup i makim wok na pipel i mas toktok strong tu long dispela tingting bilong Minista, Mista Bias i tok.

Nogat straik long ol Telikom wokas

BAI i nogat straik namel long Komyunikesen Wokas Yunion (CWU) na Telikom menesmen bikos ol i sindaun wantaim na kamapim tingting bilong stretim dispela hevi. Ol yunion manmeri i laik straik long pe bilong ol i mas go antap na ol alawens ol i no kisim em kampani i mas baim.

Insait long bung bilong yunion wantaim menesmen long Mande dispela wik, ol i kamap wantaim tingting long noken straik nabaut long ol yet tasol ol lain i go pas long ol dispela hevi i ken sindaun klostu wantaim menesmen bilong Telikom na ol i ken stretim dispela hevi bilong ol wokmeri gut.

Insait long wanbel pasin ol i kamapim long Mande dispela wik, Telikom menesmen i laik rausim tu wanpela kot ol i mekim pepa pinis long en egensis ol Komyunikesen Wokas Yunion. Na tu stapim pepa

i go long Abritresen Traibunel.

Menesmen bilong Telikom i tok ol wokmeri em bikpela samting long wok bikos ol em namba wan risos tru we i save mekim samting i kamap. Olsem na ol i mas stap gut na wok gut wantaim kampani oai kampani i ken pulim gut mani na mekim gutpela win mani. Na dispela gutpela wok bilong ol i ken bringim gutpela amamas long ol wokmeri long pasin bilong wok gut wantaim.

Ol i no tokaut klia long wanem rot ol bai mekim long stretim tru hevi blong ol yunion manmeri long pe na alawens ol i singaut long en. Tasol ol lida na ol lain i go pas long yunion i tok ol i amamas long tingting na rot Telikom menesmen i laik kamapim wantaim ol yunion long stretim hevi bilong ol long wanem taim ol i redi long en.

PNG tumbuna musik bai pairap long ovasis



• Deputi Australia Hai Komisina Dokta Stephen Henninghan na PNG musik man Plus Wasi i stretim pepa long balus tiket bilong Plus long go pilai wantaim Drum Drum PNG 2000 projek long Darwin.

WOK poroman namel long Papua Niugini na Australia long pasin bilong kalsa na musik i wok long go het taim wanpela musik grup ol i kolim Drum Drum, em Australia na PNG kalsa grup i kamapim i wok long pilai raun long Dawin na bai i go aut long arapela ovasis kantri tu. Dispela projek em ol i kolim, PNG 2000.

Drum Drum em wanpela kalsarel musik grup we ol memba bilong em i kam long Papua Niugini, Fiji, Tores Streit na Australia. Ol i save yusim ol pawa ben wantaim ol tumbuna samting bilong mekim musik long stal bilong tude na tu ol tredisenel musik. Dispela em i bilong traim holim strong ol tredisenel musik bilong Pasifik. Long bipo Drum Drum i save kamapim ol danis na musik bilong Papua Niugini we ol arapela kantri i no save lukim bipo.

Foapela Papua Niugini musik lain i stap long Dawin nau na i wok long kamapim ol woksop wantaim Drum Drum. Dispela em bilong strongim moa ol musik bilong PNG na tumbuna danis tu wantaim long holim na sevim gut PNG kalsa bai i ken

kamapim gutpela luksave namel long PNG na Australia.

Australia Hai Komisina, aninit Ing Pablik Diplomesi Program bilong em i soim sapot bilong em long dispela projek na i baim balus tiket bilong wanpela biknem PNG musik man. Pius Wasi long go long dispela projek. Pius Wasi bilong IS Sepik provins

i gat nem long pilaim ol tumbuna musik bilong PNG wantaim ol samting bilong mekim musik. Em i wanpela namba wan lain long kamapim Kaiwasu grup na em i gat planti save long ol musik bilong Papua Niugini na dispela save bilong em i bin helpim long kirapim PNG kalsa long musik.

Ol arapela Papua Niugini musik laik husat tu i stap insait long dispela projek em Markham Galut, Richard Mogu na Patti Doi.

Long pinis bilong projek, PNG 2000, dispela grup bai raun pilai long ol skul na bikpela pilai em ol i plen long holim long Dawin na Sidni. Drum Drum i kisim askim tu long go pilai long opening seremoni bilong Hannover Expo 2000 long Jemeni long mun Jun dispela yia.

WANTOK

NIUSPEPA BILONG YUMI OL PAPUA NIUGINI STRET

SAPOS hevi bilong lo na oda i bikpela hevi tru insait long Papua Niugini, dispela em nem nogut tru bikos planti samting bai i go nogut long laip na sindaun bilong ol manmeri na tu ol gutpela wok bilong helpim yumi olgeta tu i no inap kamap gut.

Long dispela wok Praim Minista Sir Mekere yet i tokaut olsem rekot bilong lo na oda hevi long sait bilong kilim man indai, raskol pasin, ol bikpela pait na bagarapim meri i antap long rekot bilong Fiji na Australia.

Praim Minista yet i tokaut long dispela nius nogut bihain tasol long wanpela gutpela piksa tru kantri i kamapim long las wiken taim olgeta manmeri i amamas long kamap bilong Olimpik Tos resis long Mosbi. Olgeta biknem spotmanmeri bilong Papua Niugini i makim wanwan provins na i kamap long Mosbi long karim dispela tos na ron. Na Praim Minista Sir Mekere Morauta yet i pinisim dispela ron taim em i las man long kisim tos na ron i go laitim bikpela paia bilong makim amamas bilong Olimpik Tos resis. Narapela lidman bilong Papua Niugini Sir Michael Somare tu i ron long dispela taim na em i amamas tru.

Olgeta manmeri i ron na ol manmeri husat i kamap long lukim i gat bikpela amamas tru olsem Papua Niugini i gat nem long wol long lukautim na karim dispela paia na ron.

Dispela em i wanpela gutpela piksa na mak bilong Papua i wanpela gutpela kantri long bung wantaim na amamas wantaim.

Tasol kain stori nogut we wanpela yangpela biknem PNG boksa i dai long dispela taim long Mosbi we tos ya i wok long ron i

Lo na oda hevi i kukim PNG

stap. Yangpela PNG man ya i gat nem long makim PNG long pait boksen wantaim ol arapela kantri na i kamap long mak bilong putim nem bilong PNG i go antap long wol taim em i pait i go kamap klostu long mak bilong go insait long Olimpik Gem. Na dispela i soim olsem neks raun gen bai em i karim nem bilong PNG igo long Olimpik Gem stret. Tasol turang i lusim laip bilong em bikos ol man nogut i kilim em i dai na tromo bodi bilong em long bus arere tasol long Mosbi Jenerel Haus Sik.

I no longtaim i go pinis, ol man nogut i katim het bilong manmeri Esia long stua bilong tupela. I no longtaim i go tu ol man nogut i pulim wanpela man Sentrel long

ka ausait long 6 Mail stua na em i dai. I no longtaim i go ol plisman i holim bikpela pait wantaim ol raskol taim ol i yusim helikopta long traim stilim mani bilong PNGBC beng.

Planti ripot bilong ol man nogut i kilim man i dai i bin kamap long Mosbi na tu long ol arapela provins. Pasin bilong stil yusim ol sotgan na bagarapim meri tu i bin kamap bikpela.

Dispela i mekim planti gutpela manmeri nau i stap wantaim pret long raun long stua na maket ol yet. Long banis na haus bilong ol wanwan, ol i save lokim geit na pasim dua na stap hait tasol long haus long apinun na nait.

Taim yumi ol pipel bilong

Papua Niugini yet i pret nogut, ol lain long narapela kantri husat i kam wok long hia tu i pret nogut long laip na sindaun bilong ol. Olsem na wok bilong ol i no gutpela bikos ol i no pilim gutpela wok fri na helpim ol Papua Niugini. Ol i wok na raun wantaim pret. Planti ol i bisnisman tasol ol i pret, ol i ken stamip bisnis bilong ol na karim i go long narapela kantri we ol i ting i gutpela na mekim wok bilong ol long hap.

Sapos dispela hevi bilong lo na oda i bikpela hevi long PNG, yumi bai i gat wanem kain kantri tru long bihain taim?. Ol pikinini bilong yumi tude taim ol i kamap bikpela bai ol tu i kamap wanem kain lain?. Nogut ol i kamap raskol, ol lain bilong kilim man na surukim dispela pasin i go het yet.

Plis fos i save traim wok bilong ol olgeta de na nait long salensim dispela kain trabel na hevi tasol dispela i no stopim o daunim hevi liklik. Olsem na ating lo bilong kilim man o hangamapim man i mas kamap. O lo bilong katim wanpela sait lek o han bilong man i mas kamap o wanem kain hatpela lo yumi ting i mas kamap i mas kamap. Ating wanpela rot tasol i stap long lo. Sapos lo i go strong na hat moa, bai inap pretim daunim hevi bilong lo na oda i kam daun liklik. Ating strongpela lo i no ken kamap bilong bagarap man. Tasol strongpela lo i mas kamap bilong pretim trabel na daunim birua long kamap.

Raskol stilim K200,000 long BSP beng

OL HAP HAP

nius

- Ol raskol i hensapim ol wokmanmeri bilong Bank South Pasific (BSP) long Mosbi long Tunde moning na stilim samting olsem K200,000. Plis i tok dispela lain i bin go insait long beksait dua we ol i bilip wanpela wokman yet i bin soim ol rot long go insait. Dispela long 9 kilok moning taim ol wokman i redi long stretim ol mani na wok bilong ol. Dispela stil pasin i kamap long BSP Taun Brens long Mosbi.

Bos bilong Mosbi Plis John Marru i tok ol dispela man nogut i bin yusim ol sotgan na wanpela han bom long pretim ol wokmanmeri.

Ol i odaim olgeta manmeri long slip long floa na ol i go het na kisim ol dispela mani. Mani bilong PNG, Australia na Amerika we i totol olsem K200,000.

Mista Marru i tok ol dispela lain i bin kamap long wanpela lenkrusa ka na go tro-moi long Aviat Club na ronawe gen long narapela ka we i wetim ol.

Tasol ol i save pinis long papa bilong dispela ka na ol plisman i kisim em pinis na askim em long dispela samting.

Dispela wokman bilong beng em plis i bilip i save wok long sait bilong mentenens na em i kisim ol raskol lain ya i go insait.

Ol bai holim em liklik taim na askim em we em inap long tokaut long ol arapela lain ya tu

- Gavman i apim 30 pesen (%) kos i go antap long pawa bil. Tasol Konsum Afeas Kaunsil (CAC) i tokaut olsem ol i oralim dispela 30% long kamap tasol i no inap givim hevi long ol liklik manmeri husat i

save yusim pawa long haus bilong ol. Dispela 30% kos bilong pawa bil em bilong ol bikpela kampani husat i save yusim ol masin, kredit mita na ol arapela bikpela masin we i save yusim pawa long ol bikpela kampani na bisnis tasol. Ol manmeri i no inap baim dispela ekstra kos long pawa ol i save yusim long Easypay mita bilong ol long haus.

- Hevi bilong sik AIDS i wok long kamap bikpela insait long Papua Niugini na ol bikman bilong Helt dipatmen na tu Gavman tu i askim long ol manmeri i mas yusim gutpela tingting bilong ol long daunim dispela hevi.

Ol i givim bikpela salens i go long ol niusmanmeri long mekim gut wok bilong ol long raitim nius na mekim klia long ol manmeri long ol rot na pasin ol i ken bihainim long abrusim dispela sik nogut. Ol niusmanmeri i kisim tok olsem long pinisim sik AIDS i hat bikos i nogat marasin.

Tasol long daunim sik AIDS em i gat rot bikos taim olgeta manmeri i save long nogut bilong sik AIDS, ol i ken bihainim gutpela rot na pasin bilong noken kisim dispela sik AIDS.

Ripot i soim olsem dispela sik AIDS i kamap bikpela pinis long biksiti Mosbi, Hagen, Goroka na i wok long bikpela long ol arapela provins tu. Dispela sik tu i go olgeta long asples tu na mekim ol manmeri long ples i pret olgeta

- Praim Minista Sir Mekere Morauta i tokaut olsem sistem bilong ileksten insait

long Papua Niugini i no gutpela tumas. Olsem na i mas gat nupela senis long mekim ileksten sistem long kantri i kamap gutpela long bihain taim.

Sir Mekere i mekim dispela toktok bikos em i bilip olgeta komon rol pepa i save gat ol giaman nem, nem bilong ol lain i dai pinis na planti arapela asua i stap long komon rol pepa.

Olsem na em i ting i mas gat senis long mekim ileksten long kantri i kamap gutpela long bihain taim.

- Memba bilong Wapenamanda Masket langalio i askim Praim Minista Sir Mekere Morauta sapos Gavman i ken kamapim wanpela kot o enkwairi long glasim na tokaut long ol wok bilong Nesenel Kapitel Distrik Komisin (NCDC).

Mista langalio i tok i mas gat komisin ov enkwairi long tokaut long wok na bisnis bilong NCDC bikos i gat planti toktok i kamap pinis long mani i paul na ol man i mekim kainkain pasin long sait bilong mani.

Em i askim tu sapos olpela edminstreng Jamie Maxtone Graham i gat ripot long wok painimaut bilong em long NCDC na inap em i kisim i kam long palamen.

Tasol Praim Minista i tok Jamie Graham i no ken mekim dispela inap Oposisen yet i askim long kamapim ripot bilong NCDC long palamen.

- Gavman bilong Simbu provins Pater Louis Ambane i tokaut olsem planti lain long Simbu provins i wok long kamap wan-taim kain kain tingting na kamap long

Mosbi na givim hat wok tru long ol nesenel lida bilong ol. Dispela i mekim na ol lida i save paulim mani bilong pipel bikos ol i oltaim baim kaikai bilong ol dispela lain i kam long Mosbi, baim balus tiket bilong ol na salim ol i go bek long ples.

Pater Ambane i tok ol dispela lain i save kam olsem yet grup long wokaton kam daun long Lae, kisim sip i go daun long Popondeta na wokabaut tripela o foapela de long Kokoda Treil na kamap long Mosbi.

Pater Ambane i tok planti i no inap go bek na ol i pulap long haus na banis bilong ol memba na mekim hat tru long memba i lukautim of long kaikai na salim ol i go bek long ples.

Em i tok ol dispela mani em inap long ol memba i ken yusim gut long wok bilong ilekstret tasol na ol lain i save kam nating long Mosbi na memba i save painim hat long tromoi mani long ol.

Dispela i save mekim of memba i paulim mani bilong ilekstret bikos ol i yusim mani long rong wok, memba i tok.

Katolik Nesenel Edukesen Seketeri Arnold Wau i sapotim dispela toktok bilong Pater Ambane olsem dispela em i tru na i no gutpela long ol manmeri i yusim kain giaman tingting olsem wokaton bilong pulim mani long wok o projek.

Em ol i save giaman sikirap long go long Mosbi tasol laip i save hat tru long Mosbi na memba i save kisim hevi tru long ol.



OL manmeri i amamas long lukim Olimpik Tos

Planti manmeri i amamas nogut tru long lukim Olimpik Tos i wokabaut raun i kam long Ower's Corner na i kam kamap long Pot Mosbi.

Bikela lain manmeri i bin sanap arere long rot long lukim ol man karim Tos i kam.
Planti bilong ol i tok olsem ol bai i no inap go

long Austrelia long lukim dispela Olimpik Gem long Septemba dispela yia na i gutpela long ol i ken luki dispela tos i ron i kam long PNG.

Wan pipel, wan kantri i kamap tru long taim bilong Olimpik tos raun

Planti manmeri bilong kainkain hap insait long PNG i kamap olsem wanelala grup long taim bilong Olimpik Tos Rilei long las Sarere.

Maksi long kainkain pasin tumbuna na wei biong laip insait long kantri, olgeta manmeri i bin hamamas tru long lukim ol biknem spot manmeri bilong Papua Niugini.

I bin i gat planti manmeri husat i bin makim kantri long go pilai long ol nastrapela kantri i bin winim ol gol, silva o bons medal i bin tek pat long karim Oli,mpik Tos.

Ol narapela bikman na pikinini tu i bin i stap insait long dispela ron bilong Olimpik Tos we i kisim namba bilong ol lain manmeri i sanap olsem 100 olgeta.

Ol dispela lain stat long Owes's Corner bilong Kokoda Treil na i kam raunim Pot Mosbi siti na pinis long Sir John Guise Stadium.

Planti manmeri i bin sanap arere na singaut na paitim han taim taim ol manmeri husat i Olimpik Tos i wpk long senis senis wantaim narapela arapela na ron bihain rot i go.

Tos i bin kam olsem long Solomons Ailan we em i bin stap long Fraide na kamap long

Jacksons ples balus long Pot Mosbi long 9 kilok.

Praim Minista Sir Mekere Morauta na sam-pela bikman wantaim 5pela singsing grup i bin stap Ing ples balus na welkamim Olimpik Tos.

Bihain long dispela welkam, Tos i kalap long helikopta na ol i kisim i go antap long Owes Kona long stat bilong Kokoda treil we ol Austrelia ami na Papua niugini man i bin helpim narapela arapela long namba Tu Wol Wo (WWII).

OL i karim Tos na i ran long hap i kam kamap long Po Mosbi na i bin karamapim olgeta era. Dispela em rot Olimpik Tos i bihainim i kam bipo long em i kamap long sir John Guise Stedium. Owes Kona, Laloki, 9 mile, Erima, Gordons, Lyod Robson Oval, 4 mile, 3mile, Kaugere, Kilakila, Badili, Koki, Ela Bis, Taun, Knoedodu, Hohola, Indipendens Hill na fainal wan tru i bin kamap long Sir John Guise Stedium we bikpela selebresen trui i kamap wantaim planti loel singsing grup, pls bend skul koaia, Sanguma Bend i bin pilai bilong hamamasim ol pipel long dispela dei.

Planti manmeri bai tingim dispela de longpela taim tru

Planti kainkain tumbuna singsing i bin kamap long olgeta hap we Olimpik Tos i ron long en.

Maksi long wanem ol kainkain pasin tumbuna yumi gat insait long kantri, taim olgeta i kam bung na singing amamas wantaim i mekim planti manmeri i tok ol i amamas long stap olsem ol Papua Niugini mnanmeri meri.

Moses Kaigu, husat i miks Sepik na Simbu na wanelala namba wan yia UPNG sumatin i tok: "Mi hamamas olsem mi wanelala Papua Niugini." Mi bai stori long ol Tumbuna pikinini olsem mi bin stap long Mosbi olsem wanelala sumatin taim olimpik Ts i kam."

Mista Kaigu i tok dispela em i wanelala sans bilong em long lukim Olimpik Tos na i no olsem ol manmeri bilong narapela hap bilong kantri husat i nogat sans.

Takale Tuna, bilong Matupit Alian long Is Niu Briten na biknem man bilong ron husat i bin winnim gol medel long 1985 long Mini Saut Pasifik Gem long 100,

2000 na 400 mitas i bin tok: "Mipela disepa 100 manmeri i laki tru long karim dispela Tos. Mi amamas tru olsem ol i luksave long ol samting mipela i rhekim.

EM i tok olsem dispela samting i kamap wanelala taim tasol long laip bilong em na em i amamas tru logn stap insait long dispela grup we i kam tos.

Mipela amamas long lukim olsem spot (pilai) i ken bringim olgeta kainkain manmeri i kam wantaim olsem wanelala grup," em i tok.

"Dispela samting nau i kamap i soim yumi olsem yumi tu i ken kontribut long wanem wei yumi inap," Mista Takale i tok.

Felix Dama bilong Kerowaghi insait long Simbu Provins i tok: "Dispela dei bai mi tingim yet.

Mista Dama i tok em bai tokim ol tumbuna pikinini bilong em.

"Nogat wanelala i bin lukim Tos long PNG bipo na bihain em yumi i no klia, ating bai yumi lukim insait long laip taim bilong yumi o nogat," em i tok.

Henry Meli bvilojng Is Niu Briten na wok wanatim DCA long Mosbi i tok: "Dispela kain samting i nbringim planti kainkain pipel i kam bung wantaim.

"Planti yangpela spotsman na meri i ken lukim dispela eksambel na na bihainim bilong kamap gutpela spots manmeri bihain," em i tok.

"Yumi bin lus tingting long wanem ol samting dispela ol kainkain spot manmeri i bin kamapim insait long laip bilong ol," Mista Meli i tok.

"Dispela i mekim yumi tingim na ol lain husat i kamapim nem bilong PNG long wol," em i tok.

Em i tok olsem dispela wantaim wantok i tok olsem ol bai tingim midispela dei bilong Olimpik Tos olsem wanelala bikepla samting long laip bilong ol.

Planti manmeri i toktok wantok i tok olsem ol bai tingim midispela dei bilong Olimpik Tos olsem wanelala bikepla samting long laip bilong ol.

Ol i tok dispela em i nam-bawan taim bilong ol long lukim idispela Olimpik Tos na i las taim tu insait long kantri.

Salens long ol spot manmeri tude

Praim Minista Sir Mekere Morauta i tok tenkyu i go long gavman bilong Australia long makim PNG olsem wanelala kantri we olimpik tos bai kam bipo long em i go long Austrelia.

Sir Mekere i tok olsem ol pipel bilong papua Niugini i save laikim spot na dispela i wanelala bikpela honor tru.

Em i tok olsem dispela wokabaut bilong Olimpik Tos i kam long PNG bai i go daun

olsem wanelala bikpela samting insait long ol kainkain stor bilong dispela kantri.

Sir Mekere i tok wokabaut bilong Olimpik Tos i kam long PNG i wanelala salens long olgea spot manmeri.

Sir Mekere i bin las man long karim Olimpik Tos bihain long Markus Bai i givim em dispela Tos na em i laitim tos antap long wanelala bikpela dis ol i kolin kauldron na laitim bikpela paia.

Stori bilong Olimpik Tos

Olimpik Tos i bin kamap long taun Olympia insait long kantri Grik long yia 776 BC.

Planti trabel pait i bin kamap namel long planti hauslain long dsispela taim na ol bikman bilongwanan hauslain i bin bung na tok olsem ol mas noken pait. Olgeta man i mas kam bung na oilai na soim strong bilong em.

Olgeta hauslain i bin tok orait long dispela na tok olsem bipo long olgeta gem, wanelala paia na karim i go ronim olgeta hauslain na toksave long ol ioolsem i gat gem olsem bai

kamap.

Nambawan Oluimpik gem i bin kqmcap long Olympus wanelala siti we i bin stap long Grik.

Dispela gem i save kamap bihain long olgeta 4pela yia na em biolong bringim olgeta mameri i kam klostu long wanelala na narapela bai nogat trabel o paitkros i stap namel long ol manmeri.

Austrelia bai kamapim dispela yia Olimpik gem long Sidni. Tasol bipo long ol i kisim Tos i kam long Grik na i go long Austrelia, Austrelia gavman i givim mani bilong Tos long ronim

olgeta kantri bilong Saute Pasifik.

Taim em i lusim Grik, Tos i kam i go long dispela ol Kantri bipo long em i kam kamap long PNG: Guam, Palau, Federeited Stets ov Maikronesia, Solomons Ailan na kamap long PNG.

Bihain long dispela bai Olimpik Tos i go olsem long Vanuatu, Samoa, American Samoa, Cook Ailans, Tonga, Fiji, Niu Silan na bai i go kamap long Austrelia. Insait long Austrelia bai Tos i raunim olgeta kona bilong kantri bipo long ol gem i kamap long mun Septemba.

Ol manmeri i kam bilong lukim Marcus Bai



• Marcus Bai

Planti manmeri tru i bin pulap nogut tru long Sir John Guise Stedium bilong lukim Biknem Kumul Ragbi pilai na Winga bilong Melbourne, Marcus Bai.

Planti manmeri husat i kamap long dispela bung bilong lukim Olimpik Tos i tok olsem ol i kam bilong lukim Marcus Bai na Sempion Kikboksa Stanley Nandex i kam Tos na ronim stadium.

Olgeta manmeri stat singautim: "Marcus Bai! Marcus Bai! bipo long em i kam Tos na ronim pilai graun bilong Stedium.

Wanelala yangpoela man husat i kamap long dispela bung i tok olsem em i bin kam long lukim Markus bai wantaim Stanley Nandex karim Olimpik Tos na ron.

Marcus bai i bin lusim pilai bilong Sarere na i kam long kantri bilong em long karim Olimpik Tos na ron.

Em i bin tok olsem dispela em i wanelala taim tasol em bai gat sans long karim dispela Tos olsem na em i bin askim Melbourne Storm tim long usim em i kam karim Olimpik Tos makim kantri bilogn em na ol bos bilong em i bin tok orait.



IKEN WOKIM GUTPELA SAMTING LONG YU

Koiari hamamas long SOCOG

KENNEDY EDENE i raitim

Presiden bilong Koiari iokol level gavman kaunsel insait long Sentral provins Hon James Vovo Selu em i tok hamamas tru long ol Australians espesely long ol 2000 Sydney Olympic organising komiyiti (SOCOG) long larim ol pipel

bilong Koiari serim Olympic spirit o flame bilong Olympic Torch long graun bilong ol Koiari.

Long gritim Olympic Torch long Sarere long Depo Monument klostu long Sogeri Mista Selu tok, yes i gat sampela ol pipel bilong Koiari ol i no hamamas long hau ol organising komiti ol plenim dispela

bung long gritim torch.

Em tok, yumi mas lus tingting ol dispela samting na kam wantaim na gritim dispela historik torch long wanpela tingting tasol.

Mista Selu tok, Olympic gem em ol save hevi olgeta 4 yia na em i namba tu taim insait long history bilong Australia long hostim.

Dispela em fes taim na meibi


only taim bai yumi lukim dispela Olympic Torch em pas o go tru long graun bilong ol Koiari na Papua Niugini wantaim.

Mista Selu tok, wokabaut bilong torch insait long PNG em stat long stat bilong Kokoda Trail long Owens Corner, den em i go long Depo Monument klostu long Sogeri na i go daun long Laloki hai

skul em olgeta em long graun bilong Koiari.

Em i tok, dispela em soim olsem Australia i gat respek na apresiesen long ol papa bilong yumi, hust ol sanap wantaim ol yangpela Australian Soldiers long Kokoda Trail kempein insait long World War II.

Mugarenang i stap insait long Saut Pasifik Bodi Bilding Sempionsip



• David Mugarenang husait we i bin stap long seleksen long Noumea, Niu Kaledonia long Saut Pasifik Bodi Bilding Sempionsip.

WOKABAUT bilong David Mugarenang long Saut Pasifik Bodi Bilding Sempionsip long Noumea, Niu Kaledonia.

Bihain long winim bek tai tel bilong em long Under 70kg na kamap namba 3 long Mista PNG taitel long Pot Mosbi we i bin kamap long April 15, 2000.

Em bin i stap long seleksen long Noumea, Niu Kaledonia long Saut Pasifik Bodi Bilding Sempionsip.

Tripeia wik olgeta em i stap long Mosbi olsem em wanpela pikinini Morobe, em pilai long Intanesenol Level long spot. Mi bin lus tru long mani long peim levi fi na i go ong ovasis, mi bin trai hat tru long paitim dua

bilong ol nesenel membis bilong palamen ol MPs bilong Morobe i no harim wari bilong mi liklik.

Mi bilong Zangkao viles long Sialum, Teai Siassi ilektoret. Mi pikinini bilong Fisika Rijen na mi karim nem bilong Morobe provins na pipel.

Mi laik kisim dispela spesel optuniti long tok bikpela tenkyu na amamas i go long memba bilong Kawum Ginson Soano, pikinini man na spesel lida bilong Fisika Rijen, Morobe provins i givim mi bikpela helpim na God bai i blesim lidasip bilong yu i go moa yet.

Na narapela mān tu mi no lus tingting em menesa bilong BOC geses em long

Mista Scott long balus tiket Lae-Pom-Lae. Pilai long Niu Kaledonia i strong tru, i bin i gat 15-pela kantri i resis long en tasol mi traum bes bilong mi, mi karim wanpela bronx, medal long Under 70kg.

Ol pipel bilong mi long Morobe na PNG, maski sapos ol lidas i no luksave long spots ong Morobe, i gat wanwan man i stap long helpim yumi.

Em kain man olsrm Ginson Saou memba bilong Kabwum. Mi laik strongim olgeta yut long Morobe provins wanem kain spot yu kisim yu mas traum bes bilong yu long karim nem bilong Morobe olsem mi mekim.

Newtown i karamapim lait bilong Kalibobo

KIWURAM KANAKO i raitim

NEWTOWN i wok long kamapim gen ol gutpela pilai bilong en insait long dispela kik bilong soka resis long 2000 taim ol i kikim tripela bikpela gol i go insait long umber bilong ol Kalibobo Blues long Sande i go pinis long Laiwaden.

Namba wan gol i bin kamap long su bilong stail wamples hia em long Roland Loniu, bihain long ol lain bok bilong em i kikim na stiaim gut bal we i go sua long lek bilong em, we em i pairapim umber bilong ol Kalibobo. Ol Kalibobo husait i pilai aninit long lukaut bilong Peter Yako, i bin pilai gut tasol ol i abrus liklik na ol boi bilong Bob Morris i brukim banis na kikim namba wan gol.

Kalibobo i save pilai stail liklik na planti taim, ol i no save rausim bal hariap i go arasait long banis bilong ol. Em stail bilong Kalibobo tasol planti man baiuria olsem ol save wokim gut haus pinis na bihain ol bia guriam arapela lain. Long wankain pasin, ol i pilai "Kalibobo Stail" na surukim bal i go i kam na taim Steven Spielberg i kisim bal, em givim i go sua long lek bilong Peter Yako. Yako i no wet

liklik. Em hariap tumas pulimpaim umber bilong Newtown.

Tasol Newtown i no wari. Olsem ol i bin tok pinis, ol i kam long pilai soka tasol. Ol i nogat bikpela tingting long kikim hamas gol na paitim bros. Newtown i pilai i go na taim ol i luksave olsem ol Kalibobo i longlong liklik na larim hol i stap long namel, Newtown i surukim bal i go na salim ol kikman bilong en ron i go insait. Ol Newtown i save pilai narakain liklik. Ol i gat gutpela man bilong ron na lik wantaim olsem ol smok balus bilong pait (jet fighters).

Wantaim ol strongpela man husat i lukautim banis bilong Newtown olsem Ian Kaizer Mullul na Moses Michale, Newtown i tingting tasol long salim bal i go insait long banis bilong Kalibobo. Maski Kalibobo i traum grisim New town long lusim mak bilong en na ron i kam insait, New town i luksave pinis long dispela giaman.

Taim ol i kam bek long namba tu hap, Newtown i soim strong bilong en liklik na salim wanpela gutpela bal we i lus long lek bilong Kalibobo. Ol kikman bilong Newtown i luksave olsem em sans bilong ol, na ol

salim bal i go long Stanis Gufino. Orait Gufino i kikim dispela bal i go stret long lek bilong Brandon Isaac husait i pairapim bal na abrusim golkipa bilong Kalibobo i go sua insait long umber.

Kalibobo i bin abrusim wanpela gutpela sans bilong en taim referi, Joe Maripal, i givim wanpela asua kik (penalty) long maus bilong umber bilong Newtown. Tasol, James Kaven i kik strong tumas na bal i plai i go antap abrusim umber.

Newtown i kam bek strong gen klostu long pinis bilong pilai wantaim wanpela gutpela gol we, Andy Wozz yet i ron na kikim i go insait long umber bilong Kalibobo. Ol boi Kalibobo i traum klostu gen long bekim bek wanpela gol tasol, Newtown i taitim gut banis bilong en na rausim tasol ol kik bilong Kalibobo.

Bihain long pilai, Yako i tok olsem asua bilong Kalibobo em liklik samting we ol inap long streitim. "Mi luksave olsem mipela i mekim asua taim mipela i no save was gut long ol hol i kamap long namel (midfield) taim mipela i stat long lusim dispela hap. Tasol mi bilip mipela ol kikman i mas gat bilip long mipela yet na bai pilai i ron gut", Mista Yako i tok.



• Dispela em soka reisi namel long Newtown na Kalibobo Blues we igo pinis long las Sande long Laiwaden.



KOIARI LIG RIPOT

Koiari ragbi lig bai statim ol gems bilong em gen long dispela wiken bihain ol lig opisel bin kenselim olgeta gems las wiken.

Olgeta gems em ol kenselim bikos, oval em bagarap tru na bai ol Sentral ProvinSEL hai skul kanivel bai ol pilaim long dispela wiken, long Trinde, Fonde na Fraide.

Long ol gem bilong dispela wiken, long fes gem, Hooks Tigers

bai traim bin bilong ol long kompetisen lida Sogeri Choice.

Tigers ol stap las tru long ledna ol mas winim olgeta gem long kisim tim i go antap liklik.

Trek Warriors, husat bin autim Crystal Eels tupela wiken i go pinis bai taitim supia bilong ol na bai ol i kles wantaim IBS Pukpuks.

IBS Pukpuks, husat bin stap isi tasol bai tingting long putim strong-

pela tim long dispela wiken na stretim ol Warriors.

Insait long mein gem, Crystal Eels bai bungim Sirinumu Owls Panthers.

Els wantaim wanpela lus long Warriors tupela wiken i go pinis bartting long putim sampela gutpeal strongpela pilai.

Bihain long raun 4, ol points tabel em sanap olsem, Sogeri

Choice 9, Crystal Eels 7 Trek Warriors 4, IBS Pukpuks 4, Sirinumu Owls Panthers 1 na Hooks Tigers 1 points

Insait long B greid, Crystal Eels 6, Sogeri Choice 6, Sirinumu OP's 3, Hooks Tigers 2, Trek Warriors 1 na IBS Pukpuks ol i no skorim wanpela win yet.

Toksave, lig opisels bai holim

wanpela lig miting long dispela wiken long oval. Olgeta presiden bilong klab em lig opisel laikim ol mas kamap kwik, so ol bai staim lig miting kwik.

Toktok ol bai toktok long en em lig rejistresin fi na ol narapela ol liklik lig administresin metas bilong ol lig na bilong klabs.

Madang tokaut long volibol skwat

MADANG Voli Asosiesin (MVA) i tokaut pinis long skwat bilong ol man na ol meri husat bai makim provins long Momase riginol tonamen long dispela mun.

Tonamen bai kamap long Jun 23 na pinis long June 26 na stap long Madang.

Wanpela ofisol bilong MVA i tok olsem oli wok long redim ol samting bilong dispela tonamen. Em i tok olsem ol i wok long painim wanpela sponsa tasol.

Dispela ofisol i tok oslem ol i makim ol pilais bahan long Ista kap resis long Epril. Em tok olsem ol pilais husat i no save kamap trening ol bai rausim ol long tim.

Ol lain husat ol i makim ol long tim wan em Morno Jnr, (Wantoks), Keith G (Wantoks), Hans A (Riwo), Martin Walker (Tsunami), Eviki H (Tsunami), Leo (Kalibobo), Saini Kaiyam (Kalibobo), Weneki T (Bilbil), Lindsay (Bilbil), Darins (Beejays), na George (Harboors).

Tim wan bilong ol meri em: Dorothy (Wantoks), Anne Kaidan (Wantoks), Doreen Japhoth, (Tsunami), Maria Manufaido (Tsunami), Jossy (Tsunami), Serah (Normads), Wahor Lim (Normads), Jay Pain (Bilbil) na Shirley Nelson.

Menija bilong tim wan bai Mathew Raka na tim menijares em Mama Christine na kos bilong ol bai Martin Walker na Eviki Heni husat tupela i pilaia tu.

Tim tu bilong ol man em: Mambu M (Wantoks), Samson (Wantoks), Issac M (Riwo), Ivan (Riwo) Rooka (Tsunami), Daniel (Basama), Emil (Basama), Justin (Bilbil), namba faiv (Beejays) na Tom (Harboors)

Tim tu bilong ol meri em: Natasha G (Wantoks), Gunnum (Wantoks), Sherly (Tsunami), Emily (Tsunami), Nancy (Tsunami) Yunis (Normads), Apol Angela (Yabob) na Cathy (Bilbil).

Ol ofisel bilong tim tu em Moses Waliaki (menija), Misis Bagore (esisten menija) John Marnapal na Elma Gedabing (Kos)

Tim tri bilong ol man em: Cedrick K (Wantoks), Jack (Wantoks), Taufa (Wantoks), Terence (Riwo), Philip (Tsunami), Bil (Tsunami) Romio (Kalibobo), Brando (Kalibobo), Conilus (Kalibobo), Kevin (Kalibobo), Edward K (Basama), Mckenzie (Basama), Ruben (Bilbil), Nick (Harboors) na Dereck (Wantoks).

Tim tri bilong ol meri em: Leah (Wantoks), Donna (Tsunami), Elis (Tsunami) Alexia (Normads), Numa (Normads), Angela (Yabob) na Dulcie (Wantoks).

Ol ofisel bilong tim tri em Ben Mase, (menija), Helen H (esisten menija), Heni Mea na Dereck (Kos)

SLAM DUNK NA WIN!

Nestle. MILO

WEEK: 5 DRAW: 5 WINNER


Congratulations!!

ALEXANDRIA LANZAROTTE

Yu winim wanpela Milo Spots Pek, em Milo Basketball Bekbod, Milo Spots Bag, Milo Basketball, Milo T'siot, Milo Kep, Milo Wara Botol wantaim K100 kes.

Nestle (PNG) bai salim pas ikam long yu long toksave long prais.

IKEN WOKIM GUTPELA SAMTING LONG YU



Lephan • Ragbi lig
insait long Mosbi
siti i go strong
moa yet. Dispela
em i gem namel
long ol West na
Waliya.

Raihan • Waliya
pilaia i kukim stret
wantaim bal.

Aninit • Aussie
Ruls gem namel
long Wests na
Koboni long Colts
graun long wiken.

Antap • Pilaia bilong MRDC United i
ron bihainim bal long hoki gem.
United i bin bungim Suman long dis-
pela pilai long Mosbi.

Raihan • Man, Yu abrusim gen!
Dispela Nomads pilaia i abrusim bal
i go long golkipa bilong Pom United
long divisen tri.

Ol foto: IVAN BAYAGAU

• Antap: Pilaia bilong
Port Moresby United
i soim kain stail
bilong Mosbi soka.



WIKEN WOKIM GUTPELA SAMTING LONG YU

Wansolwara nius long hevi bilong Fiji

Oi ami makim Fiji Praim Minista

Fiji militer sief Komanda Frank Bainimarama i tokaut olsem Ratu Epeli Nailatikau em nupela Praim Minista bilong Fiji.

Fiji redio i tokat olsem Nailatikau em man bilong Adi Koila Mara husat em turism Minista insait long gavman we lain bilong George Speight i bin rausim ol long las mun. Meri ya tu em wanpela long ol 30 gavman memba na minista we lain bilong George Speight i kabusim ol insait long wanpela rum long palamen haus i stap.

Mara tu em pikinini meri bilong presiden Ratu Sir Kamisese Mara husat i bin risain long Mande taim ol ami i tokaut olsem ol igo pas nau na tokaut long masol lo.

Redio Fiji i tok bai ol ami i tokaut long nem bilong ol nupela interum gavman liklik taim bihan we ol dispela nem bai inogat wanpela i memba long wanpela politikel pati long Fiji.

Komanda bilong ami i tok tu olsem man husat i go pas long rausim gavman, George Speight bai wokabaut fri bihan long olgeta hevi bilong kantri i pinis.

Tasol long aste Komanda

Bainimarama i tokaut olsem eksen bilong George Speight i brukim lo. Tasol em i tok em bai strongim yet toktok bilong presiden bilong Fiji Ratu Sir Kamisese Mara long lusim Speight igo fri. Dispela em promis presiden i mekim na mipela i mas bihainim, em i tokim BBC Wol televisen. Dispela i min olsem Speight i ken wokbaut fri long palamen era tu.

Komanda Bainimarama i tok em i no lusim yet olpela Praim Mista Chaudhry tasol em i bilip bikman ya i stap gut.

Speight wantaim ol sampela sapota bilong em i go insait long haus palamen long Me 19 na hensapim Praim Minista wantaim ol minista na memba, mak olsem 30 olgeta na kalabusim ol insait long wanpela rum long palamen haus. Praim Minista Chaudhry em man India.

Presiden Ratu Sir Kamisese Mara i kam insait na i laik rausim Mista Chaudhry na ol palamen lida ya na larim ol Fiji i go pas long ol politiks lidasip bilong kantri. Tasol George Speight i tok nogat long dispela tingting

bilong Ratu Sir Kamisese Mara. Long dispela taim ol sapota bilong em i go insait long Suva biktaun bilong Fiji na sotgan i pairap i go kam we planti bagarap. Oi soldia i kam insait long Mande we Komanda Bainimarama i go pas nau long pawa bilong lukautim ol samting insait long kantri.

Bos bilong ami i tok Mista Speight i no askim long kisim wanpela sia long nupela palamen sapos em i rausim ol olpela palamen lain i go fri.

Speight i no putim wanpela strongpela askim i kam long mipela na mi tokim ol opisa bilong mi long i no ken kisim wanpela strongela o bikpela oda i kam long husat lain, Komanda Bainimarama i tok.

Mipela i kamapim amnesti (nogat sas) tasol mipela i no mekim dispela bilong wanpela man o lain. Mipela i mekim dispela bilong of Fiji, em i tok.

Ol ami i laik lukautim gut na mekim kantri i ron gut, em i tok.

Mipela i mekim dispela long stam pait na birua we inap namel long mipela yet, em i tok.



Fiji ami go pas long lukautim kantri

KANTRI Fiji i kirap long aste moning; Tunde Me 30 aninit long masol lo na militeri gavman.

Militeri Fos Komanda bilong Fiji ami, Komanda Frank Bainimarama i tokaut long Mande nait olsem ol ami i tekova long kantri nau, Redio Fiji i ripotim.

Militeri gavman i mas bringim bek gutpela sindau na olgeta samting i ken ron gut hariap tasol, Bainimarama i tok.

Ripot i tok tu olsem Komanda Bainimarama i tok presiden Ratu Sir Kamisese Mara tu i risain long wok bilong em olsem presiden. Ratu Sir Kamisese Mara i bin ronim kantri aninit long stet ov emejensi taim dispela hevi i kamap.

Ol ami wantaim sotgan nau i sanap long ol rot blok na sek poin na tekova long wok bilong plis fos.

Dispela eksen o muv bilong Fiji ami long kamapim militeri gavman i kamap 11-pela de bihan long Suva bisnisman Geroje Speight wantaim ol sapota bilong em na sampela solida wantaim ol sotgan i go insait long

haus palamen na rausim gavman bilong Mahendra Chaudhry.

Wanpela plisman i dai pinis long pait namel long ol sapota bilong Speight na televisen stesin bilong Fiji tu i bagarap taim ol lain ya i go na brukim.

Chaudhry wantaim sampela palamen memba i stap kalabus yet insait long wanpela rum long palamen haus long Suva, bihan long Speight wantaim ol sapota bilong em i holim ol na kalabusim ol.

Redio ripot i tok ol ami i laik kamapim kefiu insait long 48 aua tasol long aste moning, ol i larim kefiu long stat long 8 kilok apinun na pinis long 7 kilok moning long larim ol wok na bisnis long go het long de taim.

Hevi bilong rausim gavman i kamap bihan long ol asples o blut Fiji stret i tok i gat bikpela wari nau long ol Fiji manmeri stret na graun bilong ol. Dispela em bikos i gat ol miks blut o India Fiji i planti long hap na i go pas long planti samting na tu long gavman bilong kantri.



• Planti bagarap i bin kamap.

Australia tokaut long lusim han long Fiji

Australia Foren Minista Alexander Downer i tokaut olsem givim fridom o orait long George Speight long raun fri em i no stret olgeta. Dispela em lida man bilong ol teroris o trabel grup na em i mas kisim mekimsave bilong lo.

Mista Downer i tok Speight i bin holim sotgan na putim long het bilong Praim Minista bilong kantri we ol pipel i makim. Na em igo het na kalabusim ol memba bilong palamen we ol pipel i makim. Dispela em i brukim lo na bikpela trabel tru, Mista Downer i tok.

Em i tok ol trabel lain o lida bilong teroris grup olsem i noken tru kisim fri o tok orait long raun fri taim em i mekim bikpela trabel tru.

Mista Downer i tok Australia bai stamip ol helpim na sapot bilong ol wantaim Fiji. Dispela bai stamip samting olsem \$22 milien Australia dola helpim bilong ol long Fiji. Na dis-

pela tu inap stamip ol arapela wok bisnis na projek namel long tupela kantri tu wantaim.

Mista Downer i tokaut olsem Australia bai mekim dispela eksen sapos Fiji i no stretim hevi bilong em na bringim bek demokresi long kantri na bringim bek ilekted gavman bilong ol.

Mista Downer i tok pasin Fiji i mekim i ausait olgeta long demokresi na dispela i inap bagarapim poroman namel long ol kantri wantaim Fiji we ol i serim wanpela sistem bilong gavman.


Em i singaut tu long ol Australia manmeri husat i stap long Fiji long redim ol yet na sambai tasol long lusim Fiji sapos hevi i go bikpela.

Insait long dispela eksen tu bai Olimpik Tos Rilei i no inap go long Fiji na tu bai Fiji Ragbi Union tim bilong pilai insait long Wol Yunion salens bai i no inap gam nem tu long pilai.



• Antap: Ol pipel i laikim gutpela gavman.

• Antap tru: Ol ami tek over nau.



1 • Wapelala bilong ol biknem milena man insait long wol, Rupert Murdoch (raithan) wantaim namba tu pikinini man bilong em James Murdoch (lephan). James i wok long pusim bisnis bilong ol News Corps long go insait long ol Esia kantri wantaim televisen stesin ol i kolin Star TV.

2 • Oi memba bilong Green Peace i soim bikpela straik bilong ol egensim wapelala bikpela oil kampani, Stuart shale oil long bikpela kempen bilong ol long noken bagarapim bikpela rif long solwara ol i kolin Great Barrier Reef long Australia.

3 • Oi studen bilong Melbon Monash Yunivesiti i bin holim wapelala straik las yia long sampela we bilong stadi ol i save kisim we i ekstra long samting ol i laik skul stret long mekim. Piksa i soim ol studen bilong Ats Fekalti i sanap ausait long klas bilong ol long dispela taim bilong straik.

4 • Pasin bilong salim haus na ol propeti i gat kain kain rot. Hia em wapelala famili i laik salim haus bilong ol long oksen. I gat planti manmeri i laikim na i kamap bilong resis long baim dispela haus wantaim wanem kain rait prais ol i gat.

LAIPSTAIL

Kalsa na Kastom long nupela taim

YAKAM KELO i raitim

MAN husat i go pas long ol Fiji grup long rausim Gavman bilong ol, George Speight i tokim niusman bilong Australia 60 Minit olsem, yupela i nogat pasin tumbuna o tumbuna kastom. George Speight i laik tokaut olsem em wantaim ol lain bilong em long Fiji ol i papa long graun, ol i gat kastom na tumbuna pasin bilong lidasip i sanap long bosim na lukautim ol pipel bihainim pasin bilong ol yet.

Em i tok maski sapos i nogat demokretik sistem bilong Gavman we Palamen i save strongim long kantri i bihainim. Bikos dispela em sistem bilong waitman. Sapos i nogat demokretik sistem, ol pipel bilong Fiji bai i stap laip yet na lukim san yet.

Mista Speight i tok bikos ol i gat pasin o sistem bilong ol yet long bihainim long lukautim ol yet na stap laip.

Taim mi lukim dispela na harim toktok bilong tupela bikman ya, mi wok long skelim olsem Mista Speight i toktok wantaim strong na bilip long kalsa na tumbuna pasin bilong em we i strong bilong em na ol pipel bilong Fiji. Speight i ting maski i nogat balus i ron o, sip i no ron, ol Fiji i no inap lus o dai long wanpela samting.

Niusman bilong Australia i tok olsem tude olgeta kantri long wol i stap insait long moden wol o taim bilong ol bikpela na nupela senis

long pasin na laipstail.

Bikman ya i tok tru bikos tude olgeta manki bilong mipela i kamap i mas go long skul long kisim save long rit na rait na wok. Ol i mas save long mekem wok bai kaikai i kamap, mani i kamap na ol i ken baim wanem samting ol i laikim.

Speight i save long ol dispela samting tasol ating em i ting sapos Australia na ol arapela kantri insait long Komon Wol i no inap sapotim Fiji, ating arapela kantri ausait long Komon Wol bai helpim na sapotim ol. Tasol em i tok em i bilip i gat taim bai Australia i kam bek pren wantaim Fiji long bihainim taim.

Yumi save long wanem as na Speight wantaim ol lain bilong em i go hensapim ol palamen memba wantaim Praim Minista na rausim Gavman bilong Fiji.

Toktok bilong ol em, ol i no laikim ol India blut i ronim o go pas long Gavman long graun bilong Fiji. Ol i laikim Fiji blut stret i mas kamapim Gavman na ino ol miks blut nabaut.

Kalsa na kastom i olsem bun tru bilong yumi

Speight i tok strong olsem Fiji blut yet i lukautim Gavman bai ol i save long stretim hevi na wari na sindaun bilong ol pipel. Em i kantri bilong ol Fiji na olsem Fiji yet i mas go pas na i no ol hap kas o miks blut bilong India. Dispela toktok ol i mekem.



• Resis bilong kamap Mis PNG em wanpela pasin we i bungim pasin tumbuna na kalsa wan-taim nupela pasin long helpim komyuniti na ol pipel wantaim mani na wok.

Tasol Speight i gat bilip long kastom na kalsa bilong em we bai lukautim ol long go het yet long wanem kain senis i kamap. Sapos ol dispela senis em i bihainim ol pasin bilong ol waitman, ating em i no bilong Fiji. Bikos ol senis ya i no bilong ol. Ol igat lo na pasin bilong tumbuna wankain olsem yumi hia long Papua Niugini. Bikos ol i wan-solwara kantri insait long Melanesia kantri. Na yumi ol dispela Melanesian kantri i gat kastom na tumbuna pasin bilong yumi. Yumi i gat wanpela bikpela rot na em i rot bilong bung wantaim, kaikai wantaim, toktok wantaim na stretim hevi na kamapim wanbel. Yumi save kolin tude olsem pasin bilong ol Melanesian pipel.

Osem na yumi ken lukim olsem Fiji tu i gat wankain stail na pasin olsem mipela hia long PNG. Ol i save wokim gadan na planim kaikai na kukim long paia na kaikai. Ol i save sapim kanu na pul long solwara long pulim pis. Ol i save brukim kundu na garamut na singsing tumbuna. Ol i gat graun na asples olsem yumi i gat.

Osem na insait long ples bilong ol, ol i gat ol lidaman bilong go pas long mekem ol toktok long wanem kain wok na hevi ol i mas stretim. Na ol pipel i save harim tok na bihainim.

Lida i save go pas na pipel i bihainim

Ol lida i save kontrolim ples na pipel long stap gut wantaim na mekem wok wantaim. Taim i save gat kros na birua i kamap, ol lida i save go pas long toktok na bungim ol pipel wantaim na toktok i save kamap long stretim.

Dispela em pasin tru bilong ol tumbuna na yumi kamap na save bihainim bikos ol papamama i save soim yumi gen na yumi save long wanem rot na sistem bilong yumi. Tru olsem yumi nau i go long skul na kisim ol nupela pasin na sistem bilong waitman i kam long

senisim laip na sindaun bilong yumi. Long dispela yumi kolim moden wol. Ples bilong ol ka, balus, sip, kompyuta na ol bikpela bikpela masin bilong mekem wok na ol kain kain stail kolos bilong werim long bodi.

Ol papa bilong Papua Niugini long bipo taim ol i kamapim mama lo bilong kantri, ol i bin glasim na skelim olgeta liklik han na eria bilong pasin na laip bilong ol pipel bilong dispela kantri. Bihain ol i kamapim lo we inap sut stret long laip na sindaun bilong mipela. Ol i tok, olgeta pasin kastom na tumbuna pasin wantaim ol bus na graun, ples nogut na masalai bilong graun na wara tu em ol i tingim long banisim olgeta insait long mama lo bilong kantri. Osem na long dispela as, nogat wanpela samting i stap ausait na bai pilim olsem ol i nogat nem o luksave insait long mama lo bilong kantri tude. Tasol wok i stap long ol man i go pas long lukautim kantri tude. Ol iain bilong mekem disisen na mekem ol polisi. Ol i mas sanap tu insait long dispela banis bilong mama lo bilong yumi na mekem samting bihain. Bai olgeta manmeri na pikinini pilim olsem dispela samting we i kamap em bilong mipela.

I tru yumi tu i stap insait long moden wol. Osem na taim ol lida i laik muv insait long dispela moden wol wantaim ol kain kain senis na lo, ol i mas tingim yumi olgeta wantaim long sindaun na laip bilong yumi bai i go orait o nogat. Bai yumi kisim gutpela amamas o nogat. Bai olgeta pipel i klia long wanem samting yumi go long en o nogat.

Sampela nupela nupela lo i wok long kamap long stretim sampela lo we i olpela pinis. Ol lida bilong yumi i save tok ol dispela nupela lo i mas kamap bikos dispela i mas bihainim senis na laipstail bilong tude. Kain olsem, bipo ol pipel i no save mekem ol bikpela bikpela tra-

bel olse yusim sotgan long stil o kilim man. Tasol nau i kamap bikpela. Olsem na lo i mas senis tu long holim na traum daunim dispela kain raskol pasin. Tasol wanem kain senis long lo i kamap i mas kamap aninit long karamap bilong mama lo. Nogut yumi abrus na PNG yet i stat bruk bruk nabaut long ol yet bikos lo i no stretim sindaun bilong arapela

PNG i no inap bungim hevi olsem Fiji. Tasol nogut PNG i kamap olsem bruk bruk o hap hap kantri we ol foapela ryon i bruk long ol yet o wanpela provins i bruk long em yet.

Maski PNG i gat planti kalsa na tokples

Papua Niugini em i kantri wantaim planti tok ples na planti kain kain pasin tumbuna na kalsa bilong ol yet. Tumbuna pasin bilong ol Hailans i no wankain olsem ol Tolai o Papua. Ol Morobe tu ino wankain olsem ol Sepik o Kerema. Tasol yumi i save stap gut maski yumi i no wankain long pasin na wokabaut bilong narapela narapela. Osem na yumi i mas strongim gut dispela gutpela pasin bilong stap wantaim na amamas wantaim. Wanem samting tru i mekem yumi i sindaun gut na amamas wantaim em i nogat wanpela ansa tasol. I gat planti samting i ansa long dispela. Osem na yumi mas stap olsem yumi i stap, mekem samting olsem nau yumi mekem na ai na tingit bilong yumi i mas klia na gutpela. Bel bilong yumi tu i mas gutpela bai yumi i go het yet. Maski yumi stap long model wol, bai yumi go het yet.

Wantaim wanem kain save olsem waitman i kam skulim yumi na wantaim tu ol tumbuna pasin na kalsa bilong mipela, bai tupela wantaim i ken wok poroman long bringim kantri i go het yet insait long dispela moden wol



• Meri ya bilong Karurua ples klostu long Baimuru stesin i paitim na wasim saksak. Saksak em i wanpela asples kaikai bilong ol tu ya.

Mosbi em geit bilong Papua Niugini

MASTA WAI i raitim

MOSBI siti i wok long senis yet long rot, haus, sevis na moa developmen bikos em i olsem dua bilong go insait long olgeta provins bilong Papua Niugini. Ol politisen i tokaut pinis olsem Mosbi i mas kamap gut na naispela long ai bilong ol ovasis lain i kam long PNG bikos piksa bilong Mosbi bai pulim ai na interes bilong ol ovasis lain long go moa insait long lukim olgeta gutpela gutpela na naispela samting we i hait i stap insait long kantri bilong mipel.

Ol lida i save tok pait olsem hevi bilong lo na oda i mas go daun long Mosbi bikos ol ovasis turis i mas kam raun gut na go olgeta long Hailans, Madang, Sepik, Milen Be, Rabaul na olgeta provins.

Dispela olgeta toktok bilong ol lida i no popaia. Yu ken lukim Mosbi i wok long senis olgeta taim long sait bilong sevis na developmen. Ating Mosbi i stap klostu tu long bikpela haus palamen olsem na taim ol palamen memba i toktok, eksen i kamap hariap tru long stretim Mosbi.

Nesenel Kapitel Distrik Komisin (NCDC) i save putim bikpela mani long baset bilong em i go long stretim Mosbi siti. Long dispela yia, ol i brukim klostu K100 milien long rot, skul, helt na ol komyuniti sevis. Nesenel Gavman tu i sapotim yet.

Wanpela plesman i bin tokaut olsem mani bilong Papua Niugini i stap long Mosbi siti tasol. Em i mekim dispela toktok taim em i lukim ol bikpela bikpela haus i go antap long skai na bikpela rot bilong ka na olgeta arapela senis we i wok long kamap tude.

Dispela bikman ya i lukim Mosbi siti na aigris nogut tru long lukim ol kain kain samting. Man ya i skelim olsem olgeta samting bilong grisim manmeri na pulim tingting tu i stap long Mosbi. Olsem na long dispela as. planti manmeri i go long Mosbi ino save tingim long go bek long ples bilong ol hariap. Ol i laik stap liklik moa na pulap pastaim.

Bikman ya i no laikim ol lain bilong em long ples i skelim olsem em i aigris long Mosbi. Olsem na em i no laikim Wantok i raitim nem bilong em. baga ya i tokat olsem taim em i lukim olgeta bikpela longpela longpela tawa na haus long Waigani, Boroko na long Taun, em i ting Mosbi i olsem wanpela bikpela siti long Australia. Na taim em i lukim tupela ka i ron long wanpela sait rot na tupela i ron long narapela sait, em i ting dispela em bikpela developmen tru Mosbi kism.

Em i lukim olgeta kain kain haus kaikai na ol laki haus na planti bikpela hotel bilong dring na pilai laki na diskoples tu. Na em i tok dispela kain tasol na Mosbi em ples bilong pulim bel na kirapim bel.

Bikpela tingting bilong em olsem ating Gavman bilong Papua Niugini i putim olgeta mani bilong Papua Niugini i go long stretim na mekim Mosbi i kamap bikpela na naispela ples. Tasol em i pret tasol long stail na eksen bilong ol manmeri. Wanpela bikpela samting em i no laik em, ol bikhet na raskol pasin we i wok long kamap planti insait long Mosbi siti. Em i bin stap sotpela taim tasol na em i harim nius bilong planti trabel na raskol pasin i kamap. Long nait em i harim pairap bilong sotgan na em i save pret nogut tru na tingim meri pikinini bilong em long ples. Olsem na em i tokuat olsem ol man husat i nogut wok mani na raun mekim



• Developmen i kamap wantaim ol bilong na konstraksen insait long kantri. Hia em Poreporena haewe - we op long Mas 1998.

trabel na raskel pasin nabaut i mas daunim het bilong ol na go bek long ples bilong ol. Bikos Mosbi em ples bilong ol wokmanmeri na ol skul pikinini bilong ol tasol. Mosbi em i ples bilong mani tu. Bikos olgeta samting long stua em bikpela mani tasol, em i tok.

Dispela toktok bilong plesman ya i soim olsem tru ol manmeri long narapela provins i lukim Mosbi siti olsem wanpela bikpela siti we i narakain olgeta long sait bilong developmen. Senis na groa bilong Mosbi i siti i bikpela moa winim ol arapela taun olsem Lae, Hagen, Goroka na Rabaul.

Bikman ya i tok provins bilong em long Morobe i save kamapim planti mani long ol agrikalsamting olsem kopi, timba, salim kaikai long Lae maket na arapela liklik kes krop. Na tu het kota bilong ol long Lae i pulap tru long planti faktori na masin bilong wokim ol samting bilong salim long stua na ol bisnis nabaut. Lae na tu i gat bikpela wof o bris bilong sip we i save karim ol bikpela kago na saplai i kam long ovasis bilong salim i go long ol arapela provins na ol bisnis bilong ol. Na Lae i save pulim bikpela mani long takis. Tasol em i sori long lukim olsem siti bilong em long Lae i nogat kain developmen olsem Mosbi we rot bilong ol ka i ron i pulap long hul.

Lae i save kamapim planti mani wankain tu olsem arapela hailans provins we i gat ol maining long wel na gol. Ol i save kamapim planti mani tasol provins bilong ol i wok long develop isi isi tru na Mosbi i go hariap tru, ples man ya i tok.

Dispela kain tingting bilong em i tromoi askim i go bek long Gavman long pasin bilong em long skelim na tilim aut ol risoses na helpim bilong wanwan provins. Dispela em long lukim olsem olgeta provins i bihainim wanpela step tasol long sait bilong developmen

save kisim balus i go long Mosbi long kisim. Taim ol i gat hevi long tok bilong graun, wok bisnis o kot samting, ol i save go long Mosbi bikos het kota na olgeta fail i stap long Mosbi. Het kota i stap long Mosbi bikos bikpela haus bilong wokim disiser, Haus Palamen tu i stap long Mosbi we olgeta memba i stap. Olsem na dispela i save pulim ol manmeri i go long Mosbi tasol.

Tasol luksave i stap olsem insait long ol bikpela taun na siti, hevi bilong em tu i bikpela. Pasin stil na raskel i bikpela. Ka i save bam long rot, ol man i spak na pait, man i lusim meri pikinini na maritim nupela meri, pasin pamuk, sik AIDS, nogat gutpela haus bilong slip, nogat kaikai na planti moa hevi olsem i save stap bikpela long ol bikpela siti. Setelmen i groa kamap bikpela. Na Mosbi siti i gat o dispela kain hevi i pulap i stap.

Ol dispela samting i kamap bikos long developmen we i pulim ol manmeri. Wanwan i painim gutpela sindaun na planti i save abrus na sotwin. Na bikos balus tiket i save kos bikpela mani tumas, ol i stap olgeta long Mosbi na mekim nating i stap.


Ol lida bilong mipela i save long ol dispela hevi. Na ol i gat wok long stretim wantaim gutpela tingting na toktok bilong ol yet long floa bilong haus palamen. Gutpela long siti i groa tasol mipela i mas redi tu long karim hevi bilong em. Na mipela i mas save long wanem eksen bai mipela i mekim taim hevi i kamap bikos long bikpela developmen na senis long siti. Planti bai kisim ol dispela sevis o senis tasol wanwan bai i no inap kisim. Na ol bai kamapim hevi. Taim Gavman i apim takis i go antap tu, ol wokmanmeri tu i save pilim hevi na kamapim hevi.

CLEAN & GREEN
Competition

Categories include:

- BEST KEPT VILLAGE
- BEST KEPT SETTLEMENT/WARD
- BEST KEPT HIGH SCHOOL
- BEST KEPT COMMUNITY SCHOOL
- BEST KEPT STREET FRONT HIGH CAVENANT
- BEST KEPT STREET FRONT LOW CAVENANT
- BEST KEPT BUSINESS PREMISES

• Klinim na Grinim Mosbi kempen ... Long lephan i go long rait em Bill Skate, Tan Ang Meng bilong SP Brewery na Bob Jones bilong ANZ beng, husait i sapotim Nesenel Kapitel Distrik long kempen bilong klinim Mosbi.



Ol tumbuna bilong Koseto go sindaun long Haguvi

(2x)

Hadosebo khailenaga kaebo
(2x)

Damalo'aelo haio fulna fulna
haio

Hadesobo khailenaga kaebo
(2x)

Dispela sori singsing i minim na baihainim ol lain i go long Koseto na olgeta i kisim bagarap long krai wantaim i go nabaut long wanem hap ol i laik go long en. Ol lain tumbuna i stap long Koseto em ol foapela tumbuna olgeta na ol i gat wanpela yangpela boi tasol. Nem bilong foapela tumbuna em long Fanikave, Nanumepa, Aiyonu na Damaluse na wanpela yangpela boi em Dote Kensi.

Ol i gat wanpela tingting olsem ol i laik lusim dipela hap na go long ples Haguvi'ae. Dispela em long hap bilong Kogoraip eria long Lufa distrik

Kamanae, kamanae, kamanae

Ve kamata, vei kamanae, lona hagai hagai, kamanae

Kamane, kamanae ukunupi, kamanae kamanae (2x)

Ukunupi kumanae, kamanae

Eyae, eyae eyaviyo eyae

Eyae, eyae eyaviyo eyae

yet.

Tasol dispela yangpela boi Dote em bin hait na prenim wanpela meri i stap na ol tumbuna lain i no save. Dispela meri em i bilong Ukuupi viles.

Wanpela moning ol dispela tumbuna lain i redi long lusim

Koseto, tasol bikpela sori na wari i bin kisim dispela boi nogut bikos em les long lusim

gelpren bilong em.

Trangu ol i kirap na go wantaim na boi i sori na singim wanpela sori singsing olsem:

Kamanae, kamanae, kamanae ukunupi, kamanae, kamanae

Ve kamata, vei kamanae, lona hagai hagai, kamanae

Kamane, kamanae ukunupi, kamanae kamanae (2x)

Ukunupi kumanae, kamanae

Eyae, eyae eyaviyo eyae

Eyae, eyae eyaviyo eyae

yet.

Eyae, eyae eyaviyo eyae

Eyae, eyae eyaviyo eyae

Eyaviyo eyae eyae

Trangau dispela yangpela

boi i tingim gelpren bilong em

na sori i kisim em wansait

olsem na em singsing sori wan-

taim na lusim ples Koseta wan-

taim olgeta lain. Na ol i go long

nupela ples ol i kirim go long

Haguvi'ae.

Tasol long Koseto ol bin

lusim wanpela tumbuna bilong

lukautim tumbuna graun em

Damaluse.

Na ol arapela lapun wantaim

dispela yangpela boi i go na

kamap long Maunten Haguvi-

na ol i stap long en.

Avex Bega

Evigo Express

3 Kona, P.O. Box 123,

Goroka.



BIPOL long tumbuna taim sampela lain i bin stap long wanpela sap ston ol i kirim long Uyabu. Dispela em long hap bilong Kam insait long Lufa Distrik Ol i save kamap long ples ya baihainim welpam ples i go olsem long Hogogusa na Oliguti. Ol pipel i amamas na i stat.

Wanpela taim ol i mumuim planti banana, taro na yam na ol arapela kaikai moa. Ol i pulumapim sampela plet na i go putim long haus na slip.

Long biknait sampela tewel man i bin go long haus na pinisim olgeta kaikai. Bihain ol i kaikai pinis, ol i pulumapim ol ston i go long of plet na ol i go. Dispela ston long tokples Lufa ol i kirim long Sauta. Long biknait sampela lain i pilim hangre na kirap kisim kaikai long plet na i laik kaikai tasol trangu ol i popaia bikos ol i daunim ston na ol krai i go inap tulait i bruk.

Nau ol i tingting long lusim dispela hap na go painim nara-pela hap ken long stap long en. Sampela i baihainim rot i go long Lufa stesen na go i stap long Haero na sampela i strong long baihainim rot i go long Kogoraipa na go i stap long Koseto.

Tasol long dispela hap ples Hogogusa, ol bin lusim wanpela lapun man na meri bilong lukautim tumbuna graun. Nem bilong tupela lapun ya em Komane na Damaro. Dispela tupela lapun manmeri lukluk baihainim ol na singim wanpela sori singsing olsem:

Biguasebo khailenaga kaebo (2x)

Koseto'ae lo haio yasia yasi-a haio

Biguasebo khailenaga kaebo



Nem: Priscilla Allan

Krismas: 13 (meri)

Adres: Primary School, P.O. Box 221, Biola, WNBP.

Save laikim: Pop musik, go lotu, ol pilai spot olsem soka, volibal na netbal, stori wantaim poro meri, lukim TV, waswas long wara, go raun long taun, go piknik o pati na laik go long narapela kantri.

Nem: Philip Narina

Krismas: 23 (man)

Adres: Gluwato Lutheran Renewal Church, Usirampia, Marawaka District, C/o - MAF, P.O. Box 1080, Goroka, EHP.

Save laikim: Go long lotu felosip olgeta nait, wok gaden, pilai spot olsem volibal na basket-bal na painim wanpela patna.

Nem: Moru Mosah

Krismas: 18 (man)

Adres: Ame Lion School, Brafo-iaw, P.O. Box 39, Cape Coast C/R.

Save laikim: Mekim pren na ritim ol buk.

Nem: Christopher Tami

Krismas: 18 (man)

Adres: Nili No: 1 Village, P.O. Box 260, Maprik, ESP.

Save laikim: Go long lotu, pilar musik, wok olsem stukipa na rait long ol meri pren.

Nem: Dicksón Danny

Krismas: 16 (man)

Adres: Blachiv Village, Lowan; C/o - EBC bai P.O. Box 144, Wewak, ESP.

Save laikim: Harim musik, pilai soka na raitim pas long pen pren.

Nem: Bernard Johnson

Krismas: 25 (man)

Adres: P.O. Box 446, Agona Swedru - Ghana.

Save laikim: Harim musik na pilai vidio gem, laikim ol manmeri husat gat stretpela tingting.

Nem: Joseph Kwakye

Krismas: 24 (meri)

Adres: P.O. Box 546 Winneba - Ghana.

Save laikim: Pilai vidio gem na harim musik, laikim ol manmeri husat gat stretpela tingting.

Nem: Ringo Woram

Krismas: 17 (man)

Adres: C/o - P.O. Box 116, Kiunga, Western Province.

Save laikim: Go long lotu, harim na pilaim musik, mekim pren na llainim ol pasin tum-buna.

Nem: Jackson Lemsy

Krismas: 16 (man)

Adres: Hargy Oil Palms, P.O. Box 218, Biola, WNBP.

Save laikim: Go lotu, harim gospol musik na save raun wantaim ol poroman na serim ol samting.

Nem: Freedom Rims

Krismas: 20 (man)

Adres: P.O. Box 5722, Boroko, NCD.

Save laikim: Go long lotu, ritim Baibel na harim tok bilong God na painim kristen meri long PNG yet na pren.

Nem: Pascal Wulai

Krismas: 26 (man)

Adres: C/o - Krakembak Pit, P.O. Box 1256, Vunapope, Kokopo, ENBP, Papua New Guinea.

Save laikim: Pilai soka, lukim TV, go lotu, tok pilai wantaim ol manki, raitim pas long ol pen pren man o meri.

Nem: Richiton A. Entofise

Krismas: 22 (man)

Adres: P.O. Box 1640, Lae, MP.

Save laikim: Watchim muvi, pilai soka, volibal, wokim pren na amamas tasol long bekim olge-ta pas.



Dia Laiplain

Mi na man bilong mi i amamas na stap gut long marit bilong mitupela. Mipela i gat wanpela pikanini. Tasol mi wari bikos olpela boipren bilong mi i laik bagarapim marit bilong mi.

Insaat long laspela sikspela mun, man ya i wok long painim rot long lukim mi na em i save ring planti taim long traum lukim mi. Mi tokim em olsem mi no laik lukim em. Na i kam inap nau, mi abrusim em.

Tasol mi pret nogut em i tokim man bilong mi long prenpasin bilong mipela bipo na em (man bilong mi) bai krosim mi.

Bai mi mekim wanem long stapim man ya i wok long suvirm em yet long lukim mi, mekim kros man bilong mi na i laik bagarapim marit bilong mitupela?

Mi wari bikos olpela boipren i wok laik bagarapim marit bilong mi

Dia Pren

Bel bilong yu i mas hat tru ya long lukim olsem olpela boipren i laik kisim yu bek taim marit bilong yu i go gut tasol na yu stat amamas.

Kain pasin em (olpela boipren) i wokim em i rabis pasin na i no gutpela long laik kamapim trabel long bagarapim gutpela sindaun bilong yu. Mipela i hop olsem yu bai toktok strong long em bilong lusim yu na yu go hetim gut laip bilong yu wantaim famili bilong yu.

Mipela i luksave olsem dispela hevi we yu pret long en i ken kamap sapos man ya i tokim man bilong yu. I luk olsem yu no laik bai tupela man ya i bung, na yu yet tu i no laik bungim man ya.

Sapos em i laik toktok gen long yu, yu mas tokim em stret olsem yu no laik lukim em. Na yu mas putim daun telipon hariap.

Sapos em i strong yet na em i salim pas o ringim yu long taim bilong wok, inap yu tokim em olsem yu gat ligel rait long kisim plis na kot eksen egens long en?

Yu gat bikpela brata, ankel o hauslain husat i save lukluk gut long yu na stap bilong yu? Em inap long toktok long dispela man na tokim em long lusim yu?

Tru yu no laik tokim man bilong yu long laip na samting yu bin wokim pastaim bipo

yutupela i marit tasol yu tingting tu long tokim em ol samting liklik? Dispela em long ol boipren yu bin gat bipo yutupela i marit.

Bikos long ol kain hevi ya i save kamap na planti yangpela husat i wokim prensip i save serim ol samting olsem ol prensip we ol bin gat pastaim ol i bungim wanpela arapela yet.

Taim yutupela i marit, yu bin mas save olsem wanem samting yupela i wokim bipo em yupela i bin fri long wokim bikos yupela i no bungim wanpela arapela yet.


Yu tok olsem yu stat amamas long marit bilong yu nau. Na sapos man bilong yu em i gutpela man, em i luksave long yu na em i mekim gut long yu, mipela i hop olsem em bai harim yu taim yu tokim em ol dispela samting.

Tokim em olsem yu lus tingting na yu no bisi long ol boipren we yu bin gat bipo long en.

Na tingting na laik bilong yu nau em long lukautim na lavim em na bebi bilong yu tasol. Pasin bilong serim ol dispela kain samting bai strongim marit bilong yu?

Taim man bilong yu i save long laip na ol samting i bin kamap long yu bipo yutupela i bung na marit, na tu ol waru yu gat nau, olpela boipren bilong yu bai i no inap long blek melim em long bungim em.

Laiplain



KANAGE



Kanage kirap tasol na i tok, maski du o dai mi mas mekim kamap rabis plen bilong mi na sapos di kotim mi, mi ken igo kalabus. Bai mi wari long wanem samting. Olgeta samting long dispela graun mi long mekim pinis tasol wanelpa tasol em nogat olsem na maski du o dai mi mas mekim nau. Orait Kanage wokabaut igo kamap long haus bilong yangpela meri di save silip long en. Taim em i go insait long haus, em ino holim ol bikpela meri nogat, em makim stret liklik susa bilong ol krismas bilong em olsem 14-15 yia.

Kanage i ngo sindaun long baksait long liklik meri na putim traipela pekpek bilong Kanage na em tekor long haus bilong em.

Neks moning na tulait na taim liklik meri ya em laik kirap stret, em krugutim pekpek bilong Kanage na smel nogut kirap na bagarapim olgeta rum. Ol bikpela susa kirap na painimaut pekpek stap long bet bilong liklik susa na smel. Olsem na ol i krosim em na em krai. Toktok igo bikpela long ples na Kanage tu em harim.

Orait Kanage igo long haus bilong ol yangpela meri ya tokim ol, dispela em liklik meri ya, sapos em mekim wanem samting yupela ino ken krosim em, yu mas stretim em. Kanage giaman krosim ol bikpela susa olsem tasol, samting tru em igat laik long maritim dispela liklik meri ya. Taim Kanage toktok yet, em igo insait long haus kisim pekpek bilong em yet wantaim bet bilong liklik meri ya i go wasim long wara na karim ikam hangampin long lain. Yupela save, dispela em bikpela wok Kanage i mekim long komuniti. Olsem na olgeta lain mama papa na ol kandre na brata susa bilong liklik meri painim hat long bekim. Olsem na olgeta ol i pasim tok long Kanage maritim liklik meri. Taim Kanage harim tok win, baga man ya kisim filings stret na tingting tasol na tok ating rabis plen bai i gat kaikai. I stret kanage maritim liklik meri ya.

**Vincent Oreia
Pot Mosbi**

Kanage em bilong Bundi. Kanage em manki bilong ples ya yu save. Wanelpa taim tupela poro bilong Kanage i kuk long traipela san belo. Tupela lukim poro bilong tupela Kanage i kam na tupela tokim Kanage long joinim tupela kaikai i kuk pinis na poro bilong Kanage wok long serim kaikai. Em serim kaikai pinis na askim Kanage long beten bai ol i kaikai. Kanage tu ya em no laik tokim poro bilong em olsem em ino save long prea. Kaikai tu ya smel nais long nus bilong kanage, baga ya ino westim taim em kirap na prea olsem papa blesim dispela kaikai bai mipela kaikai na beltait. Taim kanage kolum dispela hap tok belait tupela poro bilong kanage lap indai stret. Taim tupela poro bilong kanage lap yet, Kanage kirap na tok si-i-yumi no tok

amen yet. Tasol tupela poro bilong kanage ino harim em, tupela kilim skin stret long lap. Baga nogut ya kanage ino pinisim beten bilong em yet, em kirap tasol, katim nating long namel na tok amen.

**Imms JKS Waks
Madang**

Kanage em manki long Wewak na pikinini

bilong em wanelpa top man. Pikinini bilong em, em i gat rekot long kalap long Hawain bris igo daun long wesan bilong wara tasol tingira em ino indai em strongpela banis ya. Wanelpa taim mama bilong em salim em igo long skul long Hawain. Em wokim gret 2 na wanelpa taim tisa tokim em long spelim wanpela word long blakbod. Na yu save boi kirap tokim tisa olsem yu save na yu raitim yu tok pastaim bai mi bihainim. Man tisa ya lusim ol samting na pundaun long graun na lap indai istap na boi kirap na tokim tisa meri olsem ating i klips (eclipse) i laik kamap o? Man olgeta sumatin tekov wantaim na holim bel nabout.

**Panasik
Wewak**

Junia Kanage em bilong Wizua em wanelpa ples nogut bilong kainkain toktok, tok pilai na yu save ples ya! bubu em igat kainkain eksen bilong en!

Wanelpa taim em sindaun long rot na tok pilai wantaim ol boi i stap. Em singaut heei... kainkain tok istap. Na yu save liklik boi bilong em kukim long BMX bike ikam em ino save olsem bike i nogat brek boi kukim tasol ikam olgeta givim spes long em. Em igo olgeta slip igo long nil moli bruk nambaut. Rekim igo hetwin long hulumba wara boi ino krai em kirap na singsing olsem "ayo kaspar why yu bagarapim mi ya..."

**Bivabel Bandi
Wewak**

Wanelpa taim nau Mista Kanage wantaim haus kuk manki masta. Tupela laik waswas long wara Wiwi na wokabaut igo long rot na lukluk i kam bek ya mama o meri bilong Mista Kanage i karim bikpela diwai waluma na putim long het bilong Kanage. Haus kuk manki mista Wini Yako i holim long han bilong en na tokim meri ya, olsem wanem yu gat amas strong ya paitim Mista Kanage. Na meri ya bekim tok bilong haus kuk manki. Na tok Kanage yutupela ino tok save long mi na i laik go long haus bilong pren meri. Na mi bihain yutupela i kam. Meri tok olsem nau kuk manki lusim han bilong meri ya man Kanage paitim meri na brukim klos na sanap neket long wara Wiwi. Na haus kuk manki ronawe i kam long ples na tok save raun long ol manmeri olsem Kanage paitim meri bilong em na sanapim neket ya. Abrus na itok neketip. Kuk manki tok olsem na ol manmeri i lap nogut tru.

**Jakcy L. Tungu
Kauwollage**

Kanage em i wanelpa yangpela man long ples insait long Maprik distrik. Wanelpa taim Kanage toktok wantaim wanelpa yangpela meri long marit na tupela i marit na mama bilong meri bilong Kanage i les long pikinini meri bilong em i maritim. Olsem na tambu meri bilong

Kanage i go krosim Kanage long banis bilong em. Na mama bilong Kanage i kirap na i go ripot long pis opisa na ol i toktok na Kanage i kirap na krai wantaim na em i tok olsem. Sapos yupela stopim mi long maritim em bai mi kilim mi yet. Em i krai olsem man idai na ol i save krai taim. Ol manmeri i lukim Kanage i krai long meri ya. Ol manmeri lap nogut tru.

**Peter John
Maprik**

Kanage i go salim kopra. Em wantaim nambawan pikinini bilong em. Tupela i go salim kopra pinis na tupela i go long Ela Motos long lainim longlong Kanage long hau long statim moto na ronim. Orait longlong Kanage i no klia yet long wanem samting bos i wok long toktok long em olsem na em wok long askim. Bos na pikinini long em i kam na tok. Taim yu laik statim yu mas putim gai long neutral na yu statim, man papa Kanage kirap tasol na rausim pikinini bilong em na tok klia i go, taim mipela ol bikman i toktok maski long kam distep nabaut kirap na klia nau. Orait bos i tokim

Kanage long bringim tupela i go daun long nambis. Orait Kanage yet em ekting bikos long fran wantaim bos na san bilong em i sindaun baksait kebin na ol i laik i go long ap rot na bos i spik Inglis long papa Kanage na paps Kanage em painim rot tru long bekim, bikos em i no save tu long tokples bilong ol waitman. Kanage isi tasol tanim i go long baksait na askim pikinini bilong em, bikman ya i tok wanem. Orait ol ron i go na waitman Inglis gen long Kanage, man Kanage i sotwin na tuhat i ron long pes bilong em na tanim isi isi gen i go long beksait na askim. San, man ya wok long tok wanem? Pikinini kirap tokim em, maski lukluk i kam baksait, lukluk long fran na harim man ya i stori. Kanage i sindaun olsem wanelpa ap diwai inap ol i go kamap long nambis. Bos lusim tupela na go bek. Orait Kanage wantaim pikinini bilong em kirap na pusim moto i go liklik long nambis. Pikinini kirap tokim paps Kanage pusim liklik i go long dip na statim. Kanage kirap bikmaus long pikinini bilong em na tok. Bos i tokim yu o em tokim mi orait pikinini em pasim maus tasol na i go sindaun long as bilong Talis i stap na lukluk long paps bilong em i stap. Orait paps Kanage pusim bot liklik tasol long ples we solwara save kam bruk long em na em i pinisim olgeta spit bilong bot ya na tu em kirap na putim long gia, olsem na em kirap putim wanelpa lek bilong em antap long bot na wanelpa lek bilong em long nambis. Pikinini em sindaun gut tru long as bilong talis na lukluk i stap. Taim paps Kanage i statim bot. Bot i sigirapim wesan na sakim paps Kanage na em i sot win i go insait long solwara na laplap bilong em karamapim het bilong em. Na trangu na tupela rap buai wantaim wanelpa longpela daka ya. Suriksuruk nabaut olsem kisim danam em painim ples long hait.

**Samuel J. Vuaina
Kimbe**

Kanage bin lukim Madang taim em manki yet, tasol nau em marit na i gat foapela pikinini na em laik go lukluk raua tasol olsem lokol turis. Samting tru Kanage em bilong Goroka na em plesman long Mapemo riva. Em kalap long wanelpa 15 sita bus na em go na long 3 kilok stret

bas kamap long Madang na long dispela taim tu Kanage i biri sib long bas. Pespela stap bas mekim stret long Tusbab ha skuna taim wanpela pasindia a k alap go daun na gat Kanage guria na kirap na sem taim em kirap na tok olsem. "Oh Madang, mi senis pinis na yu no senis yet. pasin bilong bipo yu holim yet wanem taim bai yu senis? Kain pasin bilong hangamp.

hangamp na ating yumi noken kolum yu biutiful Madang tasol yumi mas kolum "Hangamp" insait long krismas 2000 na go olsem. Taim ol pasindia i harim dispela tok, man ol kil stret long lap na wanpela meri Apo sindaun klostu long em, askim Kanage, yu tok long wanem samting? Na Kanage bekim na tok, mi tok tasol long ol blak bokis, i no nau ol hangamp na singaut singaut stap, ol mas raun tu long Goroka na kisim sampela kolwin na kaikai sampela gutpela kumu na kaikai bilong Goroka na kam bek.

**Bob Holoso Mapemo
Goroka**

Kanage em i wanelpa man Madang na em i marit long Morobe. Wanpela taim em wantaim pikinini bilong en ol i laik go long Lae na ol i go long sip. Taim ol i ron long sip, solwara i bagarap nogut tru. Na Kanage i pret na holim pasin ol meri pikinini na beten na i tok, O papa, yu helpim mipela na mipela i noken lus long solwara. Sapos yu helpim mipela na mipela i go kamap gut long hap, bai mi wokim bikpela kaikai bilong yu. Taim Kanage i tok olsem, meri bilong en i kirap nogut na em i tok. Kanage mani bilong yu i start we bai yu wokim kaikai? Na Kanage i tok, s-s-sh em mi tok tasol.

**Taing Taweng
Finsafen**

Yangpela pikinini meri bilong Kanage i laik go long danis tasol em i no save long danis olsem na em askim Misis Kanage long lainim em long danis. Orait Misis i laikim em pinis na em askim papa Kanage long kisim em i go long danis. Long rot pikinini askim papa sapos em gat laik long wanpela man, hau bai em askim em long Inglis. Papa kirap na tokim em long tok Inglis "I lav yu." Long danis ples pikinini i danis wantaim wanelpa waitman na taim tupela i senis em kirap na tokim waitman olsem "I lav yu" na waitman i tok, Well I lav yu too, meri bekim na tok I lav yu three, man waitman i paul olgeta na i askim "What for" na pikinini meri i tok "Oh five six." Kanage sem pipia na lusim danis ples na i go hat inap tulait.

**Fred Moro
Aitape**

Smol Kanage em bilong Wabeg na wanelpa apinun em wantaim kasen bilong em wok long pilai holim as. Na kasen bilong em winim em na holim as bilong em wansait stret, na smol Kanage i tok, "Mi no bisi, taim bilong kaikai long nait, bai mi lukim yu." Na mama bilong smol Kanage singaut long ol long go kaikai. Kasen bilong smol Kanage em go pas pinis na kisim kona long haus we tudak na sindaun na kaikai i stap. Smol Kanage kam antap long haus na lukim lapun papa bilong em sindaun taitim bun long kaikai stap. Na smol Kanage ting olsem kasen bilong em na isi tri hait long taunam kam na holim as bilong papa bilong em na tok.

"Yu kisim? Yu wokim wanem long apin?" Na wan tu mama bilong smol Kanage kirap na tok "Ana nadi Kanage nau yu wokim olsem long papa bilong yu." Smol Kanage pret na ronawe i go na no kam long haus wan wuk Kasen bilong em i lap nogut tru long smol Kanage

**Benz Hem
Angoram**

Kanage em bilong Bogia, tasol em i go raun long Karkar Ailan na stap long hap. Wanpela taim em kam raun long nambis klostu long Waglon plentesen. Em nau tupela waitman, man na, meri kam kamap long em. Tupela, em ol lain bilong tanim ol tokples. Ol i tok, "apinun tru papa. Yu bilong we?" Kanage kirap na tok, "Mi bilong hia tasol strongpela manki long bik ples." Na ol i askim em, "inap yu kolum nem bilong ol sampela samting long tokples Karkar?" Na Kanage em tok Okay. Em nau Kanage kisim buai, daka, na kambang na em tok. "Buai long tokples em jeb, kambang long tokples em kau, daka long tokples em ful, tasol long Inglis mi no save, ol sampela man save kolum olsem dakes." Man Kanage tokin waitman olsem na waitman em paul tru long harim. Taim waitman i kisim diksineri buk bilong em long painim dispela hap tok 'dakses.' Das manki, Kanage em lus wantaim bodi. Waitman tanim long lukim paps Kanage em i no stap moa wantaim tupela. Em nau waitman em tok, "tru, tru, tru em i no asples man, em strongpela manki long bikples olsem na em lus wantaim bodi.

**John Dee Wavanda
Bogia**

Kanage bilong Chimbu, Icng hap bilong Kerowagi. Em save wok long 8 Mail Pukpuk fam, na save wok olsem wanelpa supa vaise. Wanpela taim em wok i go na em tokim ol boi bilong em "Mi laik ringim susa bilong mi long Australia. Em lukim taim olsem 11 kilok, em tekow long opis. Taim em go insait long opis em tokim waitman. "Bos mi laik ringim susa bilong mi long Australia. Waitman ya tokim em. "Yu ken ringim em." Kanage wokabaut i go long ples ol telipon na pawa kalkuleta i stap. Kanage i no weit liklik, em i no lukluk, em kisim telipon na stat long paitim namba long kalkuleta nau em traum putim yau. Telipon i no ring em sanap i go ating 20 minits samting em ring gen, nogat olgeta sem namba em paitim antap long kalkuleta, namba i stop sem taim wanelpa wokman i kam insait na askim Kanage. "Olsem wanem, inap mi helpim yu?" Kanage tokim em. "Mi ring i go na telipon i no ring." Wokman ya i tokim em, "Lukim yu holim telipon na yu wok long paitim kalkuleta, olgeta namba pinis nating. Kanage sem nogut tru na em lusim opis na wokabaut i go long ol bois na ol askim. "Bos, yu ring pinis?" Kanage trikem ol bois. "Mi ring pinis. Susa ya toktok wantaim mi." Samting tru em Kanage sem nogut tru na raun i stap.

**Samuel Malasan Aloyse
Lae**

Kanage em bilong Aitape. Wanpela taim na baga i go antap long Rabu long haus sik long kisim marasin. Poro ya i kisim taim nogut tru long sik na sindaun sori i stap. Na i no long taim wanelpa nes meri i kam na

• **I go moa long pes 26**

KANAGE



I kam long pes 25

askim em. Papa yu bilong we na em i bekim olsem mi bilong we. Na em i askim gen. Na poro ya bekim wankain tasol. Na trangu nes meri ya i paul olgeta na kirap tokim poro Kanage olsem yu stupit lapun. Poro ya tanim na bekim em olsem, lapun mama, lapun papa kirap bai yu sanap tu o nogat? Trangu nes harim na sem pipia na lus isi tasol.

**Kanage Prendo
Aitape**

Kanage em bilong Simbu. Em wantaim poro bilong em Kura tupela i save raun wantaim, slip wantaim na kaikai wantaim. Wanpela taim ol meri salim tok long karim lek na Kanage wantaim poro bilong em Kura tupela go waswas na bilas kanaka na redi i stap. Kanage pilim pekpek na em i go rausim tanget apim i go antap na pekpek. Man ol meri i stap long apsait maunten na lukim Kanage wantaim bilas bilong em na ol i singaut na tok aia. Man Kanage lukim ol na em i sem pipia streng wantu em i kam long haus na tokim poro bilong em olsem, bilas bilong yu i kam

na mi bilas na bilong mi bai yu bilas na Kura kirap rausim na givim long kanage. Na ol meri i no pikim Kura ol i tingim bilas bilong Kanage pinis. Turangu Kura ino karim lek bikos Kanage bagarapim Kura stret long bilas. **Womkama
Simbu**

Kanage em bilong Simbu provins. Gembogl distrik. Wanpela taim Kanage wokabaut long maunten na lukim ol meri i laik waswas long wara Simbu na ol i kam daun long maunten.

Kwik taim bos Kanage kirap na kukim i kam daun na blokim rot na em i katim bus na wokim nupela rot hariap tru na em i weit i stap. Nau ol meri i kam na Kanage kirap tokim ol olsem, aste nait ol mangi stilim kopi long gaden olsem na mipela pasim rot ya na mi wokim nupela rot istap. Yupela i kam long nupela rot na igo.

Nau ol meri i kam i go pinis na wanpela meri kamin bihan tru bos Kanage kirap na tok olsem long em, olgeta meri i kam na baim mi na ol i go yu kam na kaikai pastaim na yu go. Trangu meri ya i nogat mani olsem na em tromoi lek long namel bilong Kanage olsem em kikim ragbi bal. Kanage pundaun airaun i stap na baga tekov igo.

**Kugi Indau
Simbu**

Kanage em i man Simbu bilong Gembogl. Wanpela taim em wantaim poro bilong em

Kura, tupela laik karim lek long haus meri na tupela i go kamap long wanpela wara i tait tumas na Kura i tokim kanage, wara i tait tumas rausim taget na malo bilong yu i kam mi bai kisim i go pas na putim long hapsait long ston bihan yu kam na kisim.

Na Kura em i swim i go long hapsait pinis na em i kisim taget bilong Kanage na tekov i go long haus meri pinis.

Na em i tok olsem long ol meri, mi save go long em ol sanguma i save bihanin mi tumas. Nau mi kam long em ol bai i kam kilim mi ya.

Olsem na pasim dua na kukim taro. Kanage i kam painim taget go nogat.

Em i ting Kura bai weit long hapsait na Kanage em i siksti tru i kam tasol Kura em i kam stap long haus meri.

Kanage i harim Kura toktok i stap nau Kanage i kam isi isi na tok Kura.

Na Kura harim na em tokim wanpela meri i kam harim long blain na Kura kirap na tokim ol, sanguma i kam long kilim mi ya. Laitim bombom. Nau ol meri i singaut na laitim bombom i go outsaits.

Na turangu Kanage i bin kalap long salat gaden na salat i kukim em long pes i kam daun long liklik Kanage ya.

Sore tru liklik Kanage na bikpela Kanage tu i bagarap tru wantaim na tupela slip long Gembogl hausik olsem wan mun olgeta.

Man, Kura bagarapim Kanage strel.

**Kugi Indau Womatne
Simbu**

Kanage i go raun long taun na putim ai long ol meri i stap na i no long taim wanpela meri Sepik i kam bungim em.

Na tupela i raun i stap. Olgeta kona long taun i pinis nating. Tupela i laik bruk nau, Kanage i askim meri ya, "Yu bilong wanem hap stret ya?" Na meri ya kirap na tok, "Mi bilong Saut Pasifik.

Na yu? Na Kanage kirap na tok, "Mi bilong Guam ya, ples bilong ol waitman.

"Samting tru em meri ya em Sepik ya na brata Kanage ya em bilong Buang.

**Anuaya Jembok
Lae**

Kanage em bilong ples Sumo, Aitape Sandau provins. Em i wanpela top hanta.

Wanpela taim em i karim bunara, spia na em i go raun long bus.

Em i go long ples i gat maunten na em sindaun stap.

Em i sindaun stap i go inap samting olsem 7 kilok. Em nau lapun Kanage i pilim nus bilong em i kol na em stat long rolim brus.

Na em werim sotpela spotwe na em i sindaun i stap.

Baga ya i kilim skin long ronim brus na em i sindaun long rot bilong rat bai i kam na go daun long tambo.

I no long taim wanpela rat i ron i go stret long trausis bilong lapun Kanage.

Man, baga ya i pilim olsem rat ya i go insait long trausis bilong em.

Man Kanage i no westim taim,

em i kirap kalap kalap, na tromoi smuk wantaim pepa na kapsait nambaut. Na em paitim trausis long fran bilong em na em i kisim taim stret.

Na rat ya kalap isi tasol i go daun na em tekov pinis na go hait. Man lapun Kanage bel hat stret na em i tekov stret i go long haus.

**Tonny Epu na Omus Mah
Altape**

Kanage em bilong Madang, liklik ples Saresabu.

Wanpela taim Kanage wantaim wanpela poro bilong em i kisim ol dok bilong Kanage na i go long bus long painim abus na ol dok i ronim wanpela sikau na ol i go tasol i no kam bek hariap na Kanage wantaim poro bilong em hap long singautim ol dok.

Na yu save, Kanage em i no bin skul tasol em save givim hap hap Inglis.

Taim em sot long Inglis em i save mekim i go long tokples tu ya. Olsem na Kanage i tokim poro bilong em olsem, "Yu go long hap na singaut long ol dok na mi tu bai go long hap na singaut long hap."


Na poro bilong em i lukim tupela dok i kam na em i wisel long ol dok.

Wanpela bikpela na wanpela liklik. Na Kanage i askim em olsem, "pren, pren hamni daix did you saw?

Na poro bilong em i tingting i go na tok stret olsem.

"Yes fren wan and the haf daix."

**Salli Pope
Madang**



Ol kain man long Lae mas go bek long ples bilong ol

Dia Edita,

Mi laik putim aut sampela wari bilong mi long pablik. Wari bilong mi i go olsem.

Lae em i het koda bilong mipela manmeri bilong Morobe. Tasol nau mipela i lukim olsem Lae em i bikpela banis bilong kainkain animol. Dispela ol animol sampela i gat haus bilong slip sampela i nogat. Sampela i save harim tok, sampela nogat. Sampela ol i save long tomora na hap tomora bai ol i sindaan na wokabaut olsem

wanem, sampela i nogat

Sampela i painim tasol hap spes long as bilong diwai na ston na sindaan hait na salem ol yet long helpim sindaan bilong ol. Sampela i raua raua tasol na singaut nating nating bilong ol man i tromoai kaikai long ol.

Ol man dispela ol animol i gat ples tu o husat tru i ronim ol long ples bilong ol? Na ol i kam pulap long Lae. Morobe gavman yu bai mekim wanem long dispela ol animol. Plis man em i man na animol

em i animol.

Yu lusim ples bilong yu na wokabaut olsem animol moa gut yu go bek long ples bilong yu.

Taun bilong mipela Morobe o het koda bilong mipela i bagarap.

Em tasol mi save lukim na em i wari bilong mi.

Yu no laikim o yu laikim yu kam tasol long Wantok niuspepa.

**Roy Kani
Lae**

Jimi pipel amamas long Memba Pok

Dia Edita,

MIPELA ol Jimi pipel amamas nating long memba bilong Not Wagi na Minista bilong Maining na Petroleum Hon. Dokta Fabian Pok. Mipela amamas long memba Pok long wanem nogat wanpela pastaim memba bilong Jiwaka eria i save pilai strongpela politiks long Waigani Nesenel Palamen na kisim wok minista olsem memba Pok yu mekim nau.

Ol Yunivesiti na narapela skul sumatin bilong Jimi eria na ol pipel bilong Jimi i tok amamas long ol Not Wagi pipel long makim gutpela na strongpela politik man we i no pret na surik bek long ol biknem politisen long Waigani.

Ol bikpela skul sumatin bilong Jimi i tok ol i save amamas long harim nem bilong Dokta Pok i pairap long niuspepa na radio. Ol i tok ol i amamas bikos Dokta Pok i karim nem bilong olgeta Jiwaka pipel, manmeri na pikinini.

Ol man i save kolim mipela ol Jiwaka longlong na bus kanaka na mipela save wari nogut tru long dispela tok bilong ol man. Olsem na nau Dokta Pok yu stopim ol man long kolim mipela ol longlong na bus kanaka.

**Thomas Ngents Kaiye
Karap, Jimi**

Sapos yu laik salim ol pas bilong yu i kam long dispela niuspepa.
Salim i kam long dispela adres:

THE EDITOR
WANTOK NEWSPAPER
PO BOX 1982, BOROKO, NCD.

Pasin bilong pinisim mani long bia kamapim hevi

Dia Edita,

Mi wanpela mangi Marawaka nau mi stap long Walindi plantesen Wes Niu Briten provins. Mi laik autim ol wari bilong mi olsem long pait bilong bia. Nau mi lukim ol man dring bia na ol save brukim bia botol long rot bilong ka na ol save wokim kain kain pasin nogut.

Dispela pasin bilong dring bia em i no stret. Na ol sampela marit man ol i save dring i go na mani save pinis long bia. Ol i no save sevim ol meri, pikinini bilong ol. Bihain ol marit ol i save kros pait long mani na ol save bagarapim ol yet.

Dispela pasin mi lukim na em i no stret.

Yu husat brata yu laik sapotim mi yu rait i kam long Wantok niuspepa.

**Tawas James
Kimbe**

Sir Mekere kisim salens

Dia Edita,

MAKIM maus bilong tausen sapota bilong Sandaun Gavana John Talu Tekwie, mipela insait long Sandaun i no wanbel tumas long trik pasin Praim Minista Sir Mekere Morauta i mekim long makim ol minista. Sapos em i gat tingting long makim Micah Wes, watpo em i no mekim trupela tok long ripot bilong em i go long ol niuspepa long sampela de bipo long em i makim ol minista. Dispela trik long makim John Tekwie olsem wanpela minista i bin kamap long Pos Koria niuspepa bilong Trinde 19 April, 2000.

Sandaun i gat planti risos na mani bilong ol dispela risos bilong en i wok long pulumapim hanpaus bilong Nesenel Gavman. Na skelel ol dispela milien kina Sandaun i givim i go long Gavman hanpaus ya, gavman i givim tasol ol pinat i kam long Sandaun long wanwan ya baset. Bikos Sandaun i gat planti risos we i save paul long

han bilong ol narapela namei man, mipela i laikim wanpela saveman bilong provins long stap insait long Kabinet. Olsem em i ken toktok long wanem ol rot dispela ol risos i mas ron long en, na saveman bilong Sandaun em Gavana John Tekwie.

Mipela ol sapota bilong John Tekwie i luksave nau olsem makim bilong Micah Wes, memba bilong Vanimo/Green olsem wanpela minista i wanpela trik pasin. Na mipela ol sapota i givim strongpela tok lukaut long dispela pasin politik na trik pasin i noken kamap ken sampela taim bihain sapos i gat senis long ol Kabinet minista.

Yes, i tru olsem ol sapota bilong John Tekwie i gat bel per bilong ol tu long sampela samting memba i save mekim i no stret na bihainim lo. Sapos dispela i as bilong dispela trik pasin Sir Mekere i luktuk long en na yusim, mipela ol sapota tu i singaut strong long Gavman Tekwie long senisim planti ol pasin

hai em i gat, pasin bikhet na pasin bilong mekim samting taim em i save lo i no tok orait na planti wanpela moa em yet i gat save long ol.

Dispela tasol bai i givim gutpela as long Gavana Tekwie i kamap minista long wanpela taim.

Olgeta sapota bilong Gavana Tekwie, mipela i givim sapot nau i go long tupela Sandaun MP em Micah Wes yet na Andrew Kumbakor.

Na singautim tupela long mekim gutpela wok na semtai givim gutpela sevis i kam long Sandaun.

Bikpela samting em tupela i mas givim sapot insait long Kabinet long planti tingting em Tekwie i gat pinis i stap long plen long bringim ol developmen i kam insait long Sandaun.

**Samuel Tasig
Vanimo**

Ol pikinini noken baim PMV

Dia Edita,

Mi wanpela boi bilong Wonanera insait long Morobe provins, tasol nau mi i stap insait long Kimbe oil pam provins.

Na mi laik autim wari bilong mi long pablik long kantri bilong yumi Lumi PNG long Wantok niuspepa. Wari bilong mi i go olsem, bilong wanem na ol papa bilong ol sip, balus na ka ol save putim prais bilong ol pikinini long baim ka, sip na balus.

Mi laik tok olsem ol pikinini krismas bilong ol inap long 10-pela krismas na kam daun em ol i no inap long baim sip, balus na

ka long wanem ol dispela pikinini ol i no save wok bai ol i peim sip, balus o ka.

Na long wanem mi tok mi lukim ol pikinini ol i laik kalap wantaim mamapapa long sip. Na i go long Lae o Rabaul o Manus bai ol mamapapa ol save baim tiket bilong ol tu. Olsem na ol pikinini krismas bilong ol olsem 10-pela krismas na kam daun ol i nokon baim.

Na Gavman bilong yumi i mas luktuk gut long ol dispela samting.

Bilong wanem na mi autim dispela wari bilong mi yumi oigeta i

no bisnis manmeri o yumi no biksot manmeri.

Yumi mas tingting long ol grasrtu, olsem wanem na prais bilong ol samting i wok long i go antap.

Na sip, balus, ka na ol samting bilong stua tu. Na pe bilong ol wok man i stap yet long tamblo long graun yet.

Sapos yu husat i laik sapotim o egensis mi rait tasol long Wantok niuspepa na bai mi lukim.

**Jacob Joe
Kimber**

Yu ting Katolik i mekim asua?

Dia Edita,

Mi laik bekim pas bilong Caspar Animo bilong Aitape i bin tok olsem ol. Pop, Bisop na Pater ol i no inap rausim sin bilong yumi.

Bara, tru tumas Jisas tasol inap rausim sin bilong yumi.

Olgeta Katolik namba bilong ol inap 145 to 50 tausen bilien long dispela graun i save olsem Jisas tasol inap rausim sin. Yu no bilong Katolik olsem na yu longlong long toktok. Yu bin tok mipela Katolik i baptais taim mipela i bebi olsem na mipela i pundaun long sin hariap tumas.

Askim namba wan, yu kisim baptais long han bilong husat na yu kamap kristen. Long han bilong Jisas o long pasta bilong yu. Plis yu mas tokim mi olsem Jisas i kamauna long heven na i baptaisim yu. Sapos yu tok yu kisim baptais long han bilong pasta long nem bilong papa, pikinini na holi spirit.

Bai mi tokim yu olsem yu wanpela bilong ol dram i save mekim bikpela nois. Ritim Jo 20:21-23 "em i winim win bilong em i go long ol na i tok yupela kisim holy spirit. Yupela lusim sin bilong manmeri orait sin bilong ol i lus. Yupela pasim sin bilong ol orait em pas i stap. (Sakramen bilong Konpes). Pris i rausim sin long strong bilong holi spirit we Jisas i givim long ol aposel namba wan taim, bihain long 50 de pentikos i kamap na olgeta bilip manmeri i kisim holi spirit wantaim ol aposel tu. Poroman yu save olsem yu tok bilas long wok bilong Holi Spirit. Ritim Mt 12:31-32 man i tok bilas long Holi Spirit bai God i no tekewe sin bilong dispela man o meri.

Askim namba tu long Sakramen

bilong Baptais, long wanem hap tru Jisas i tok long noken baptaisim ol pikinini i liklik yet.

Yu save long sin bilong Adam na Eva i stap long dispela graun, olsem na olgeta manmeri na pikinini i mas soim sain bilong stap famili bilong Jisas na mas baptais maski em pikinini o bikpela manmeri.

Poroman yu ritim Ap: 16-33 was man bilong haus kalabu i bilip long Jisas na olgeta famili bilong em i baptais. Famili min long bikpela pikinini na liklik pikinini tu ritim tu Ap: 18:8.

Jisas yet i tok larim olgeta liklik pikinini i kam long mi yupela noken pasim ol, kingdom bilong God em bilong kain man olsem ol Mak 10:14.

Brata mipela Katolik i kirap nogut olsem Jisas i givim wanpela wok long yu pinis. Wok bilong skelim pasin bilip long arapela lain. Tasol 1 Ko 4:4-5 i tok, taim i no yet yupela noken skelim pasin bilong arapela. Yupela mas wetim Jisas bikpela i kam. Em bai kisim olgeta samting i hait na kamap long ples klia na tokim yumi long wok bilong yumi i gutpela o nogat.

Poroman yu ating mas Jisas ya, yu no Caspar Animo olsem na yu wok long skelim wok bilong arapela lain.

Skel yu givim long arapela, wankain skel bai God i skelim yu.

Caspar Animo prea long Holi Spirit bai em givim stretpela tingting long yu bai yu gat daun pasin em pasin bilong holi spirit.

Mi kisim baptais taim mi gat wanpela krismas na nau mi wok olsem pastoral woka o katekis.

**Leo Niawave
Wewak**

Membu bilong Telefomin kisim salens

Dia Edita,

Mi wanpela grasrul bilong Loik Lous mangi bilong Sandaun provins Telefomin laik tromoi sampela wari go long memba bilong mipela long Telefomin distrik.

Plis, inap Robert Sakias wokim sampela samting nau. Tasim ol lain votim you na yu bin i go insait long palamen yu no wokim sampela samting yet long Telefomin.

Bilong wanem? Yu bilong bilasim Pos Mosbi tasol o wokim wok bilong pipel bilong yu.

Yu nogat nem bilong yu o mak bilong yu yet. Telefomin stesin em kamap bus na sinek na binating nogut ol lusim ples pinis nau. Wanem taim yu bai rausim ol dispela samting ya.

Wantok sori tru long yu, yia 2002 bai yu go bek karim stik taro stret.

Yu no fit long karim hat wok bilong ol lain Telefomin. Yu no fit olgeta ya.

Nau em i tok lukaut bilong mi kam long yupela ol lain bilong Telefomin distrik. Plis nokon kisim hap palaawut nogut. Plis kisim rait saveman stret tasol long yia 2002.

Em tasol liklik wari bilong mi husat yu laik sapotim mi'orait welkam tasol.

**Tolax Kongz
Telefomin, Sandaun**

Eddy Saweni kisim sapot

Dia Edita,

Mi laik kisim wanpela spes long Wantok niuspepa long bekim pas bilong Towa Ningi i stap nau long Lae siti. Pas bilong em long April 6, 2000 pes 28.

Brata Towa Ningi i toktok long Hon. Memba bilong ol, Eddy Saweni i mas wokim rot namel long Lumi Aitape.

Yes, brata Mista Saweni i traum long mekim samting long sotpela taim, long taim Gavman bilong PNG i senis.

Brata Mista Saweni i gat 5 yia plen, na em i gat planti gutpela projek plan bilong em. Dispela memba, Saweni i winim ol arapela memba bilong Aitape Lumi bipo na yu Towa Ningi yu ting

wanem long dispela memba. Yu laik pinisim em kwik long 2002 yia bilong ileksen. Ating het bilong yu mas paul ya.

Sanapim em ken sapos yu laik bai rot bilong Aitape Lumi i pinis na bai yumi lukim kain raua man olsem i ken senisim Lumi distrik. Sapos Hon. Eddy Saweni i no kamap memba bilong Aitape Lumi long yia 2002 OK em wari bilong yu nau, ol dispela ples Wikoti, Welium, Kupuom, Minate na Tologote.

Yu husat i laik bekim pas bilong mi long Wantok niuspepa yu welkam tasol.

**Fransis Xavier
Madang**

ka long wanem ol dispela pikinini ol i no save wok bai ol i peim sip, balus o ka.

Na long wanem mi tok mi lukim ol pikinini ol i laik kalap wantaim mamapapa long sip. Na i go long Lae o Rabaul o Manus bai ol mamapapa ol save baim tiket bilong ol tu. Olsem na ol pikinini krismas bilong ol olsem 10-pela krismas na kam daun ol i nokon baim.

Na Gavman bilong yumi i mas luktuk gut long ol dispela samting.

Bilong wanem na mi autim dispela wari bilong mi yumi oigeta i

no bisnis manmeri o yumi no biksot manmeri.

Yumi mas tingting long ol grasrtu, olsem wanem na prais bilong ol samting i wok long i go antap.

Na sip, balus, ka na ol samting bilong stua tu. Na pe bilong ol wok man i stap yet long tamblo long graun yet.

Sapos yu husat i laik sapotim o egensis mi rait tasol long Wantok niuspepa na bai mi lukim.

**Jacob Joe
Kimber**

Sandaun nogat gutpela sevis

Dia Edita,

Mi wapelai mangi Lumi long Sandaun, tasol nau mi i stap long Lae na mi i gat wari olsem, bilong wanem ol gavman i no save lukluk long mipela ol Sandaun pipel. Ating ol les long mipela. Orait mipela i ken bruk lusim PNG na jomol ol Indonesia bikos mipela em boda lain na mipela i ken bruk lusim PNG tu. Olsem na mi askim ol manmeri long Sandaun long i stap isi tasol noken wari long sevis bilong of PNG mipela i ken bruk lusim ol PNG tu. Bilong wanem mi tok olsem, bikos gavman bilong PNG i no save lukluk long mipela na givim sevis long mipela gut. So ating em tasol wari bilong mi na sapos yu husat laik sapotim o egensim em mi amamas tasol long lukim.

Michael Yifei

Lae

Toksave i go long ol manmeri i save salim pas long Wantok.

Sapos yu no putim nem tru bilong yu long pas mipela i no inap primit leta bilong yu.

Baset mani bilong Sandaun save i go we?

Dia Edita,

Mi wapelai manki long Telefomin distrik tasol nau mi wok long Bige Mine Waste Management long Kiunga Westen provins.

Nau mi laik soim dispela bel hevi bilong mi long ol pipel bilong Sandaun provins wantaim ol lida bilong yumi John Tekwei na Ali Robert Sakias. Taim mi baim ol niuspepa, mi lukim ol sampela provins ol i putim ples klia ol baset mani bilong ol long wan wan provins bilong ol tasol mi i no lukim wapelai olsem bilong Sandaun provins.

Inap yupela ol memba bilong Sandaun, yupela wok bung na putim aut ol baset bilong

Sandaun long ples klia bai ol pipel bilong Sandaun i ken luksave mani i go olsem wanem.

Ating gavman i no save helpim o tingting long Sandaun ah?

Nau mi save pinis olsem, dispela kain pasin tasol na Sandaun provins i no bin senis liklik.

Planti man o ples bilong Sandaun provins i no senis. Em i no nau yupela memba bilong nau, nogat em bipo yet olsem na yupela husat nau stap memba, ya yupela tu kisim sik bilong ol pinis olsem na yupela laik train em hat olsem na yupela slip tasol long Pot Mosbi siti.

Ol sampela samting bilong

bipo tru stap yet na planti bagarap pinis na bus karamapim.

Ol samting olsem skul, haus sik gavman stesen olgeta kamap olsem ol man i dai na ol meri pikinini i ronawe i go long narapela ples we ol man stap long en.

Mani save i go bilong ol bisnisman o ol wokman bilong gavman save baim smuk na buai rau long Vanimo stesen tasol.

Ating em tasol, na husat manmeri laik sapotim o egensim rait tasol long Wantok niuspepa.

Nukie Sakik
Bimin

Go bek long Lumi na wok tru

Dia Edita,

Mi wapelai manki Madang miks na mi laik bekim wanpela pas wapelai manki Lumi i raitim na kamap long Wantok niuspepa, pes 28 April 6, 2000.

Dispela mangi Towa Ninga nau i stap long Lae siti, yu harim gut brata.

Mobeta yu lusim Lae siti na go bek long Lumi long asples bilong yu na yu yet soim memba bilong yu Eddy Saweni, olsem yu tu inap wokim bikpela gaden kofi na gaden rais na kirapim wanpela bikpela wokshop bilong stretim ol ka na planti arapela bisnis moa inap bringim Lumi distrik bilong yu i kamapim planti inkam bilong Sandaun provins.

Mista Towa Ninga yu noken rau na i stap nating long Morobe o Wopa kantri na mekim wanpela pipia wok olsem sekyuriti gad na putim planti pekpek nambaut long striit na soim meri Situm o Bukawa o Butibam olsem yu wapelai stail mangi bilong Lumi.

Lukaut nogut ol meri Morobe i kirapim das na yu pispis nating long trausis biuong yu. Sambai tu, brata nogut liklik mani bilong yu, bai yu westim long peim flawabols ol i salim long sindaun maket.

Towa Ninga, yu wapelai longlong man, yu save bel hat long olgeta rong bilong yu yet.

Brata, yu i no save olsem, yu wok long helpim Morobe provins long inkam mani? Yu i no save, yu

bringim planti mani i go insait long helpim na groim na senism Morobe provins i kamap bikpela tru na Lumi distrik na Sandaun provins i go bek wet.

Yu nogat sem bilong yu stret long tokaut yu mangi Lumi i wok long rau nating nating na kamapim raskol pasin na bagarapim gut nem bilong Lumi pipel.

Sapos yu wapelai parasait i stap long Lae siti mobeta yu i go long Lumi na kirapim ples bilong yu.

Harim gut, Towa Ninga, rot na bikpela mani i noken kamap sapos i ncgat pipel na wok bisnis i kamap pinis na i stap long Lumi.

Ol Tetep pipel ol i winim yu long pampim mani long lokol prodak bilong ol, olsem kabis, anian, muli, tomato na kuru sako na bin.

I nogat rot tasol ol i baim balus na kamdaun long Madang taun long salim, ol i gat mani na yu?

Mi amamas long tripela bisnisman bilong Lumi nau kirapim bisnis long Aitape taun.

Sapot i mas go long tripela long Lumi taun.

Ol dispela lain i mas amamas bikos ol i stap stret long asples bilong ol yet na kirapim das long painim mani.

Gut on yah memba, Eddy Saweni.

Frank Mam
Madang

VAT hapim prais long Sandaun

Dia Edita,

Mi wapelai mangi Lumi long Sandaun. Mi laik autim wari bilong mi i go long Sandaun Gavana John Tekwie. Mi laik askim Gavana Tekwie olsem wanem na em i no lukluk long VAT bilong provins bilong mipela Sandaun.

Mi no harim sampela toktok bilong em liklik long egensim VAT o hevi bilong moni nau i go antap tru long provins bilong yumi Sandaun. Ating em tingim em yet tasol em ino tingim ol manmeri bilong em ya.

So mi lukim olsem nau mon-

bilong ol kaikai na ol samting long ol sto long Lae i go antap na mi save olsem yumi long Vanimo tu bai i go antap tru winim ol bikpela taun tu olsem Lae, Mosbi, Rabaul na ol arapela taun tu. Olsem na mi laik askim Gavana Tekwie long lukluk long dispela tu bikos ol manmeri long ples bai kisim moni we na baim ol samting.

Yu save ol manmeri long ples ya, yu mas save na toktok planti long dispela hevi.

Bilong wanem na ol makim yu kamap olsem gavana bilong mipela long Sandaun?

Mipela ting olsem yu bai makim maus bilong mipela ol pipel long Sandaun tasol yu no save lukluk long dispela ol samting. Ating long 2002 bai yu lus stret. Olsem na mi askim ol manmeri long Sandaun olsem nau yupela luksave pinis long dispela kain man nau na noken votim em ken long 2002 moa.

Em tasol ol waril bilong mi na yu husat i laik sapotim o egensim, em mi amamas tasol long lukim na ridim.

Michael Yifei
Lae, MP

Rausim paps Kanage long niuspepa

Dia Edita,

Mi laik putim sampela tingting bilong mi long sapotim toktok bilong wapelai brata ya Kupo long Wantok niuspepa bilong las mun April.

Brata ya i tok long rausim paps Kanage. Brata mi tu mi laik paps kanage i mas klia olgeta, long wanem em i kamapim planti pekpek long niuspepa tasol paps kanage i stap na Papua Niugini i stap.

I tru olsem paps kanage i kamapim planti pekpek long niuspepa olsem na mas rausim paps kanage long niuspepa. Tasol tru tru Papua Niugini bai lukim bikhet bilong paps kanage.

Moa yet, Kanage save salim Wantok niuspepa.

Fidelis Manroc

Lae siti pikpoket man pulap

Dia Edita,

Mi wapelai mangi Morobe nau mi i stap long Mosbi. Mi bin ridim long Wantok niuspepa na ol tok olsem konman o pikpoket man na meri save raun nating nating long Lae siti na pikpoket na kisim mani bilong planti man na meri na bairn ol gutpela samting long Lae.

Dispela em i tru mi yet mi lukim ol long ai bilong mi stret. Taim man o meri baim planti samting ol save baihainim go pikpoket long liklik mani bilong ol.

Plis yu husat man wokim dispela pasin, mobeta yupela mas go bek long ples bilong yupela na wokim samting we sevim yupela yet wantaim femili bilong yupela. Nogut yu painim hap dai nating long wapelai striit.

Yuhus laik go long Lae, holim gut mani bilong yu na tok save long poro bilong yu laik go long Lae.

Tenkim husat laik sapotim welkam.

Hombot Naun
Pot Mosbi

Yu tu konman long Lae siti

Dia Edita,

Mi wapelai manki long Lae tasol nau mi kam i stap long Tabubil, Westen provins. Long April 6, 2000 mi bin lukim wanpela pas long Wantok Niuspepa em brata Malaky Naepel Kambao putim komplen bilong em.

Em tok olsem, konman pulap long Lae poka masin, brata em i no narapela yu wapelai bilong ol. Noken giaman sutim tok long sampela Wabag tasol. Brata mi i stap klostu 6 yia long Pogera na mi save lukim yupela ol Wabag yupela ol les lain stret. Mi save long Wabag yupela i gat wapelai tok-

ples tasol. Inap yu go long ol poka masin haus long Lae na tokim ol dispela ol konman long tok ples bilong yu plis. Yu tok na husat bai harim.

Noken giaman olsem yu i stap long Wabag na putim komplen bilong yu long Wantok niuspepa mi bilip olsem yu i stap long Lae na giaman olsem yu i stap long Wabag. Em tasol liklik komplen bilong mi. Husat brata o susa laik egensim em laik tasol putim long Wantok niuspepa na mi lukim.

Orengtop Bau Wilin
Tabubil

Rausim diwai kros long haus palamen

Dia Edita,

Mi wapelai mangi Wabag, Enga provins, tasol nau mi i stap long Mosbi siti. Mi i laik askim olgeta manmeri long Papua Niugini. Mi laik askim yupela olgeta memba long palamen olsem inap yupela rausim dispela kros i stap antap long haus palamen. Ol memba inap yupela wanbel na rausim dispela kros, bikos kros i no bilong bilasim haus em i gat mining. Mi laik askim olsem em haus lotu na yupela putim o hamaspela kristen tru i stap long dispela haus.

Mi i gat laik long askim olgeta manmeri olsem, klostu long las de, ol samting nogut bai i kamap, Jisas Krisis bin tok long en. Mi laik save olsem ol memba tasol bai yusim gavman na wokim wok long bagarapim yumi ol manmeri bilong Jisas. Mi laik tokim yupela olsem wanem samting i stap long Jeneses na i go long Revelees bai karim kaikai, noken ting em ol tingting bilong ol memba bilong yumi, em man nogut tasol em Satan.

Em tasol na husat i gat tok long egensim o sapotim orait rait tasol na yumi ske-lim.

Benfox Spanzer Iso
Waigani

Madang i leit long kirapim Tetep

Dia Edita,

Mi laik mekim liklik toktok egensim edministreta bilong Madang we em i tok long Wantok niuspepa. Het tok em tok olsem Madang kotim Morobe long lukautim Tetep.

Mi laik tok olsem, Madang gavman i lusim tingting long Tetep i go inap nau long 2000 yia memba bilong Kabwum Ginson Sounau nau i laik kirapim Tetep stesen bilong em na nau yupela kirap nogut tasol. Sori tumas yupela leit.

Morobe kisim ples pinis long kirapim nem bilong Tetep (Tapan).

Membu bilong Kabwum nau kisim strong long Morobe na makim pipel bilong em na sanap.

Olsem na hat long stopim em.

Kamon Ginson yu noken harim tok bilong ol Madang putim het bilong yu i go daun na kirapim Tetep i go het.

Em tasol husat brata o susa egensim o sapotim plis rait tasol i kam long Wantok na mi ken lukim em tasol.

Doi Essing
Lae

Thomas Pelika kisim salens

Dia Edita,

Mi wapelai mangi Savayaka insait long Menyamya Sapaya kantri. Tasol nau mi i stap long Burayang.

Mi laik putim bel hevi bilong mi i go long memba bilong Menyamya Open Thomas Pelika. Klostu long 2002 na mi i no lukim han mak bilong yu long Menyamya distrik na ausat long distrik tu.

Mi laik autim bel hevi bilong ol Savayaka pipel. I nogat gutpela rot long Menyamya Na Umbo Marawaka rot i bagarap. I nogat gutpela aidpost, skul insait long Savayaka sait. Engati i nogat aidpost, Aiwamba i nogat aidpost. Plantii manmeri i dai pinis long 1999. 18-pipel i dai long las yia. Olsem na mipela ol pipel bilong Savayaka laikim sevis olsem bikpela haus sik mas kamap long Umbo. Em senta ples bilong ol Savayaka pipel. Olsem na yu memba laikim pipel yu mas putim sevis na ol pipel bai votim yu long 2002. Yu husat laik egensim o sapotim mi, welkam tasol.

Michael Wosako
Savayaka

**WOK BISNIS
MANDE IGO FRAIDE**
TELIPON:
325 2500

PAINIM WOK, PABLIK NOTIS, TOKSAVE, BETDE GRITING, BILONG SALIM na TOK SORI.


WANTOK KLASIFAIID

Niuspepa bilong Yumi Stret, Kamap long olgeta Wik

ADVETAISIN SEILS

Mr. Alan	ext. 214
John Agata	ext. 217
Robert Goma	ext. 218

Ringim mipela
Nau!



OPIS BILONG SPIKA

TOK SORI

Spika bilong Nesenel Palamen Hon. Bernard Narokobi, wantaim ol 107 Memba bilong Palamen, famili bilong em na ol wok manmeri long Palamen i laik tok bikpela sori tru long Mista Joseph Ogaie, Eksekutiv Dairekta bilong Nesenel Volantia Sevis (NVS).

" Long givim na no kauntim moni. Long pait na no pilim pen. Long taim yumi dai emi olsem yumi bon gen na kisim malolo bilong oltaim.

Mista Joseph Ogaie i wokim bikpela wok tru long kantri bilong yumi olong strongpela spirit bilong sevis na wok bilong Volentia. Mi sori tru wantaim famili bilong em."

Inap man save givim laip, Lord Jesus Christ kirapim em long kisim glori oltaim.

Mista Narokobi husat istap long China nau, tok olsem em bai no nap stap long taim bilong planim Mista Ogaie.

Bilong
BERNARD NAROKOBI, LLB, MP.
Spika bilong Nesenel Palamen

Special Features

are an integral part of new reporting. And at Word Publishing, we do our best to present reports that are fair, informative as well as educational.

If you are celebrating an anniversary, launching a new product or opening a new building, call our supplements Editor or Advertising Manager on

**Phone: 325 2500 or
Fax: 325 2579**

We can cover your business in both English and Pidgin!

World Vision Papua New Guinea

World Vision Papua New Guinea em husat?

World Vision Papua New Guinea em wapela Kristen wok sariti bilong helpim ol turangu.

Watpo na World Vision i kamap?

World Vision emi wapela ogensaise sen we ol kristen long planti hap bilong graun i bung wantaim long bihainim Bikpela Jisas Krais long pasin bilong helpim ol lain i sot long samting na ol lain i stap kalabus insait long kainkain pasin bilong dispela graun. World Vision i save kamapim strong pasin bilong senisim laip sindaun bilong man na meri na traum long painim stretpela pasin namei long ol pipel na long karim gutnius bilong Kingdom bilong God i go long ol pipel.

World Vision i save mekim wanem?

World Vision PNG i save helpim ol komyuniti husat i gat nid long kamapim developmen olsem ol pri skul, praimeri skul, helpim long sampela arapela nid bilong edukesen bilong ol pikinini. World Vision i save halivim long stretim ol wara saplai long ol ples, halivim long wokim ol eid pos, klinik na peim marasin bilong ol komyuniti. Sampela helpim i save go long ol yangpela na ol mama long ol kainkain skils trening na long lainim rit na rait. World Vision i save sanap long halivim ol pipel i painim hevi long disasta olsem bikpela tait wara, maunten paia i pairap, bikpela san tumas o we ol man i kirapim pait na bagarapim sindaun bilong ol narapela pipel.

World Vision i stap long wanem hap bilong PNG?

World Vision i gat het opis long Boroko, Port Moresby i gat tupela senta long Madang na Wewak. I gat wapela nenesol dairekta i bosim dispela het opis wantaim sampela menesa.

Long dispela taim i gat ol developmen program insait long ol dispela hap:

National Capital District: Tupela (2) sponsasip Eria Developmen program na wapela (1) street children project:

Sauten Hailens Provins: I gat tupela (2) sail sponsasip Eria developmen program long Tari na Komo na wapela (1) agrikalsa project long Mendi;

Madang Provins: I gat tripela (3) sail sponsasip eria developmen program na wapela (1) projek bilong stretim ol wara;

Sandaun Provins: I gat wapela sail sponsasip projek long Lumi, na wapela agrikalsa projek long Aitape blong helpim ol lain husat i kisim hevi long bikpela solwara.

Is Sepik Provins: I gat wapela sail sponsasip projek long Kawanga, Nungwaia na wapela agrikalsa projek long Moropote, Hustein Range.

Bougainville: I gat wapela (1) projek halivim ol lain Buin long kamapim gut sindaun bilong ol yet.

Wanem ol lain tru bai World Vision i ken helpim?

Sampela turangu komyuniti husat i gat ol pikinini krismas bilong ol ziro (0) inap long wapela ten foa (14) na ol yangpela yut, ol meri na man maski ol bilong wanem kain lotu ol kalsa or bilip o ples ol i kam long en.

World Vision i save wok wantaim wanem lain?

World Vision i save wok poroman wantaim ol sios, gavman dipatmen na ol komyuniti insait long ol ples i gat nid. World Vision Papua New Guinea i bin helpim pinis moa long foapela ten and nainpela (49) komyuniti insait long las faivpela (5) yia. Dispela ol wok helpim i bin kamap long eitpela (8) provins na i bin halivim samting olsem faivpela ten na wan tausen foa handret na fifti (51,450) man meri na pikinini stat long 1980 na i kam.

World Vision i save mekim wok wantaim halivim bilong ol komyuniti we em i laik helpim. World Vision i save laik strongim pasin bilong ol komyuniti i mas wok bung wantaim em long kamapim gut sindaun bilong ol yet. Komyuniti pipel yet i mas lukautim wok bilong ol yet. World Vision i save wok wantaim (MOA) Memorandum of Agreement we ol i pasin tok wantaim komyuniti long serim wok kamap.

Address:
World Vision Pacific Development Group,
P. O. Box 4254, Boroko, NCD 111. Papua New Guinea.
Tel: (675) 311 2530 Fax: (675) 325 4225

Ol gem long TV i bagarapim lokol lig

SIAMAN bilong PNG Ragbi Fotbol Lig (PNGRFL) John Numapo i tokaut olsem em i sapotim ol toktok bilong Tred na Industri Ministra Michael Nali long kontrolim ol TV pilai bilong Nesinol Ragbi Lig (NRL).

Nali i bin tokaut long palamen long dispela wik olsem em i no hamamas bikos planti manmeri long kantri i save laik lukim ol ovasis gem long TV na ol i no save laik sapotim ol lokol gems.

Numapo i tok olsem em i sapotim toktok bilong Nali long soim ol NRL pilaias biham long ol lokol pilaias. Dispela em i tok bai mekim ol man i lukim na sapotim ol lokol lig.

Em i tok olsem bod bilong em i bin autim hevi bilong ol i go long EMTV tasol ol i no mekim wanpela samting.

Numapo i tok olsem ol

namba bilong ol man husat i save go lukim ol lokol pilai i bin go daun bihain taim ol ovasis pilai i wok long stat long kamap long TV.

Tasol em i tok olsem ol pilai long TV i save halivim tu ol lokol pilaias na i save mekim ol wok hat long strongim gem bilong ol yet bikos ol i laik kamap olsem ol NRL pilaias.

Numapo i tok olsem em i lukluk tu long ol toktok bilong Nail long sait bilong SP Kap and Inta-Son sempionsip na i tok olsem PNGRFL bod wok long toktok long ol dispela tupela resis hamaspela miting i go pinis.

Em i tok olsem toktok bilong Minista Nali long rausim SP Kap resis bai no nap long stretim ol wari tasol em i tok olsem bod i wok long lukluk stretim ol fomet bilong neks yia.

"SP Kap resis i gat ol gutpela na ol nogut samting bilong em tasol ol gutpela samting bilong dispela resis i winim ol nogut samting."

Numapo i tok olsem SP Kap i save kamapim ol PNG pilaias na dispela sans bilong ol pilaias long resis wantem ol arapela tim long wanwan wik i save givim ol sampela man long sans long kisim liklik mani na tu i save halivim long strongim ol skils bilong ol.

Em i tok olsem dispela resis i mekim na PNG tim i kamap strong. Na tu ol i wok long kisim gutpela sapot long ol kampani.

Numapo i tok olsem ol i bin statim gen ol Inta-Son resis long givim ol pilaias husat i no save pilaias long SP Kap resis sans long soim ol and strongim ol skils bilong em.

NSW na Qld i mekim ol senis

OL selekta bilong ol Maruns na Blus i mekim sampela senis long tim bilong ol husat bai pilai bilong namba tri gem long neks wik.

Long sait bilong ol Blus Matthew Gidley bai kam insait long ol senta long senism Shaun Timmins husat i kisim bagarap, Jason Stephens bai senism

Rodney Howe olsem prop biham long ol i saspendim em na Michael Vella bai stat long bens.

Long ol Kwinslens ol selekta i mekim fopela senis bilong ol Maruns.

Ben Ikin, Wendell Sailor, Chris McKenna na Craig Greenhill bai go stat long tim.

Ol i sensin Jason Smith na Paul Green husat tupela i kisim bagarap. Russell Bawden na Steve Price ol i rausim ol long tim.

Kwinsien kos Mark Murray is tok olsem dispela namba tri gem i impotent stret long ol i winim.

Gaun gaten i brukim saman bilong kanu bilong Godawan



• Soka resis namel long Gaun gaten na Godawan long Laiwaden long Sarere insait long Madang provins.

KIWURAM KANAKO i raitim

GAUN gaten i bin brukim saman bilong kanu bilong ol lain Godawan tupela taim long laiwaden long Sarere taim ol i sutim tupela gutpela gol i go sulapim umben bilong ol lain asgraun. Gaun gaten (het bilong dok), em ol yangpela soka lain insait long Kalibobo era.

Bikpela nem sokaman, Ondo Bart i kamapim strongpela na gutpela pilai taim em wantaim brata bilong em, Sammy Bart wantaim narapela tupela brata em long Des na Poliap Kusuman i bin stat long ron olsem ol longlong dok na surukim bal i go insait long banis bilong ol Godawan. Dispela soka pilai i bin stat gut tru logn taim referi, Bonny Pongo i winim wisil bilong em.

Tasol lek bilong Ondo, Sammy na Des i paul liklik na ol i abrusim umben. Tasol ol i no wari na pait hat yet long traum long brukim saman bilong Godawan.


Bihain long sampela bikpela wok liklik, Guan Gaten i pairapim umben

bilong Godawan na ol asgraun i seksek. Des Kusuman i kailim bal na pulim olsem solwara i apim kanu na danis liklik na pairapim umben bilong Godawan.

Godawan i guria olsem ol i paia pinis olsem na ol i traum long banis gut eria bilong ol. Ol mangi asgraun i traum hat long rausim bal i go insait long basis bilong Gaun Gaten tasol pawa bilong ol lain Bart na Kusuman i strong tumas. Godawan i no bin yusim gut Paul Biak.. Plant taim Biak i ron i go antap na abrusim ol Gaun Gaten, tasol ol lain brata bilong em i no kikim gut bal long em. Maski Godawan i traum long kamapim strongpela pilai, ol i painim hat long abrusim ol lain bilong Gaun Gaten.

Long stat bilong namba tu hap, ol Gaun Gaten i pilai i go na taim ol i lukim olsem Ondo Bart i kirapim das, ol i sutim wanpela bal i ron stret i go pundaun long fran bilong em olsem tripela mita na Ondo yet i ron i go na kailim dispela bal i go abrusim golkipa bilong Godawan i solapim umben Tupela minit bihain Ondo i traum gen, tasol!

Long narapela wok i go, Godawan i bin lukim olsem Gaun Gaten i dro wantaim Marlins na ol i tok olsem ol bai rausim sket bilong ol lain mangi Gaun Gaten. Tasol dispela toktok i wara nating taim Gaun Gaten i brukim saman bilong ol asgraun mangi tupela taim long basis bilong Godawan yet.



• Leit Tony Miriks

Em i tok olsem em i no hamamas long ol man long kantri bikos ol i no save respektim ol manmeri husat i save makim kantri long spot. Miriks em i bilong Kurai ples long Kieta. Em i bin gat 26 kristmas long taim em i bin dai. Em i bin kamapim nem bilong em yet long taim em i bin winim tupela silva medol na wanpela gol medol long 48kg na 51kg divison las yia long ovasis pait.

Miriks i bin stat long dispela tim husat i bin pait long Kanbera las wok tasol.

PNG Boksing Yunion i tok oslem dai bilong Miriks i wanpela bikpela lus stret bilong boksing.

Ol i tok olsem Miriks i bin wanpela gutpela boksa long ring na ol i bilip olsem sapos em i bin stat laip yet em ba kamap wanpela top boksa strot.



Wiken Spot Dro

PORT MORESBY SOCCER ASSOCIATION			
Saturday 3rd June, 2000			
Bisini One (1)			
08:00	D2	Wanzezi vs M/Kayaks	Under 13 A 08:30 BB Kings vs LB Mermaids 1 (court 1) 08:30 June Valley vs TST Kempa (court 2) 08:30 L Telstars 1 vs Chevron P (court 3) 08:30 CP Rebels 1 vs St Theresa 1 (court 4)
09:20	W2	Orogen U18 vs SP Brewery	Under 13 B 08:30 Hagara 1 vs St Theresa 2 (court 5) 08:30 TST Kempa 2 vs LB Mermaids 2 (court 6) 08:30 St Peters vs CP Rebels 2 (court 7) 08:30 Ted Diro vs St Pauls 1 (court 8)
10:30	D1	Korion vs BMicks	Under 13 C 08:30 St Michaels vs Holy Rosary 1 (court 9) 08:30 Pari 1 vs Boreboa 1 (court 10) 08:30 Wardstrip 1 vs CP Sparrows 1 (court 11) 08:30 Kila Kila Pri vs Bavaroko 1 (court 12)
11:45	W2	Waigani Height vs Falcon	Under 13 D 08:00 Rakaone vs Bavaroko 2 (court 9) 09:00 Mase vs Wardstrip 2 (court 10) 09:00 Philip Aravure 1 vs Boreboa 2 (court 11)
12:55	Youth	LBC Defence vs Babaka	09:00 Tatami Pri vs
14:00	D1	Kula vs Nomads	Under 13 E 09:00 CP Sparrows 2 vs Philip Aravure 2 (court 13) 09:00 Butuka vs St Pauls 2 (court 14) 09:00 Holy Rosary 2 vs Hagara 2 (court 15) 09:00 Pari 2 vs Kaugere (court 16)
15:00	W1	Telkom vs Guria	Under 15 A 09:00 June Valley 1 vs Chevron P 1 (court 1) 09:00 L Telstars 1 vs Mase (court 2) 09:00 TST Kempa vs LB Mermaids (court 3) 09:00 CP Rebels 1 vs Kila Kila Pri (court 4)
16:20	Prem	Cosmos vs SP Brewery	Under 15 B 09:00 Wardstrip 1 vs St Theresa 1 (court 5) 09:00 CP Rebels 2 vs St Peters 2 (court 7) 09:00 St Pauls 1 vs Hagara 1 (court 8)
Bisini Two (2)			
08:00	D3	Bipi vs Agib	Under 15 C 10:00 Philip Aravure 1 vs St Theresa 2 (court 1) 10:00 Bavaroko 1 vs Butuka (court 3) 10:00 Tatami Pri vs Badihagwa (court 4) 10:00 Tokarara Pn 1 vs Boreboa (court 5)
09:20	W2	B/Kumulu vs Bavaroko	Under 15 D 10:00 Bavaroko 2 vs L Telstars 2 (court 6) 10:00 LB Mermaids 2 vs St Peters 2 (court 7) 10:00 Pari 1 vs CP Sparrows 1 (court 9)
10:30	D2	Nanui vs Nisco	Under 15 E 10:00 BB Kings vs Hagara 2 (court 10) 10:00 Mase vs Pari 2 (court 11) 10:00 CP Sparrows 2 vs Hohola Youth (court 13)
11:45	W1	Sobou vs W/Tarangau	Under 17 A 11:00 Kila Kila Sec vs Hagara (court 1) 11:00 Badihagwa 1 vs Chevron P (court 3) 11:00 CP Rebels vs L Telstars 1 (court 4) 11:00 LB Mermaids 1 vs Tokarara Pri 1 (court 5)
12:55	D2	Eda Ranu vs Mungakas	Under 17 B 11:00 Badihagwa 2 vs Hohola Youth (court 6) 11:00 Ted Diro vs Kila Kila Pri 1 (court 7) 11:00 Tokarara Pri 2 vs Lvloni (court 8) 11:00 Philip Aravure vs LB Mermaids 2 (court 9)
14:00	D4	Kurti Andra vs B/Kumulu	Under 17 C 11:00 Holy Rosary vs Bavaroko (court 10) 11:00 Boreboa vs Mase (court 11) 11:00 Kaugere vs Gavuone (court 12)
15:00	D3	HLB Pom United vs Kutu	Under 17 D 11:00 Sogen 1 vs Lvloni (court 1) 11:00 LB Mermaids 1 vs Chevlon P 1 (court 3) 12:00 Kila Kila Sec vs L Telstars (court 4)
16:20	Prem	ANZ University vs Tawala	Under 17 E 12:00 LB Mermaids 2 vs Mase (court 5) 12:00 Hohola Youth vs Sogen 2 (court 6) 12:00 Chevlon P 2 vs BB Kings (court 7)
Sunday 4th June, 2000			
Bisini One (1)			
08:00	Youth	SP Brewery vs Cosmos	Under 17 F Bye: Kula (W1), Bavaroko (D2) and Rainbow West (D3).
09:20	W2	Murat vs Adau	
10:30	D1	Adau vs Bao Mitas	
11:45	W1	Cosmos vs ANZ University	
12:55	D1	HLB Pom United vs Verave	
14:00	Prem	Kurti Andra vs Blue Kumulus	
15:00	Prem	LBC Defence vs Babaka	
Bisini Two (2)			
08:00	D2	Dueau vs Murat	
09:20	W2	HLB Pom United vs Tawala	
10:30	Youth	Wikila Tarangau vs Rapitona	
11:45	W2	Rapatona vs Madgauns	
12:55	W1	Cyclone vs LBC Defence	
14:00	W1	IBS PS United vs WMI	
15:10	D1	Dubo Futz vs YM2	
16:20	Prem	IBS PS United vs Guria	
University Oval			
08:00	D4	IBS PS United vs Guria	
09:20	D4	Wikila Tarangau vs Rapitona	
10:30	Youth	ANZ University vs Tawala	
11:45	D4	Cosmos vs SP Brewery	
12:55	D3	Bureson vs Muma	
14:00	D2	Dolos vs WMI	
15:30	D3	Asum vs Sunset	
Bye: Kula (W1), Bavaroko (D2) and Rainbow West (D3).			
PORT MORESBY RUGBY LEAGUE			
Saturday 3rd June, 2000			
Lloyd Robson Oval			
09:30	Defence vs Gerehu United	(C)	
10:45	Paga vs Dobo Warriors	(B)	
12:00	Hawks vs West	(A)	
13:30	Defence vs Gerehu United	(A)	
15:00	Paga vs Dobo Warriors	(A)	
PRL ground 2			
09:30	Hawks vs West	(C)	
10:45	Defence vs Gerehu United	(B)	
12:00	Souths vs Waliya	(B)	
PRL ground 3			
09:30	Post Puma vs Kone Tigers	(C)	
10:45	Brothers vs Royals	(B)	
12:00	Post Puma vs Kone Tigers	(B)	
Sunday 4th June, 2000			
Lloyd Robson			
09:30	Souths vs Waliya	(C)	
10:45	Post Puma vs Kone Tigers	(A)	
11:30	Brothers vs Royals	(A)	
13:00	Souths vs Waliya	(A)	
15:00	Whagi Tumbu vs Cambridge Vipers (SP Cup)		
PRL ground 2			
09:30	Paga vs Dobo Warriors	(C)	
10:45	Brothers vs Royals	(C)	
12:00	Hawks vs West	(B)	
Monday 5th June, 2000			
Lloyd Robson			
09:30	Magani vs Tarangau	(C)	
10:45	Paga vs Gerehu United	(B)	
12:00	Magani vs Tarangau	(B)	
13:30	Defence vs Souths	(B)	
15:00	Magani vs Tarangau	(A)	
PORT MORESBY NETBALL ASSOCIATION			
Juniors			
Under 10 A			
08:00	LB Mermaids vs TST Kempa	(court 1)	Under 13 A 08:30 BB Kings vs LB Mermaids 1 (court 1) 08:30 June Valley vs TST Kempa (court 2) 08:30 L Telstars 1 vs Chevron P (court 3) 08:30 CP Rebels 1 vs St Theresa 1 (court 4)
09:20	W2	Orogen U18 vs SP Brewery	Under 13 B 08:30 Hagara 1 vs St Theresa 2 (court 5) 08:30 TST Kempa 2 vs LB Mermaids 2 (court 6) 08:30 St Peters vs CP Rebels 2 (court 7) 08:30 Ted Diro vs St Pauls 1 (court 8)
10:30	D1	Korion vs BMicks	Under 13 C 08:30 St Michaels vs Holy Rosary 1 (court 9) 08:30 Pari 1 vs Boreboa 1 (court 10) 08:30 Wardstrip 1 vs CP Sparrows 1 (court 11) 08:30 Kila Kila Pri vs Bavaroko 1 (court 12)
11:45	W2	Waigani Height vs Falcon	Under 13 D 08:00 Rakaone vs Bavaroko 2 (court 9) 09:00 Mase vs Wardstrip 2 (court 10) 09:00 Philip Aravure 1 vs Boreboa 2 (court 11)
12:55	Youth	LBC Defence vs Babaka	09:00 Tatami Pri vs
14:00	D1	Kula vs Nomads	Under 13 E 09:00 CP Sparrows 2 vs Philip Aravure 2 (court 13) 09:00 Butuka vs St Pauls 2 (court 14) 09:00 Holy Rosary 2 vs Hagara 2 (court 15) 09:00 Pari 2 vs Kaugere (court 16)
15:00	W1	Telkom vs Guria	Under 15 A 09:00 June Valley 1 vs Chevron P 1 (court 1) 09:00 L Telstars 1 vs Mase (court 2) 09:00 TST Kempa vs LB Mermaids (court 3) 09:00 CP Rebels 1 vs Kila Kila Pri (court 4)
16:20	Prem	Cosmos vs SP Brewery	Under 15 B 09:00 Wardstrip 1 vs St Theresa 1 (court 5) 09:00 CP Rebels 2 vs St Peters 2 (court 7) 09:00 St Pauls 1 vs Hagara 1 (court 8)
Bisini Two (2)			
08:00	D3	Bipi vs Agib	Under 15 C 10:00 Philip Aravure 1 vs St Theresa 2 (court 1) 10:00 Bavaroko 1 vs Butuka (court 3) 10:00 Tatami Pri vs Badihagwa (court 4) 10:00 Tokarara Pn 1 vs Boreboa (court 5)
09:20	W2	B/Kumulu vs Bavaroko	Under 15 D 10:00 Bavaroko 2 vs L Telstars 2 (court 6) 10:00 LB Mermaids 2 vs St Peters 2 (court 7) 10:00 Pari 1 vs CP Sparrows 1 (court 9)
10:30	D2	Nanui vs Nisco	Under 15 E 10:00 BB Kings vs Hagara 2 (court 10) 10:00 Mase vs Pari 2 (court 11) 10:00 CP Sparrows 2 vs Hohola Youth (court 13)
11:45	W1	Sobou vs W/Tarangau	Under 17 A 11:00 Kila Kila Sec vs Hagara (court 1) 11:00 Badihagwa 1 vs Chevron P (court 3) 11:00 CP Rebels vs L Telstars 1 (court 4) 11:00 LB Mermaids 1 vs Tokarara Pri 1 (court 5)
12:55	D2	Eda Ranu vs Mungakas	Under 17 B 11:00 Badihagwa 2 vs Hohola Youth (court 6) 11:00 Ted Diro vs Kila Kila Pri 1 (court 7) 11:00 Tokarara Pri 2 vs Lvloni (court 8) 11:00 Philip Aravure vs LB Mermaids 2 (court 9)
14:00	D4	Kurti Andra vs B/Kumulu	Under 17 C 11:00 Holy Rosary vs Bavaroko (court 10) 11:00 Boreboa vs Mase (court 11) 11:00 Kaugere vs Gavuone (court 12)
15:00	D3	HLB Pom United vs Kutu	Under 17 D 11:00 Sogen 1 vs Lvloni (court 1) 11:00 LB Mermaids 1 vs Chevlon P 1 (court 3) 12:00 Kila Kila Sec vs L Telstars (court 4)
16:20	Prem	ANZ University vs Tawala	Under 17 E 12:00 LB Mermaids 2 vs Mase (court 5) 12:00 Hohola Youth vs Sogen 2 (court 6) 12:00 Chevlon P 2 vs BB Kings (court 7)
Sunday 4th June, 2000			
Bisini One (1)			
08:00	Youth	SP Brewery vs Cosmos	Under 17 F Bye: Kula (W1), Bavaroko (D2) and Rainbow West (D3).
09:20	W2	Murat vs Adau	
10:30	D1	Adau vs Bao Mitas	
11:45	W1	Cosmos vs ANZ University	
12:55	D1	HLB Pom United vs Verave	
14:00	W1	Prem	
15:00	Prem	Kurti Andra vs Blue Kumulus	
16:20	Prem	LBC Defence vs Babaka	
Bisini Two (2)			
08:00	D2	Dueau vs Murat	
09:20	W2	HLB Pom United vs Tawala	
10:30	Youth	Wikila Tarangau vs Rapitona	
11:45	W2	Rapatona vs Madgauns	
12:55	W1	Cyclone vs LBC Defence	
14:00	W1	IBS PS United vs WMI	
15:10	D1	Dubo Futz vs YM2	
16:20	Prem	IBS PS United vs Guria	
University Oval			
08:00	D4	IBS PS United vs Guria	
09:20	D4	Wikila Tarangau vs Rapitona	
10:30	Youth	ANZ University vs Tawala	
11:45	D4	Cosmos vs SP Brewery	
12:55	D3	Bureson vs Muma	
14:00	D2	Dolos vs WMI	
15:30	D3	Asum vs Sunset	
Bye: Kula (W1), Bavaroko (D2) and Rainbow West (D3).			
PORT MORESBY RUGBY LEAGUE			
Saturday 3rd June, 2000			
Lloyd Robson Oval			
09:30	Defence vs Gerehu United	(C)	
10:45	Paga vs Dobo Warriors	(B)	
12:00	Hawks vs West	(A)	
13:30	Defence vs Gerehu United	(A)	
15:00	Paga vs Dobo Warriors	(A)	
PRL ground 2			
09:30	Hawks vs West	(C)	
10:45	Defence vs Gerehu United	(B)	
12:00	Souths vs Waliya	(B)	
PRL ground 3			
09:30	Post Puma vs Kone Tigers	(C)	
10:45	Brothers vs Royals	(B)	
12:00	Post Puma vs Kone Tigers	(B)	
Sunday 4th June, 2000			
Lloyd Robson			
09:30	Souths vs Waliya	(C)	
10:45	Post Puma vs Kone Tigers	(A)	
11:30	Brothers vs Royals	(A)	
13:00	Souths vs Waliya	(A)	
15:00	Whagi Tumbu vs Cambridge Vipers (SP Cup)		
PRL ground 2			
09:30	Paga vs Dobo Warriors	(C)	
10:45	Brothers vs Royals	(C)	
12:00	Hawks vs West	(B)	
Monday 5th June, 2000			
Lloyd Robson			
09:30	Magani vs Tarangau	(C)	
10:45	Paga vs Gerehu United	(B)	
12:00	Magani vs Tarangau	(B)	
13:30	Defence vs Souths	(B)	
15:00	Magani vs Tarangau	(A)	
PORT MORESBY NETBALL ASSOCIATION			
Juniors			
Under 10 A			
08:00	LB Mermaids vs TST Kempa	(court 1)	Under 13 A 08:30 BB Kings vs LB Mermaids 1 (court 1) 08:30 June Valley vs TST Kempa (court 2) 08:30 L Telstars 1 vs Chevron P (court 3) 08:30 CP Rebels vs Paramana (court 4)
09:20	W2	Orogen U18 vs SP Brewery	Under 13 B 08:30 Hagara 1 vs St Theresa 2 (court 5) 08:30 TST Kempa 2 vs LB Mermaids 2 (court 6) 08:30 St Peters vs CP Rebels 2 (court 7) 08:30 Ted Diro vs St Pauls 1 (court 8)
10:30	D1	Korion vs BMicks	Under 13 C 08:30 St Michaels vs Holy Rosary 1 (court 9) 08:30 Pari 1 vs Boreboa 1 (court 10) 08:30 Wardstrip 1 vs CP Sparrows 1 (court 11) 08:30 Kila Kila Pri vs Bavaroko 1 (court 12)
11:45	W2	Waigani Height vs Falcon	Under 13 D 08:00 Rakaone vs Bavaroko 2 (court 9) 09:00 Mase vs Wardstrip 2 (court 10) 09:00 Philip Aravure 1 vs Boreboa 2 (court 11)
12:55	Youth	LBC Defence vs Babaka	09:00 Tatami Pri vs
14:00	D1	Kula vs Nomads	Under 13 E 09:00 CP Sparrows 2 vs Philip Aravure 2 (court 13) 09:00 Butuka vs St Pauls 2 (court 14) 09:00 Holy Rosary 2 vs Hagara 2 (court 15) 09:00 Pari 2 vs Kaugere (court 16)
15:00	W1	Telkom vs Guria	Under 15 A 09:00 June Valley 1 vs Chevron P 1 (court 1) 09:00 L Telstars 1 vs Mase (court 2) 09:00 TST Kempa vs LB Mermaids (court 3) 09:00 CP Rebels 1 vs Kila Kila Pri (court 4)
16:20	Prem	Cosmos vs SP Brewery	Under 15 B 09:00 Wardstrip 1 vs St Theresa 1 (court 5) 09:00 CP Rebels 2 vs St Peters 2 (court 7) 09:00 St Pauls 1 vs Hagara 1 (court 8)
Bisini Two (2)			
08:00	D3	Bipi vs Agib	Under 15 C 10:00 Philip Aravure 1 vs St Theresa 2 (court 1) 10:00 Bavaroko 1 vs Butuka (court 3) 10:00 Tatami Pri vs Badihagwa (court 4) 10:00 Tokarara Pn 1 vs Boreboa (court 5)
09:20	W2	B/Kumulu vs Bavaroko	Under 15 D 10:00 Bavaroko 2 vs L Telstars 2 (court 6) 10:00 LB Mermaids 2 vs St Peters 2 (court 7) 10:00 Pari 1 vs CP Sparrows 1 (court 9)
10:30	D2	Nanui vs Nisco	Under 15 E 10:00 Badihagwa 2 vs Hohola Youth (court 6) 10:00 Ted Diro vs Kila Kila Pri 1 (court 7) 10:00 Tokarara Pri 2 vs Lvloni (court 8) 10:00 Philip Aravure vs LB Mermaids 2 (court 9)
11:45	W1	Sobou vs W/Tarangau	Under 17 A 11:00 Kila Kila Sec vs Hagara (court 1) 11:00 Badihagwa 1 vs Chevron P (court 3) 11:00 CP Rebels vs L Telstars 1 (court 4) 11:00 LB Mermaids 1 vs Tokarara Pri 1 (court 5)
12:55	D2	Eda Ranu vs Mungakas	Under 17 B 11:00 Badihagwa 2 vs Hohola Youth (court 6) 11:00 Ted Diro vs Kila Kila Pri 1 (court 7) 11:00 Tokarara Pri 2 vs Lvloni (court 8) 11:00 Philip Aravure vs LB Mermaids 2 (court 9)
14:00	D4	Kurti Andra vs B/Kumulu	Under 17 C 11:00 Holy Rosary vs Bavaroko (court 10) 11:00 Boreboa vs Mase (court 11) 11:00 Kaugere vs Gavuone (court 12)
15:00	D3	HLB Pom United vs Kutu	Under 17 D 11:00 Sogen 1 vs Lvloni (court 1) 11:00 LB Mermaids 1 vs Chevlon P 1 (court 3) 12:00 Kila Kila Sec vs L Telstars (court 4)
16:20	Prem	ANZ University vs Tawala	Under 17 E 12:00 LB Mermaids 2 vs Mase (court 5) 12:00 Hohola Youth vs Sogen 2 (court 6) 12:00 Chevlon P 2 vs BB Kings (court 7)
Sunday 4th June, 2000			
Bisini One (1			

Cosmos Soccer Club & Telikom Rugby Union

Joint
FUND RAISING DANCE

VENUE: Gateway Hotel

This Friday 2nd /

TIME: 7.00 pm till late

Inhouse music
K10 gets fee



ZENAG - Gutpela kiau



WANTOK SPOT



PMSA Ripot

PMSA bai rausin poin bilong ol klab

PRESIDEN bilong Pot Mosbi Soka resis (PMSA) Kume Aua i tok olsem ol bai rausim ol poin bilong ol klab na bai rausim ol long resis sapos ol i no baim rejistresin bilong ol pilais bilong ol harlap.

Aua i tokaut aste olsem ol klab husat i save pilai long PMSA resis na i no baim rejistresin bilong ol pilais bai ol i rausim ol poin bilong ol na bai rausim ol long resis sapos ol i no baim bifo long Fraido Jun 2, 2000. Em i tok olsem ol bai stat mekim dispela long dispela wiken.

Aua i tok olsem taim ol bai rausim ol poin pinis long ol klab husat i no gat ol rejistad pilais ci bai givim i go long dispela tim husat i bin lus long em. Tasol dispela tim husat i lus i mas gat olgeta rejistad pilais sapos ol i laik kisim ol poin.

Aua i tok, "ol tim husat i no stretim ol fis bilong ol bipo long Jun 30, bai mipela i rausim ol long resis.

Em i tok olsem ol bin givim planti taim long ol klab long baim ol fis bilong ol na ol i bin save putim ol toksave long notis bod long Bisini.

Ol rejistresin fi bilong pilais i sanap olsem: Premia Men 1 and Women 1 divison - K25, Mens 2, Womens 2, Mens 3, Mens 4 divison - K20 na Yut divison - 15.

Aua i tok olsem dispela mani ol bai kolektim em bilong ranim PMSA long baim ol ekkipmen olsem ol bai, long trenim ol refari na ol kos, long baim ol referi, baim sekuriti na ol arapela samting.



• Pot Mosbi hoki eksen.

SP Inta Siti resis i stat Inta-Siti Ragbi Lig ripot

RAYMOND PALANGAT i
raitim

OL PES bilong Ragbi Lig lukaut. Raun wan bilong SP Inta-Siti resis bai stat nau wiken na bai lukim ol tim i soim strong bilong ol.

Long dispela yia i gat olsem 9-pela tim tasol. Dispela tim em, Hagen Eagles, Goroka Lahanis, Port Moresby Vipers, Lae Bombers, Waghi Tumbe, Enga Mioks, Rabau Guria, Mend, Muruks na Simbu Warriors.

Las yia i bin gat 10-pela tim tasol i bin rausim ol Kimbe Buli long dispela resis.

Long dispela raun, Viper bai pilai wantem Waghi Tumbe long Pot Mosbi, Eagles bai traum bun bilong Mioks long Wabag, Muruks bai salensim Warriors long Kundiawa na Bombers traum Guras long Lae.

Ol premias bilong las yia, Lahanis ol i laki stret bikos long dispela raun ol i stap long bai.

Olgeta 9-pela tim insait long SP Kap resis i stretim pinis olgeta samting bilong ol na ol i redi nau long pilai ragbi lig.

Siaman bilong of the SP Kap menijemen komiti, Jim Robinson, i tok aut olsem stail bilong SP Kap long dispela yia ol i senisim liklik long givim spes long wanpela Inta-

Siti resis ol i statim. Dispela resis i bin save on bipo na nau dispela yia ol bai statim gen.

Em bai gat 12 raun long SP Kap resis. Raun 4, 8 na 12 ol i makim olsem ol Inta-Siti resis. Olgeta tim bai gat sans long kisim ol poin long dispela SP Kap resis na ba gat ol spesol inta-siti resis bilong ol dispela raun.

Dispela em aninit long sponsasip bilong PNGRFL wantem PNGFM, husat bai brodkasting ol pilai insait long ol 12-pela raun, long semi-fainls na gren fainol.

Ol fainol bilong SP Kap resis bai stat long Septemba.

Meja sponsa bilong SP Kap

resis em SP Holdings na ol bai givim ol prais bilong ol man-of-the match na ol sampela prais bilong ol wanwan pilais. Dispela em long mekim ol pilais i pilai strong.

Robins i tok olsem bifo gem bilong Vipers na Tumbe long Sande i stat ol bai mekim wanpela pareid long ol striit bilong Pot Mosbi.

Ol pilai na ol ofisol bilong Vipers bai raun long kar long ol hap bilong Mosbi.

Ol bai stat raun long Badili long 9am na bai go olsem i go long Koki, Town, Konebodu, Hanubada, Baruni, Gerehu, Waigani, Gordons, 7 Mile, 6 Mile, 5 Mile,

East Boroko, Taurama, 3 Mile, Kila Kila na Kaugere.

Robins i tok olsem dispela em bai givim sans long ol man meri long lukim tim bilong ol na saptotim ol.

Robins i tok tu olsem em i saptotim toktok bilong siaman bilong PNGRFL, John Numapo husat i bin tok olsem dispela SP 2000 resis em i impoten stret.

Numapo i bin tok olsem dispela resis em i save redim ol pilais long taim bilong seleksen bilong Kumuls tim husat bai salensim ol arapela kantri long Wel Kap long Yurop long Oktoba.

Em i Gutpela Em i Tuna Em i bílong PNG stret...

PROUDLY
PNG
MADE



- ◆ Tuna kam long solwara bilong Papua Niugini Stret.
- ◆ 100% tuna mit stret, nogat bun na nogat skin.
- ◆ Plantii mit istap long olgeta tin.
- ◆ Nambawan tru long kisim protein bilong buildim masol. Em i gat Vaitamen D. na Selenium bilong helpim yu long rausim na pait long sik kensa na ol sik bilong lewa.
- ◆ Prais inap tru long yu baim.

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.